

中國歷代卜人傳

右任



中國歷代卜人傳卷十七

潤德堂叢書之八

鎮江袁阜樹珊編次

湖北省

湖北省在我國長江流域中部。以在洞庭湖之北得名。禹貢荊州之域。春秋時爲楚鄂王封地。故別稱曰鄂。漢置江夏、南郡二郡。自晉及隋。歷爲荆、襄諸州。唐分屬淮安及山南道。尋又分屬江南、淮南、山南東、黔中諸道。宋置湖北及京西路。尋改荆湖北路。分置京西南路。元置湖廣等處行中書省。明時與今湖南省同爲湖廣布政使司所轄。清初屬湖廣省。康熙三年始分置湖北省。民國仍之。其地東界安徽。東南界江西。南界湖南。西界四川。西北界陝西。北界河南省。會曰武昌縣。

246

江夏縣

漢置沙羨縣。晉僑立汝南縣。隋改曰江夏。元爲武昌路。明爲武昌府治。清因之。湖北省亦治此。民國廢府。改江夏曰武昌。仍爲省治。地當江漢之交。與漢陽漢口成鼎足之勢。爲長江中部大都會。



兵爭之際。恆以此得失爲輕重。中華民國之興。亦首義於此。城中蛇山橫互南北。交通頗感不便。清張之洞督鄂時。會議鑿山通道。未成而止。民國成立。始實行溝通。名其隧道曰武昌路。行者便之。城北武勝門外。有自關商埠。清光緒二十六年所開鐵路。自此達於長沙。卽粵漢之北線也。

周 鄭詹尹爲楚太卜。屈原既放。三年不得復見。嘗往見決疑。詹尹曰。用君之心。行

君之意。蓋數有所不逮。神有所不通也。

藝術典卜 筮部藝文

宋 皇甫坦。道士。湖北人。善相術。李皇后乃慶遠軍節度使。贈太尉李道之中女。初

后生。有黑鳳集道營前石上。道心異之。遂字后曰鳳娘。道帥湖北。聞道士名。使相之。乃出諸女拜坦。坦見后。驚不敢受拜。曰。此女當母天下。坦言於高宗。遂聘爲恭王妃。封榮國夫人。進定國夫人。乾道四年生嘉王。七年立爲皇太子妃。及太子卽位。册爲皇后。慶元六年崩。年五十六。諡慈懿。

宋史光宗慈懿李皇后傳圖 書集成藝術典相術部記事

清 傅之鉉。江夏人。精太素脈。大理寺李昌祚召傅診之。曰。秋得春脈。弦且長。明年

草青時。左脇痛而不可治也。布政使劉公以事坐辟。傅診其脈。曰。無恐。當輸鬼薪

耳。皆奇驗。

湖北通志方技

247

夏口廳

今為漢口市。舊為漢陽縣地。清置夏口廳分防同知。屬湖北武昌府。民國改縣治。治漢口鎮。權又改置漢口市。地當漢水入江之口。亦曰河口。為中國四大鎮之首。與武昌隔江相對。人煙稠

密。戶口殷繁。未開港以前。已成絕大市場。清咸豐八年。與英訂天津條約。尤各國通商建埠。為長江三之一。貿易之盛。冠於沿江各埠。海全國商業中心點也。西人以其位置優良。常稱為東洋之克魯。由此溯長江支流。可遠達獨漉黔諸省。溯漢水支流。可達秦汴二省。與湘贛皖蘇諸省。又均有汽船相通。故有九省通衢之稱。京漢鐵路以此為終點。未成之川漢路。亦自四川而終於此。轉輸粵漢路成。則縱橫全國之幹線。均可接軌。繁盛更非今日可比。

清

程思樂字前川。漢江諸生。授徒之暇。即喜觀山水。每遇吉壤。必留連不舍。一若

山川之性情。與己之性情有默契焉者。迨後宦游太湖。依然筆墨生涯。公餘即尋山問水。遂肆志堪輿之學。償所夙好。乾隆乙卯。著地理三字經二卷。巒頭理氣莫不撮要言之。地理三字經序跋

清

黃友石字米公。江夏人。漢陽郡庠生。能文善卜筮。同治夏口廳志方技

248

蒲圻縣漢沙美地。三國吳置蒲圻縣。故城在今湖北嘉魚縣西南。隋移縣於鮑口。即今治。清屬湖北武昌府。粵漢鐵路經之。

明 王進臣字東洪。博極羣籍。尤精易理。以歲貢授桃源縣訓導。力行勸士。轉石門教諭。致仕歸。方正自持。家規嚴肅。子弟不衣冠不敢見。所著若干卷。同治蒲圻縣志儒林

249

崇陽縣

漢沙羨縣地。晉以後爲蒲圻縣地。唐置唐年縣。五代吳改崇陽。唐復曰青年。宋仍曰崇陽。清屬湖北武昌府。

清

葉峙山居邑南善火珠林易多靈驗問者盈門又邑東有沈叟讀易但記爻辭

其談論類賣漿籬桶之流善術數或袖火紙令占沈吟久之曰遇水而成遇火而

化。

同治崇陽縣志藝術

250

大冶縣

漢爲鄂縣及下雉二縣地。三國吳爲陽新縣地。隋爲永興縣地。楊吳置大冶青山場院。南唐升爲大冶縣。清屬湖北武昌府。縣舊有鐵山鐵務二冶。故以大冶名縣。

清

盧昶號箬卿長虹堡諸生工草書善畫蘭竹精堪輿詮註金玉圖地書二卷梓

行。

光緒大冶縣志藝術

251

興國州

宋置興國軍。治永興縣。元爲路。明改爲州。省永興縣入之。清屬湖北武昌府。民國改爲陽新縣。

清

石敬臺字熙華隱居讀易諳星理捐資修半壁山江隄水鄉德之官節相遣使

辟不就晚年築受書齋於陽辛石角山著有奇門化機太乙天文行世同治興國州志隱逸

252

漢陽縣

漢沙羨縣地。後漢末。晉爲沙羨縣治。晉置石陽縣。後改名曲陽。南朝宋又改名曲陵。齊爲滄陽。隋置漢津縣。改曰漢陽。清爲湖北漢陽府治。漢陽鎮總兵駐此。民國廢府存縣。縣城當江漢合流

處。隔江東望武昌。隔漢北望漢口。古今用兵必爭之地。城北龜山嶺有煉鐵廠。兵工製造廠。均清時張之洞所創設。鐵廠即鐵政局。爲中國唯一之煉鐵廠。兵工廠即槍械局。規模較江南製造局尤勝。

明 李國木，字喬伯，庠生。生而穎異，通經史，博涉九流，與弟國林究心堪輿之學。相傳鄉里之卜葬者，經其指擇，無不昌吉繁衍。卽達官廳事，經其移改，亦莫不遷擢。以去。南都旱，西門在石頭之左，地有山脈，難築易圯。喬伯相視規畫，至今屹然。著有地理大全一書，雖蒼萃郭楊曾賴之書，而國木所撰圖說居其大半。卽所收疑龍撼龍諸經，亦與高文良所校不同。蓋國木多所刪改焉。

四庫提要子部術數類存目二民國湖北通志方技同治漢陽縣志

藝術以國木為清人誤矣

清 金鵬，字選士，漢陽人。少倜儻，能文，精堪輿。選擇風鑑諸術，金壇許振，布衣時游

楚。鵬見之，曰：「鼎元也。」越五年，果魁天下。周太史天佑，少時就之相，曰：「起家翰苑，以郡守終。」武昌太守章培基敬禮之。一日談次，問生平，對曰：「且勿遠求，十日內，謹防火警。未幾廳事災，章以爲神。」

民國湖北通志方技

253

漢川縣 唐析置漢陽縣，置漢川縣。宋初改義川，後避諱，改漢川。故城在今湖北漢川縣北。元徙今治。清屬湖北漢陽府。

明 尹賓商，字亦庚，漢川人。有雋才，喜談兵。以選貢授屯留知縣，調祁縣。忤上官，免

歸杜門著書。其學長於術數。釋遁甲曰。遁者隱也。大衍虛一。太乙虛三之義也。甲爲十干之首。常隱於六儀之下。所以變化無窮。謂之遁甲。六儀。戊己庚辛壬癸也。甲爲天之貴神。雖不用。而潛伏於戊己庚辛壬癸之間。因名曰遁。或曰遁者循也。當云循甲。取六甲循環之義。非其本旨矣。他著述詩文甚夥。有小書籠集。艾衲阿藏稿。焦螟子兵燹記。湖北通志文學

清 丁鵬翥。大赤鄉人。少讀書。不遇棄制藝。究心易數。決休咎。不爽。遠邇爭延之。年七十五卒。

清 田學臣。字玉林。增生。家貧好善。潛心易學。善卜筮。咸豐辛亥。邑有案匪越獄逃。緝之不得。學臣卜之。斷以某月日時。後果獲。年九十卒。以上同治漢川縣志藝術

254

孝感縣

漢安陸縣地。南朝宋析置孝昌縣。以孝子董黯立名。後唐避諱。曰孝感。宋時移治縣北葉家寨。元復還舊治。清屬湖北漢陽府。京漢鐵路經之。

明 王儻。字廷邱。涇諸生。以株累。謫戍贛州之興國。會唐希皋宰是邑。詢其故。憫之。與語大奇之。引爲友。唐致仕。遂偕歸。孝感終焉。儻達於易。兼工青烏術。崇理而絀。

數言吉凶奇中。游覽邑山川殆徧。遇善地輒識數語。後術家奉爲鴻寶。曰隴章。點者以質作纂其中。熒富豪焉。儻著有地理書數十篇。中書屠喬建刊之。今頗有存者。光緒孝感縣志流寓

清

熊賜履字青岳。又字敬修。號素九。別號愚齋。孝感人。順治戊戌進士。選庶吉士。官至武英殿大學士。卒年七十五。謚文端。賜履年十五。學已有成。自經史以及外氏六通。五覺十祕。九府之書。罔不心摹手寫。穿穴貫串。故凡星經地志。六甲五緯。測算鈎稽諸術。無不手繪爲圖。口勒成書。而後由博反約。歸源濂洛。如天地左海。百派統匯。是以學有本原。所著有學統閑道錄。下學堂劄記。經義齋諸集。清史稿列傳錢儀吉

碑傳集康熙朝宰輔上

255 沔陽州

漢雲杜縣。南朝梁置沔陽郡。西魏改置建興縣。爲郡治。隋改縣爲沔陽。唐廢郡。宋省縣入沔沙。元從沔沙爲沔陽府治。明降府爲州。省沔沙入之。清屬湖北漢陽府。民國改州爲縣。

清

婁櫃

櫃。晉西。積火燒之也。

字英圃。剛方廉介。善詩文。工小楷。屢蹟名場。韻。音致。踏也。沔。音夾。韻。韻也。因改

習堪輿。以尋龍點穴爲主。爲母卜葬華容縣。墨山前。數年始成。備嘗辛苦。其伯叔

兄弟多賴。樞出資卜葬。屢以所買穴場贈送友人。嘗爲謝姓卜地荆州草山。係星斗靈脈。開穴見碗大白土七枚。如北斗狀。斗柄指案。皆極自然。同里庠生周琛鑑。贈詩有倒杖獨尋金蓋地之句。著有四書補義六卷。地理統宗四卷。子聯奎。邑庠生。亦以地理世其家。

清 葉傳薪。字訓齋。少英俊。從其叔庠生觀海學。勤苦攻經。尤研易。遂精卜筮。無不驗者。時州牧姚震榮。有逸犯。請其占。斷以某日某時。於某方可獲。後果然。由是名益噪。

清 騰雲龍。相士也。不詳其姓氏里居。工翰墨。善風鑑。語言嫺雅。有儒者風。壯年從粵寇洪秀全遊。才識邁衆。頗倚之。洪敗。家室遇害。遂隱於相。以終老。浪跡江湖。自號曰騰雲龍。蓋自喻也。騰初至沔溪。日賣技。鄉村間所言吉凶禍福。多不期。而中名噪於時。有富商某。就之相。或語之曰。某封翁也。性慳吝。非面諛不能獲厚報。相士笑領之。及某人座。猝然曰。君壽不踰顏子。能捨家之半。行慈善事。或可中壽。某

快快去。論者責其贛直。則曰相形不如論心。非古語乎。相惡而心術善。無害爲君子。相善而心術惡。終必爲小人。君子之謂吉。小人之謂凶。苟卿之至論也。吾矯某之吝。而使之捨私濟公。相其心耳。流俗人烏足以語此。時知名士王鑑林。耳其言。不類江湖客。揖而叩其術。謙遜不答。間且造其室。訪問家事。則顧而之他。絕不言。旋亦去。沔溪而他適。越十載復來。已祝髮爲浮屠。駐錫於杜浦寺。未幾。遂雲遊。不知所終。

清碑類鈔方技

清 蔣德高。朱家坊人。精談命理。多奇中。名噪江漢。

清 定永桂。字紹燕。監生。專習周易。精卜筮。每有占斷。出人意表。年七十終。

清 蕭功誨。字性菴。滄浪里儒士。篤實好學。老而不倦。喜吟咏。尤精地理。著有周易

圖地理正宗。

以上光緒沔陽州志方技

256 黃岡縣。戰國時楚遷郢國於此。漢置西陵西陽郡三縣。南齊置齊安縣。隋爲黃州治。改曰黃岡縣。故城在今湖北黃岡縣西北一百二十里。唐移今治。清屬湖北黃州府治。

明 甘霖。字時望。少嗜河洛奇門禽星之學。遇奇人授以太乙六壬皇極範圍周易。

大定諸數。後謁武當宿紫霄宮。又得終南無礙師。元養接命之祕。形家之術。常聘贊幕府。平播酋。平島夷。屢犯虎口。卒獲全。陳繼儒謂霖忠孝填胸。精神滿腹。關中張儀仲刻其所著五種祕竅全書。謂根柢儒理。非楊曾廖賴所能頡頏云。霖按。甘霖。又著

奇門一得二卷。崇禎癸亥刊行。詩年已七旬有九矣。○光緒黃州府志藝術

明

玄谷子垂簾賣卜。黃岡王翰林廷陳贈詩有云。日者在昔多隱賢。年來似子稱

通玄。予今五十豈知命。汝困湖海空談天。閉肆潛窺斗宿外。被褐長掛公卿前。吾

鄉名流頗氣岸。往往卷內留詩篇。夢澤集

清

高序奎黃岡人。以占易自活。不多受人錢。手周易一卷。暇則徧書其上。凡數十

易而不止。所居門側。一日晨起。自掘小渠容斗水。人問故。曰。偶作劇耳。數日鄰舍火。奎得無恙。乃知其神。又嘗入鄉人家。曰。起起。衆方臥。驚出。梁崩而牀碎矣。晚年去其鄉。不知所終。

清

張鳳鳴。湖北黃岡人。爲邯鄲令。善筮。乾隆戊子。上以緬事未平。命阿公桂定邊。

昶得旨隨行。掌管書記。十月初十日啓程。十六日抵邯鄲。鳳鳴來見。爲阿公著之。遇離云。離爲南。於象爲文明。爲兵戈甲冑。今六爻不動。未必克也。後果歷久乃平。

清王昶  
行日錄

清

朱心安。黃崗人。明季避亂揚州。求卜遇異人。曰。子以吾術終。可得中富。然當病一足。心安師之五年。盡得其祕。歸以善卜名。占驗奇中。終身一如異人言。

以上民國  
湖北通志

技方

清

徐習功。號敬夫。喜讀書。明易理。旁通風角壬遁諸術。語人禍福。有先幾之哲。時粵賊竄黃。知縣翁汝瀛。葛致遠。先後練勇勦賊。聞習功名。聘襄軍務。出奇謀。占勝負。多奇中。人驚爲神。

光緒黃岡  
縣志方技

清

張利川。號星槎。國子生。少秉異資。屢困場屋。遂棄舉子業。留心圖史。旁及雜流。善草書。得米南宮筆意。尤精卜筮。占驗多奇中。晚客吳下。求書者羣集。

光緒黃州  
府志藝術

羣。來去聲。  
聚也。並也。

257

黃安縣

漢西陽及鄧縣地。唐以後爲黃岡黃陂麻城三縣地。明析置黃安縣。清屬湖北黃州府治。

清、周宗仁、黃安人。家貧而目瞽。賣卜肆中。言人休咎奇驗。自推命。嘆曰：天下洵洵。奈何余受其難乎。同治元年壬戌，賊警至。鄉里求卜。周驚曰：死期至矣。諸君無慮。咎獨在予。既而曰：人事不可不盡也。率妻子及兩弟避之鄉道。遇賊縛之。周怒罵不屈。遇害。民國湖北通志方技

258

蘄州

北周置。隋改爲蘄春郡。唐復置。尋仍爲蘄州。治蘄春。在今湖北蘄春縣西北。宋曰蘄州蘄春郡。元爲蘄州路。省蘄春縣入之。明初爲府。旋降爲州。屬湖北黃州府。清因之。民國改州爲蘄春縣。

明、浦心韋，蘄州人。爲荆藩醫官。精太素脈。能知人窮通壽夭。百不爽。一嘗謂顧黃公曰：吾意子少年科第將有所託。今科第雖不可得。而心脈起一峯。將來必以文章名世。壽考亦不待言。惟蕭生脈七斷八截。恐不令終耳。蕭名壽。後果死賊難。心韋又通風角鳥。占有奇驗。民國湖北通志方技

清、胡昌才，上庠生。號雲岩。爲人慤實端方。有治理才。性嗜山水。精地理。著有地理要言二卷。谷應草詩文集梓行。光緒蘄州志方技

259 蕪陽縣

漢蕪春縣。南朝宋改名蕪陽。故城在今湖北蕪春縣西北。後雖復舊。並得蕪陽之稱。

明

李時珍字東璧。蕪陽人。父言聞業醫。時珍年十四補諸生。幼多羸疾。長好讀書。凡子史經傳聲韻農圃醫卜星相樂府諸家。稍有得處。輒著數言。古有本草一書。品類既煩。名稱多雜。時珍病之。著本草綱目五十二卷。弇州王世貞謂爲博而不繁。詳而有要。實性理之精微。格物之通典。故辨專車之骨。必埃魯儒。博支機之石。必訪賣卜云云。時珍晚年自號瀕湖山人。又著醫案瀕湖脈學。脈訣考正。奇經八脈考。各一卷。

明史方技湖北通志方技本草綱目王序

260

蕪水縣

漢蕪春縣地。南朝析置蕪水縣。南齊曰蕪水左縣。梁曰蕪水。唐改曰蕪溪。又改曰蕪水。清屬湖北黃州府。

清

嚴楚璧蕪水人以星卜名。巡撫某夫人將產。卜其男女。楚璧布指而算曰。璋亦

弄瓦亦弄。既而產果孿也。大奇之。

民國湖北通志方技

清

周文煥精易數卜筮多奇中。晚年過英邑。遇異人。所言益不測。同治甲子年七

十三。函詩與諸子。有清風明月任遨遊之句。遂長往。不知所終。

光緒黃州府志藝術

261

麻城縣

漢西陵縣地。南朝梁置信安縣。隋改曰麻城。城爲後趙將麻秋所築。故名。故城在今湖北麻城縣東十五里。宋末徙什子山。元初還故治。元末又移今治。清屬湖北黃州府。

明

歐陽方旦字旭之。生員。幼好學。遇高人授以太乙數。遂棄舉子業。精通數學。每課吉凶。無毫髮爽。不三年而名揚海內。赴南寧侯左良玉幕。欲授以官。辭不就。後

就武昌學官。國初執政亦迎置都中。欲薦之。仍堅辭。

光緒麻城縣志方技

262

羅田縣

漢新蔡縣地。南朝宋置羅田。唐省。故城在今湖北羅田縣東六十里。宋於石橋鎮置縣。在今縣東二十里。宋末省。元復置。移置官渡河。即今治。清屬湖北黃州府。

明

萬玉山初名福敦。羅田人。嘗棄儒出家。釋名道賤。邑令某器之。與爲方外交。且勸其蓄髮爲羽士。於是自號玉山。深味丹經。旁通風角。堪輿奇門。而尤精於醫。繪

竹蘭。清逸有韻。語人禍福多奇中。嘉靖中。贈號青微神霄演法真人。

湖廣通志參海隅集

清

尹自新。例捐縣丞。分發江西。素善星家言。談休咎悉中。僑居鄂渚。數載。問字者日盈於門。一時有媲美君平之譽。

清

嚴寅賓。讀書好施。與於陰陽卜筮之學。無不通。尤精盧扁術。活人無算。嘗鬻產以施藥餌。遠近德之。

以上光緒羅田縣志方技

263

英山縣 宋立廬山寨，尋更名英山，因立爲縣，尋廢。後重立爲縣，明移治縣西北章山，又移治縣北添樓壩，清初始還舊治，屬安徽六安州，民國二十一年，劃屬湖北省。

清 聞煥，字海峯，少工書，尤精畫理，喜堪輿，每恣覽形勝，臨水登山，徜徉忘返。歸則

布紙作圖，效宗慤臥遊故事，歿年七十六。民國英山縣志方技

264

廣濟縣 漢新蔡等陽二縣地，唐析置永寧縣，改曰廣濟，清屬湖北黃州府。

明 朱顯綬，字熙菴，廣濟人，嘗學丹術於王雲鵠，登樓設榻，足不履地，精卜筮，解觀

天象，避亂江濱，里人依之者多獲免。民國湖北通志方技

265

安陸縣 本春秋郢國，漢置安陸縣，故城在今湖北安陸縣北，何時徙今治，舊志皆不詳，清爲湖北德安府治。

清 沈文亨，字身元，舉人，籌也之子，饑寒勤學，旁精六壬術，數乾隆壬申進士，河南

浙縣知縣，潔己愛民，不事夤緣，以循卓遷雲南雲龍知州，善畫工詩，所著若干卷。

道光安陸縣志人物

266

雲夢縣 漢安陸縣地，西魏置雲夢縣，宋省爲鎮，尋復置，清屬湖北德安府。

清 衛明發，雲夢諸生，究心易數，能知未來事，巡撫某延爲從子師，已而其人患弱

疾。展轉床蓐間。明發。就其側與之講易。久之愈。或問其故。曰。惟理可以克欲耳。閱二年。自知死期。遂辭出。且約巡撫於某日至寓宅一別。及期。巡撫至。一笑而逝。

正雅

湖廣通志方技

267

應城縣

南朝宋置。隋改曰應陽。唐復曰應城。五代梁改曰應陽。唐復故。清屬湖北德安府。

明

陳士元。字心叔。應城人。嘉靖甲辰進士。官至灤州知州。撰易象鉤解四卷。是編

專闡經文取象之義。其自序稱朱晦菴、張南軒、善談易者。皆謂互體五行。納甲飛伏之類。皆不可廢。蓋文周彖爻。雖非後世緯數。瑣碎而道。則無不冒焉。傳注者。惟以虛玄之旨例之。有遺論矣。其履卦注。又曰。京房之學。授受有自。今之學士大夫。擯斥不取。使聖人不因卜筮而作易。惟欲立言垂訓。則畫卦撰著何爲哉。朱子曰。易之取象。固必有所自來。而其爲說。必已具於太卜之官。今不可復考。亦不可謂象爲假設。然則京氏之學。安知非太卜所藏者耶。

四庫提要經部易類五

士元又撰夢林元解

三十四卷。何棟如重輯。士元初作夢書元解。棟如因而廣之。分夢占二十六卷。夢

讓二卷。夢原一卷。夢徵五卷。前有凡例。稱是書在宋景祐間。名圓夢祕策。爲晉葛

洪原本。而宋邵雍輯之者。

四庫提要子部  
術數類存目二

268 襄陽縣

漢置。歷代因之。清爲湖北襄陽府治。城當漢水之曲。與樊城隔漢相望。東出武漢。北通兩陽。西控商洛。南制江陵。爲自古攻守必爭之地。商業甚盛。

漢 龐德公。字山民。襄陽人。娶諸葛孔明小姊。爲魏黃門吏部郎。早卒。負令名。有知

人。鑒謂諸葛孔明爲臥龍。龐士元爲鳳雛。司馬德操爲水鏡。皆德公語也。

蜀志龐  
統傳注

宋 王鼎。襄陽人。初寄身醫卜。後遇鍾離。得仙術。自號王風子。不見其飲食。嘗行江

干。人見水中有二鼎影。怪問其故。曰。若更欲見之乎。須臾見十影。衆皆驚異。真宗

召至禁中。長揖不拜。後辭去。不知所之。

早按。此乃宋之王鼎。與安徽鳳陽縣。清之王鼎有別。  
○明一統志。嘉慶湖北通志。仙釋。乾嘉襄陽府志。釋老。

宋 楊懶散。祝髮爲僧。善風鑑。襄陽張待制。詩以贈行。邂逅湖傍寺。翻然還語離。

春風飛錫遠。暮雨渡杯遲。渺渺孤雲意。翩翩野鶴姿。百年堪幾別。何處重相期。

微紫

集

清 虞春潭。星士。爲人推算多奇中。偶薄游襄漢。與一士人同舟。論頗款洽。久而怪

其不眠不食。疑爲仙鬼。夜中密詰之。士人曰：我非仙非鬼。文昌司祿之神也。有事詣南岳。與君有緣。故得數日周旋耳。虞因問之曰：吾於命理。自謂頗深。嘗推某當大貴。而竟無驗。君司祿籍。當知其由。士人曰：是命本貴。以熱中削減十之七矣。虞曰：仕宦熱中。是亦常情。何冥謫若是之重。士人曰：仕宦熱中。其強悍者必怙權。怙權者必狠而復。其孱弱者必固位。固位者必險而深。且怙權固位。是必躁競。躁競相軋。是必排擠。至於排擠。則不問人之賢否。而問黨之異同。不計事之可否。而計己之勝負。流弊不可勝言矣。是其惡在貪酷上。審且削減。何止於祿乎。虞陰記其語。越兩歲餘。某果卒。清紀略 陽消夏錄

269

鍾祥縣

漢竟陵縣地。南朝宋置長壽縣。明初省。尋置鍾祥縣。爲承天府治。清爲湖北安陸府治。

明 王安所平生相人。輒奇中明末。有令遍相當事者。歎曰：何皆亡國之器也。人笑

其狂。癸未城陷。果如所言。同治鍾祥縣志方校

270

京山縣

漢竟陵縣地。晉末析置新陽縣。西魏改爲角陵。隋改曰京山。清屬湖北安陸府。

明 馮大椿。刑部司務。馮士祿裔。孫精數學。賣卜鄂垣。黃鶴樓多奇驗。道光年間已

伏法之教匪。默默居等。先問卜於椿。椿廉得其隱。卽約同紳士出首。盡獲匪黨。按

問如法。子學恆。知醫。尤通地理。人頗樸素。光緒京山縣志方技

明 屈亨。京山人。解康節梅花數。爲諸生時。以此著名。正德中。山東大盜劉六劉七

齊彥輩。自北方來。已達應山。逼近縣境。有就亨叩者。詞畢倚柱而立。亨曰。無憂。以

人倚木。休字也。後賊果敗去。他類此。圖書集成藝術典術數部名流列傳

271 潛江縣。漢會稽江陵二縣地。唐置白雲縣。宋置潛江縣。故城在今湖北潛江縣西北。元徙今治。清屬湖北安陸府。

清 謝天翱。潛江人。幼知孫吳兵法。旁通奇門。嘉慶戊午。邑人朱誠練勇堵教匪。翱

爲之主。性深沈。與人言不及兵事。事定不言功。弟天翔。驍勇善戰。助誠勦匪有功。

翱子心治。髮逆之亂。練勇捍禦。皆以奇門制勝。多天翱之教云。民國湖北通志方技

清 劉先甲。字殿三。邑庠生。植品端廉。喜周貧乏。丙子鄉試。房薦未售。博覽羣書。會

通大義。精岐黃。尤精堪輿。有求卜地者。不之拒。但喻以不如心地之說。絕不染陰

陽家斷驗隱習著有一禪詩草

光緒潛江縣志人物

272

竟陵縣

本定地。秦置縣。南齊置竟陵郡於此。梁末廢。故城在今湖北天門縣西北。

明

劉原善號新亭竟陵人弘治壬戌進士戶部郎中邦直之父也原善少穎敏蚤

讀書既得大義遂復究老佛陰陽星命之說善卜筮有奇驗孝友勤儉出於天性

性尤寡慾年逾五十卽異寢處其妻沒遂不續弦壽八十餘

明魯文恪公集壽序

273

荊門州

唐置五代高氏於此置荊門軍後移軍治當陽元升爲荊門府還故治降爲州明因之清爲直隸州屬湖北省民國改州爲縣

明

朱風子不知何許人類頽者問輒曰我天潢也因稱朱風子云天啓間居青谿

青谿山在湖北兩漳縣南六十里接當陽遠安二縣界

言人禍福多奇中時行乞有餘咸給衆乞蓬首垢面人亦以此忽之或有飲酒者風子至命之坐卽坐而談笑自若或臥數日不食亦無異也

一日酣臥灘上俄而水漲人以爲隨陽侯去矣水退而風子起衆益奇之竟陵譚

元春聞之竟陵縣名秦置故城在今湖北天門縣西北不遠百里來問前程風子以兩手圍而示之後譚中

元一日風子謂土人曰吾且死幸瘞吾衆允之居歲餘復見風子荷擔而行衆大

驚

駭。共發塚。空穴而已。同治荆門州志仙驛

清 吳文懋字申之。吳縣附貢生。精奇門數學。乾隆四十三年戊戌。任荆門吏目。以

愛民爲心。深爲上官所倚重。歷護州同篆。均著循聲。同治荆門州志循良

清 余元吉。邑諸生。每試高等。善吟詠。留心山水。天文。形家諸書。皆博涉焉。同治荆門州志文學

274 宜城縣 本楚郢地。秦置郢縣。漢改宜城。南朝宋廢。故城在今湖北宜城縣。南漢時其地出酒。名宜城醪。曹植酒賦。宜城醪。指此。

清 胡元靜字子仁。宛平人。乾隆間。往來襄漢。愛其山水。因流寓焉。後至宜城。館李得中家。李於竹林中起茅屋數椽居之。元靜嫻韜略。言事多奇中。當教匪未亂時。預知其兆。而決其必滅。著有林下星占四十餘卷。及奇門六壬戰略諸書。臨歿指以授李曰。幸善藏之。漢水溢。李氏遭漂沒。其書亦蕩然無存。民國湖北通志方技

275 南漳縣 漢晉爲中盧。臨沮二縣地。北周臨沮州。改縣曰思安。隋改縣曰南漳。唐宋移治中盧。元還舊治。清屬湖北襄陽府。

清 王夢麟字玉書。南漳人。善易學。精六壬。幼習岐黃。脈理精通。醫之卽效。乾隆間。授醫學訓科。邑之學醫者。頗宗其傳。惜壽不永。至今人多稱揚。嘉慶南漳縣志方技

漢後

276

棗陽縣

漢置蔡陽縣。光武帝爲南陽蔡陽人。後漢爲蔡陽侯國。分置襄陽縣。晉省襄陽。南朝宋仍置襄陽。後省蔡陽。北周改襄陽爲廣昌縣。隋改曰棗陽。宋升爲棗陽軍。元軍廢。仍爲縣。清屬湖北襄陽府。

龍淵善相。劉宏造淵。淵聞宏聲。乃起迎曰。公當極位也。宏曰。家貧負債。何得貴

乎。淵曰。公相然也。張濟就相。淵曰。事劉宏可至三公。濟事宏。宏後爲解瀆亭侯。既

去南陽。桓帝崩。迎解瀆亭侯爲天子。是爲靈帝。濟爲司空。太平御覽方術相上圖書集成相術部記事

277

鄖縣

漢長利縣地。晉置鄖縣。元廢。尋復置。改曰助縣。清爲湖北鄖陽府治。鄖陽鎮建兵社北。

明 傅良冊。冊一作策。貢生。官蕪州訓導。轉教諭。博學多識。兼通術數。每試決士子之名

次。無不奇中。升永州教授。嘉慶鄖陽府志人物

明 李鳳林。鄖人。萬曆間。以星學名。嘗與人言帝座庶星多動。當有藩封。尋福瑞諸

王出閣。又論五星與洪範合。五星之變。皆足致禍。人主視明聽聰。無失德失言。則

能轉禍爲祥。熒惑太白。爲執法之官。司天下過失。其應尤速。於占步中。寓規箴意。

與星家言迥別。湖北通志方技

278

東湖縣

漢置夷陵縣。三國吳。改曰西陵。晉以後。皆曰夷陵。清雍正十三年。改設東湖縣。爲湖北宜昌府治。民國廢府。改縣爲宜昌。

清 何其昌字鳳五。讀書爲文。不由師承。別有心悟。自經史外。岐黃。青鳥。佛老。雜家之學。靡不涉獵。而皆有所得。據其所見。窮年研鑽。至老不輟。官房縣教諭。老歸林

下。卒年八十餘。同治宜屬府志士女

289 江陵縣

春秋楚郢地。漢置江陵縣。梁元帝平建康。定都於此。後梁蕭督亦都之。唐江陵府。宋江陵府。皆治此。清爲湖北荊州府治。城在長江左岸。有新舊二城。東爲新城。清時爲駐防旗人所居。西爲舊城。

漢人居之。

秦 南公。楚人。善言陰陽。識興廢之數。楚雖三戶。亡秦者必楚也。漢藝文志載南宮

十三篇。在陰陽家流。

雍正湖廣通志方技

梁 王先生。江陵人。賣卜於市。蓮勺吉士瞻。字梁容。少有志氣。不事生業。年逾四十。忽

不得志。乃就王先生計祿命。王曰。君擁旄杖節。非一州當得。戎馬大郡。及梁武帝起兵。義陽王撫之。天門王智遜等。並不從命。蕭穎胄遣士瞻討平之。以功歷巴東相。後爲梁秦二州刺史。入爲太子衛率。遷南陽武昌太守。在郡清約。家無餘資。

一如王言。南史吉士瞻傳

唐 王棲巖、自湘川寓江陵白鷺湖。善治易。窮律侯陰陽之術。所居手植桃。行成數十列。四藩其宇。時比之董奉。棲巖笑曰。吾獨利其花核。祛風導氣耳。每清旦。筮著爲人決事。取貲足一日生計。則閉齋治園。大曆中。嘗有老父持百錢求筮。卦成。棲巖驚曰。家去幾何。老父往矣。不然。將仆於道。老父出。棲巖百錢。乃紙也。因悟其所驗之辰。係棲巖甲子。乃歎曰。吾雖少而治易。不意能幽人鬼。鑿死復。何恨。至期卽沐浴更新衣而終。

藝術典卜筮部名流  
列傳荊州府志藝術

唐 張猷、荊州筮人。薛季昶爲荊州長史。夢貓兒伏臥於堂限上。頭向外。以問猷。猷曰。貓者爪牙。伏門限者闔外之事。君必知軍馬之要。未旬月。除桂州都督。嶺南招討使。

周後

王處士、江陵人。通筮法。周世宗徵時。與鄴商貿易。嘗至江陵。詣處士筮之。方布卦。一著躍出。卓立不仆。處士起立曰。吾家筮法。十餘世相傳。筮而著躍者。其人大貴。今卓立不仆。足下豈非天下主乎。遂再拜稱賀。

以上民間湖  
北通志方技

宋 郭銀河，妙於數。其談禍福多奇中。其言杉溪先生尙書劉公。又其奇中之尤者也。乾道戊子十一月二十日來謁予。貌甚古，辭甚辯。如軒轅彌明之長頸楚語也。於十月十二子五運六氣言之。如漢廷諸老生之論治也。如秦醫和、漢太倉公之知病也。予驚且奇之。與舊所聞無所不及。而有加焉。予問之曰：子之技前於人。而子之貧亦前於人。獨何與？銀河仰而笑，俯而嘆曰：技不負予也。予惟恐負技也。惟恐負技，故以人徇技。而不以技徇人。其於人也，不有所迎，而有所撓。以至於斯也。然予之貧可守，而予之守不可悔。予益奇之。如銀河者，其隱於技者歟。挾技者必有求，求不得，則罪其技。自技而之貧，自貧而悔，自悔而無所不之也。不爲此者希矣。如銀河者，其隱於技者與。

楊誠齋集送郭銀河序

宋

劉童子，善相及命術。游荆南。

荆南，今爲湖北舊荆州府之地。

謂夏侯嘉正曰：君將來須及第，亦有

官職。唯須清貴。已俸外，有百金橫入。不病則死。後嘉正爲正言直館。充益王生辰使。稍有金帛。方輦歸家。忽一緡自地起。立久方仆。遂感疾卒。

明 曹儀庭、江陵人。諸生。遯跡田間。究心術數。每讀書。徹夜不輟。語人曰。荊州空。陳執中。人莫有喻者。及賊陷荊州。時知府乃陳執中也。事繼母王。曲盡孝養。訓孤姪如子。鄉人有不義者。咸畏其知。以上民國湖北通志

清 勒豐額。滿洲鑲紅旗人。道光辛巳舉人。好讀書。精天文術。由大挑二等。洊升東陵員外郎。公餘手不釋卷。著有天文易解。荊州府志 駐防文苑

280

公安縣

三國蜀置。晉改曰江安。陳復舊名。故城在今湖北公安縣東北油江口。明末遷今治。清屬湖北荊州府。

清 田國芳。字經畚。庠生。鄉闈不售。遂輟舉子業。務實行。於星象。形家。醫卜。諸書。靡不通曉。年七十二卒。荊州府志 文苑

281

石首縣

漢華容縣地。晉析置石首縣。南朝宋省。唐復置。清屬湖北荊州府。

清 傅文靈。歲貢生。究心醫卜。手輯醫方便覽六壬占驗。分類字說。俱藏於家。荊州府志 孝義

清 李芳春。諸生。質魯苦學。兼精風鑑。相人一一不爽。嘗云。同里某婦。某日必遭雷殛。婦聞而銜之。未幾果驗。自悔不幸言中。後竟不復相人矣。石首縣志 方技

清 鄭青元，字長人。性至孝。爲母卜兆域。精青鳥術。著有地理正經四卷。待梓。同治石首縣志

技方

282 監利縣 春秋楚華容地。漢置華容縣。三國吳。析置監利縣。尋省。復立。故城在今湖北監利縣北上坊東村。今曰舊縣。南宋徙今治。清屬湖北荊州府。

明 黎福榮、監利人。洪武初，以善風角召見卜事。甚驗。上呼爲袁天綱。更賜名天綱。

以其子爲鴻臚寺序班。民國湖北通志方技

清 鄒世英，監生。耑習周易。精於卜筮。每有占斷。出人意外。無不靈驗。同治監利縣志方技

283 長陽縣 漢置狼山縣。晉改曰興山。尋復曰狼山。隋改置長陽縣。唐曰長陽縣。宋復曰長陽。元又爲長陽。清屬湖北宜昌府。

清 馬文秀，寓邑之南鄉。善星命學。咸豐三年癸丑，學使者當按試宜郡。某生使占

之。秀謂獲雉。當在五年。衆以不合按試年分。弗之信。後因粵匪猖獗。果改試期五

年。生售焉。其奇中多此類。康熙長陽縣志方技

284 長樂縣 元以前爲蠻地。明洪武。置五峯石寶長官司。尋廢。永樂復置。容美宣撫司。尋又廢。清雍正十三年。改置長樂縣。屬湖北宜昌府。民國改爲五峯縣。

明 張華清、菖蒲溪人。幼習詩書。老而不遇。曉堪輿。晚年惟以尋龍點穴爲業。樂陽

二邑卜葬甚多。子輝德有足疾。早卒。媳李氏守節撫其二孫。長祖升捐輸得官。次祖文。邑庠生。

明 龔聯秀。邑庠生。幼敏慧。早年遊泮。家貧甚。晏如也。好讀書。目數行下。旁覽奇門遁甲及星醫卜筮之書。皆有奇悟。嘗效避穀法。輒數日不食。年七十卒。以上咸豐長樂縣志方技

清 陸其蒙。邑庠生。初攻舉子業。甚勤苦。家貧。無以自贍。遂挾堪輿星學術遊澧沅間。決人生死。言多奇中。或戲問先生亦能自知。審何日終乎。陸曰。某當於某年月日時。自高墜下。歿不死於道路。幸耳。後養靜家中。一日忽下階。一顛而墮。正其所

言年月日時也。

同治宜昌府志士女咸豐縣志方技誤載其蒙爲明人

清 霞峯道人。武昌人。善岐黃。尤善堪輿。因負債莫償。與其子慧庵。託姓孫。易裝爲道人。假作師徒。來樂。知卸甲寨山水佳甚。遂住持於廟間。及將卒。囑其子曰。死必葬我於殿中。葬後鐘鼓當不聲響。廟宇將爲火所焚。當速去。及卒。慧庵如其言。葬之於殿中。撞鐘擊鼓。果不響。遂去之巴東。後廟亦果焚。獨霞峯墳墓在耳。今之祖

師殿爲邑人鍾姓所重修。咸豐長樂縣志方技

285 歸州唐置。治秭歸縣。尋改州曰巴東郡。復曰歸州。宋曰歸州巴東郡。元升爲歸州路。復降爲州。明州廢。尋復置。省秭歸縣入州。清屬湖北宜昌府。民國改州爲秭歸縣。

秋春

令尹子上善相人。初楚子將以商臣爲太子。訪諸令尹子上。子上曰：君之齒未也。而又多愛。黜乃亂也。楚國之舉。恆在少者。且是人也。讎目而豺聲。忍人也。不可立也。弗聽。既又欲立王子職。而黜太子商臣。商臣聞之。以宮甲圍成王。王請食熊蹯而死。弗聽。丁未王縊。諡之曰靈。不瞑。曰成。乃瞑。左傳文公元年

秋春

伍員字子胥。楚人。楚戰國時初都丹陽。故城在今湖北秭歸縣東。○清一統志。伍員宅在監利縣西北。奢子。尙弟。楚平王有太子。名曰建。使伍奢爲太傅。費無忌爲少傅。無忌不忠於太子。建平王使無忌爲太子。取婦於秦。秦女好。無忌馳歸報平王。曰：秦女絕美。王可自取。而更爲太子取婦。平王遂自取秦女。而絕愛幸之。生子軫。無忌因去太子。而事平王。恐一旦平王卒。而太子立。殺已。乃因讒言而疏骨肉乎。於是平王怒。囚伍奢。而使司馬奮揚往殺太子。太

子建亡奔宋。無忌言於平王曰：伍奢有二子賢，不誅且爲楚憂。王使伍奢召二子，並遣使者駕駟馬，封函印綬往。許召子尚、子胥，令曰：賀二子。父奢以忠信慈仁，去難就免。平王內慚，囚繫忠臣，外愧諸侯之恥。反進奢爲國相，封二子爲侯。尚賜鴻都侯，胥賜蓋侯。相去不遠三百餘里，奢久囚繫，憂思二子，故遣臣來奏印綬。尚曰：父繫三年，中心怵怛。怵音刀，憂心貌。怛音篋，悲慘也。食不甘味，嘗苦饑渴，晝夜感恩，憂父不活，惟父獲免，何敢貪印綬哉。使者曰：父囚三年，王今幸赦，無以賞賜。封二子爲侯，一言當至。何所陳哉。尚乃入報子胥曰：父幸免死，二子爲侯，使者在門，兼封印綬，汝可見使。子胥曰：尚且安坐，爲兄卦之。今日甲子，時加於巳，支傷日下。當爲干字。氣不相受，君欺其臣，父欺其子。今往方死，何侯之有。尚曰：豈貪於侯，思見父耳。一面而別，雖死猶生。子胥曰：尚且無往，父當我活。楚畏我勇，勢不敢殺。兄若誤往，必死不脫。尚曰：父子之愛，恩從中出，微倖相見，以自濟達。於是子胥歎曰：與父俱誅，何明於世。冤讎不除，恥辱日大。尚從是往，我從是決。史記列傳，吳越春秋。昔者吳王闔閭始得子胥之時，甘

心賢之。以爲上客。曰：聖人前知乎。千歲後。覩萬世。深問其國。世何味味。得毋衰極。子其精焉。寡人垂意。聽子之言。子胥唯唯不對。王曰：子其明之。子胥曰：對而不明。恐獲其咎。王曰：願一言之。以試直士。夫仁者好。知者樂誠。秉禮者探幽索隱。明告寡人。子胥曰：難乎言哉。邦其不長。王其圖之。存無忘傾。安無忘亡。臣始入邦。伏見衰亡之證。當霸吳厄會之際。後王復空。王曰：何以言之。子胥曰：後必將失道。王食禽肉。坐而待死。佞諂之臣。將至不久。安危之兆。各有明紀。虹蜺牽牛。其異女。黃氣在上。青黑於下。太歲八會。壬子數九。王相之氣。自十一倍。死由無氣。如法而止。太子無氣。其異三世。日月光明。歷南斗。吳越爲鄰。同俗井土。西州大江。東絕大海。兩邦同城。相亞門戶。憂在於斯。必將爲咎。越有神山。難與爲鄰。願王定之。無洩臣言。

圖書集成術數部記事○明王肯堂筆塵引吳越春秋云。子胥曰。今年三月甲戌。時加鷓鴣。甲戌歲位之會將也。青龍在西。德在土。刑在金。是日賊其德也。知父將有不順之子。君有逆節之臣。按越王歸日。是三月甲辰。則此當是二月。乃傳寫訛耳。

286

咸豐縣

本棧地。宋爲羅廢柔遠州。元時名散毛岡。明置散毛千戶所。隸施州衛。清雍正十三年。改設咸豐縣。屬湖北施南府。

清

周立璜賣卜供母。母病。刲股作羹以進。母病遂愈。同治咸豐  
縣志孝友

史記曰者傳。自古受命而王。王者之興。何嘗不以下筮法於天命哉。其於周尤甚。及秦可見。代王之入。任於卜者。太卜之起。由漢興而有。

大全朱子曰。五位相得而各有合。是兩箇意。一與二。三與四。五與六。七與八。九與十。是奇偶以類相得。一與六合。二與七合。三與八合。四與九合。五與十合。是各有合。在十干甲乙木。丙丁火。戊己土。庚辛金。壬癸水。便是相得。甲與己合。乙與庚合。丙與辛合。丁與壬合。戊與癸合。是各有合。所以成變化而行鬼神也。

易經圖說。文王八卦次序。乾父。坤母。震長男得乾初爻。坎中男得乾中爻。艮少男得乾上爻。巽長女得坤初爻。離中女得坤中爻。兌少女得坤上爻。

# 中國歷代卜人傳卷十八

潤德堂叢書之八

鎮江袁阜樹珊編次

## 湖南省

湖南省，在我國長江流域中部。以大部在洞庭湖南，故名。有湘水縱貫其境。故別稱湘省。禹貢荊州之域。春秋屬楚。秦漢置長沙、桂陽、武陵、零陵等郡。晉及南北朝，均置湘州。唐分屬江南西、山南東、黔中諸道。宋分置湖南路，改荆湖南路。元屬湖廣等處行中書省。明時與今湖北省地，同為湖廣布政使司所轄。清初屬湖廣省。康熙三年分置湖南省。民國仍之。其地東界江西，南界廣東、廣西，西界貴州，北界湖北，西北界四川。省會曰長沙縣。

287

長沙縣

漢臨湘縣地，為長沙國都。後漢為長沙郡治。隋初改曰長沙，仍為長沙郡治。清時移偏沅巡撫於此，與善化縣並為湖南省治。長沙府亦治此。民國廢府，并善化入長沙，仍為湖南省治。城濱湘湖。

二水交會地，形勢雄壯，北之岳陽，南之衡陽，視此為中樞。隔江有嶽麓山，乃衡嶽之足。商埠在西門外。清光緒二十八年，中英續議通商行船條約，光緒二十九年，中日通商行船續約，尤許開放。商旅輻輳，實

易之盛。爲全省冠。  
粵漢鐵路經之。

漢 何顛。妙有知人之鑒。初張仲景總角造顛。顛謂曰。君用思精密。而韻不能高。將爲良醫矣。仲景後果有奇術。王仲宣年十七。時過仲景。仲景謂之曰。君體有病。宜服五石湯。若不治。年及三十當眉落。仲宣以其賒遠不治。後至三十。果覺眉落。其精如此。

廣博物志方技

唐 袁隱居。家湘楚間。善陰陽占訣歌。一百二十章。時故相國李公吉甫。自尙書郎謫官東南。一日隱居來謁公。公久聞其名。卽延與語。公命算己之祿仕。隱居曰。公之祿。眞將相也。公之壽。九十三矣。李公曰。吾之先。未嘗有及七十者。吾何敢望九十三乎。隱居曰。運算舉數。乃九十三耳。其後李公果相憲宗皇帝。節制淮南。再入相而薨。年五十六。時元和九年十月三日也。校其年月日。亦符九十三之數。豈非懸解之妙乎。隱居著陰陽占訣歌。李公序其首。

光緒湖南通志技  
術唐張讀宜宦記

宋 譚章。字煥之。長沙人。隱居昭潭。六十餘年。專以求志爲事。孝於親。誠於物。視聽

起居必依於禮。平居讀書。自六經諸子百家。與夫天文地理。星曆山經。釋老之學。務求其義。不爲循誦習傳。故歷代治亂興衰之由。人才善惡忠邪之判。祖宗以來。因革罷行之政。悉貫穿商榷。齶牙頰間。稠人廣衆。縱談極辨。聽者忘倦。發爲詩文。高古精深。根於義理。無補於世者。未嘗落筆。壽八十六。無疾而終。道光湖南通志人物

宋

曹谷。善星歷數術。言事如神。爲王欽若作知命書云。七十年中一一加。弄珠灘

上。貴堪誇。碧油幢下聞。曉鳥千日徵。還上漢槎。欽若果七十二歲。建節知襄州。正

得一千日召還。又云。周市將臨壬戌歲。

市讀如札。通作販。環繞一周曰一市。

定鼎門前春色異。一千日

上少三纓。再入和羹宜盡瘁。其後欽若判西京。得七百日。再入。卒於政府。盡瘁乃

壬戌歲也。又云。臨去尙猶聞禁漏。異姓嘉名在史書。欽若死在京。是時夜漏將盡。

無子女壻。張懷玉主後事。又與馮拯作書云。太常樂闋。都門遇雪。拯葬在劉太后

喪中。不結鹵簿。是日大雪。

光緒湖南通志技術

元 歐陽生善相。戴帥初表元。贈序云。壬戌歲。余始自杭歸鄞。識長沙歐陽生。於鄞

候劉朝奉席中。歐陽生善相人。人之欲問歐陽生者。爭慕先得之。越疆而招。排闥而迎。幸且至。則修衣冠。振容顏。候其一言。以爲窮達。當是時。歐陽生之裝未解。而他候其門者。已若干人矣。旣而亦從劉侯來。謁予。予驚而問焉。歐陽生曰。不然。吾技人也。吾之技。以達許人。而心之所不賢。多於術之所取者。不可勝道也。以窮許人。而心之所賢。多於術之所黜者。亦不可勝道也。用此雖屢許人人。不以爲夸。而術常不敗。余深異之。以爲生非技人也。其言近於有道之言也。自是相關十五年。余以憂患困絕。備書於鄴。而生適復來。當是時。鄴之人舊識生者。皆無存。存者往往病廢先業。求昔之所依。以爲光華如劉侯之徒。安可得哉。人皆爲生悲。而生夷然不傷於懷。不惟言談趣尙若有得。乃其旅力趣鏘矍鑠。比於劉侯之席。輕健似復過之。嗟夫。歐陽生真非技人乎哉。吾所謂近於有道者乎哉。

劉源集

清

柳爾煥。字子旦。長沙人。諸生。性骯髒。與人寡合。精太乙奇門六壬之術。言事多奇。中吳逆犯長沙。勢頗熾。爾煥曰。此浮雲過太虛爾。安親王招致幕中。旋辭歸。川

滇官軍有以重幣逐者皆不赴年七十餘預書時日而卒。晉獻類徵初編道  
光緒南通志人物

清野鶴老人垂簾賣卜四十餘年康熙朝著有卜易四卷楚江李坦字我平爲之

鑒定湖南李文輝字覺子又復增刪至今猶盛傳也。增刪卜  
易序

### 附錄

嶺外代答云南人茅卜法卜人信手摘茅取占者左手自肘量至中指尖而斷之以授占者使禱所求卽中摺之祝曰奉請茅將軍茅小娘上知天綱下知地理云云遂禱所卜之事口且禱手且指自茅之中指至尾又自茅中指自首乃各以四數之餘一爲料餘二爲傷餘三爲疾餘四爲厚料者雀也謂如占行人早占遇料行人當在路此時雀已出巢故也日中占遇料則行人當晚至時雀至暮當歸爾晚占遇料則雀已入巢不歸矣傷者聲也謂之笑面貓其卦甚吉百事歡欣和合疾者黑面貓也其卦不吉所在不和合厚者滯也凡事遲滯茅首餘二名曰料貫傷首餘三名曰料貫疾餘皆仿此南人卜此最驗精者能以時辰與茅折之委曲

分別五行而詳說之大。抵不越上四餘而四餘之中各有吉凶。又係乎所占之事。當卜之時或遇人來則必別卜。曰外人踏斷卦矣。余以爲此法。卽易卦之世應揲。著也。嘗聞楚人筮卜。今見之。事。行專。楚人名結長沙府明曰。○以上光緒湖南通志技術。

288 湘陰縣

春秋楚。羅納地。漢置漢縣。南朝宋。分置湘陰縣。故城在今湖南湘陰縣北五十里。梁分置岳陽縣。隋廢湘陰入岳陽。尋改岳陽曰湘陰。在今縣南二十五里白鳥澤。五代周。遷今治。宋遷治亦竹城。

宋 彭宗茂字尙英。隱居好學。讀易三十年。作易解敷文閣學士吳獵爲之序。稱其

始於屯。終於復。而其要箸於乾坤。趙汝讜提舉湖南常平。置之學宮。縣志人物。光緒湘陰。

清 蔣國字宗城。號雲庵。輯有地理正宗十二卷。論巒頭。究理氣。以及選時擇日法。

明 義實。謂爲得地理辨正之旨爲真。不合地理辨正之旨爲僞。宗序例。地理正。

清 左宗植字仲基。湘陰人。道光乙酉拔貢。壬辰解元。選桂東縣教諭。候補內閣中

書。宗植少以古文自豪。有湖南四傑之稱。尤精於天文攷訂。開元占經。行世。宗植任中書時。祁鵠藻掌軍機。深信其言。大學士賽尙阿。視師廣西。宗植獨以爲非宜。

而言曾國藩足當大任。江忠源樸幹。任軍旅。可倚信。其後皆以功名顯。宗植實知之最先。

清 劉之鏞字樓笙嘉慶庚午舉人官國子監典簿年幾九十。神明聰強。精於京房。

易課。胡林翼圍武昌三年。日夜憂盼。聞之鏞名。召問之。之鏞視課。賀曰。期不遠矣。

問何時。曰。不出此月。已而克復武漢。時日皆驗。以上光緒湖南通志人物

289 湘潭縣 漢置湘南縣。三國吳分置湘西縣。南齊省湘南。隋改湘西曰衡山。唐又改曰湘潭。元升湘潭州。明復降爲縣。清屬湖南長沙府。地當湘水之曲。水量足而利於泊舟。爲水陸要衝。商業興盛。以來市

著名。清光緒三十一年。自開爲商埠。湘水北岸之株州。爲粵漢株萍兩鐵路之交又點。

宋 丁碧眼湘潭人。工相術。文信國公贈詩有云。自詭衡山道士孫。至今句法有軒

轅。世人未見題堯廟。竟把昌黎作寓言。收拾衡雲作羽衣。便如屈子遠遊歸。離騷

忘却題天柱。爲立斜陽問翠微。又詩云。蒼蒼垂天雲。靈照行下土。秋江侵草木。魚

蝦歷可數。眉山老麻衣。偷入此阿堵。色界只點頭。從人道吾著。文山全集湘潭道中贈丁碧眼相士衡山縣志方技。

碧眼爲唐道士。軒輻彌明之後。

元

張康字汝安號明遠湘潭人康早孤力學旁通術數宋呂文德江萬里留夢炎

皆推重之辟置幕下宋亡隱衡山至元十四年丁丑世祖遣中丞崔彧祀南嶽就

訪隱逸彧兄湖南行省參政崔斌言康隱衡山學通天文地理彧還具以聞遣使

召康與斌偕至京師十五年戊寅夏四月至上都見帝親試所學大驗授著作佐

郎乃以內嬪松夫人妻之凡召對禮遇殊厚呼以明遠而不名嘗面諭凡有所問

使極言之十八年辛巳康上奏歲壬午太一理良宮主大將客參將囚直符治事

正屬燕分明年春京城當有盜兵事干將相十九年三月盜果起京師殺阿哈馬

特等帝欲征日本命康以太一推之康奏曰南國甫定民力未蘇且今年太乙無

算舉兵不利從之嘗賜太史院錢分千貫以與康不受衆服其廉久之乞歸田里

優詔不許遷奉直大夫祕書監丞年六十五卒子天祐

元史方伎光緒湖南通志技術

清

尹金陽字和自湘潭人喜談堪輿謂古所傳疑龍撼龍之經確有是理每春秋

佳節日輒與友人徒步走數百里不以爲勞

清稗類鈔方技

清 陳鵬年，字北溟，又字滄洲，湘潭人。康熙甲子領鄉薦。越七年，成進士。累擢江寧

知府。以清廉著。有陳青天之稱。爲總督阿山誣劾下獄。江寧人痛哭罷市。事白。起爲蘇州知府。官至漕運總督。卒諡恪勤。鵬年至性孝友。於書無不窺。凡天官、河渠、兵、農、錢、穀、星、相、卜、筮，皆窮其原本。其在官輯宋金元明全詩、月令輯要、物類輯古略。自著有道榮堂文集等書。錢儀吉碑傳 集河臣上

清 葉德輝，字奐份，號直山，一號卮園。部音湘潭人。光緒乙酉舉於鄉。壬辰成進士。

觀政吏部。年裁三十，謁歸里居。奉親讀書。遺置榮利。生平遠於治經。尤精小學及目錄學。家富藏書。多海內善本。是以對於陰陽五行、星命之學，亦復研究有素。獨標新異。嘗謂凡文章家命造多金水相生，及木火通明之局。然金水氣柔而秀美，木火氣旺而雄奇。以此例之，百不失一云云。民國丁卯三月初十日加申。在長沙遇難卒。春秋六十有四。著有六書古微、書林清話、觀古堂所著書等。

閱爾昌碑傳集補 文學夏劍承祿命

篇

290

益陽縣

漢置。故城在今湖南益陽縣西。後建安二十年。孫權與蜀爭荊州。遣魯肅將兵。拒駐於益陽。即此城也。唐移今治。元升益陽州。明復爲縣。清屬湖南長沙府。

清

劉雲峯少時異人傳授精奇門六壬之術。嘗有改瘞先墓者扣之。具言家中形狀。啓壙果驗。又有人失馬已數月。一日問之曰。當於某月某日向東方溪邊得之。果於是日獲馬。後更習導引賣卜。衡湘間取供朝夕。稍得貲。垂簾靜坐。不妄與人一言。道光壬辰。忽隻身歸。體如少壯。所親問行囊。曰。無有。問何不以其餘哺子婦。曰。貧窮有命。與無益也。問何故歸。曰。死歸故土耳。問何不讓之。曰。苟往豫章某處。可延壽一紀。然水災兵戈相踵而至。死亦樂耳。

同治益陽縣志方技

291

湘鄉縣

漢連道縣地。後漢分置湘鄉縣。南朝宋。省連道入湘鄉。隋并省湘鄉入衡山。唐復析衡山置湘鄉。元升爲州。明復爲縣。清屬湖南長沙府。

清

曾國藩初名子城。字滌生。湘鄉人。道光進士。授檢討。累官禮部侍郎。丁憂歸。會洪楊事起。在籍督辦團練。遂編制湘勇。連復沿江各省。封毅勇侯。爲同治中興功臣第一。以大學士任兩江總督。卒於官。諡文正。國藩論學。謂義理考據詞章三者闕一不可。所爲古文。爲世所宗。尤好相術。嘗謂昔年求觀人之法。作一口訣云。邪

正看眼鼻真假。看嘴唇功名。看氣慨富貴。看精神主意。看指爪風波。看脚筋若要。看條理全在語言中。又云端莊厚重是貴相。謙卑含容是貴相。事有歸着是富相。心存濟物是富相。國藩官京師時。郭筠仙侍郎嵩燾主其家。亦喜談相。國藩謂之曰。君好談相。相人乎。自相乎。揜寇初平。淮軍駐徐州。國藩往閱操。諸將入謁。中一人形貌魁梧。衣冠整潔。注視良久。入謂幕客曰。某弁體氣充實。無夭折之理。時方承平。無戰事。何其神氣若將死之人乎。後不十日。某弁果以墜馬殞命。清史稿本傳。清碑類鈔方技。○

德清俞樾春在堂隨筆云。湘鄉出入將相。手定東南。勳業之盛。一時無兩。尤善相士。其所識拔者。名臣名將。指不勝屈。獨余無狀。累吾師知人之明。○牛虻之兩齋消意錄云。湘鄉相國。嘗謂吳南屏先生敏樹。郭筠仙先生嵩燾。曰。我身後碑銘。當屬公等。措飾銘辭。一任點綴。惟結句須用吾言。曰。不信書。信運氣。公之言。告萬世也。

清

潘掌綸字龍田。湘鄉人。諸生。幼孤。事繼母孝。讀書善悟。兼通韜符壬遁諸術。而

尤精於醫。嘗馬上見人臥道旁。視之斃。察其狀。曰。尚可甦也。爲刺尾閭穴。噉然呼

痛。噉。音叫。號呼聲也。

目炯炯立起。又謀姓子。

謀。甚平聲。信也。誠也。

病垂絕。掌綸過其門。聞哭聲。診之。

用灸三壯。楔齒。少注藥。須臾呱呱泣。索乳。人驚爲神。著有龍田心方藏於家。善獻類徵初編

清 李光英字俊齋。湘鄉人。勇毅公續宜之子也。候選直隸州知州。柔而能立。渾而

有辨。精奇門之學。與丹徒李孝廉子薪頗爲契合。其金臺感舊詩有句云。一篇遁

甲圖上參陰符旨。奇書幸韜祕。莫被俗人訾。

李慎傳植庵詩集

292 攸縣 漢置。梁陳間改曰攸水。隋省。唐復置攸縣。故城在今湖南攸縣東。五代梁時徙今治。元升爲攸州。明復降爲縣。清屬湖南長沙府。

清 唐天木字瓊石。攸縣人。善京房術。巧發奇中。好事者載酒叩之。無不驗。

乾隆長沙府志方技

293 茶陵州 古茶王城。漢茶陵侯所築。漢置縣。隋省入湘潭。故城在今湖南茶陵縣東五十里。唐復置。即今治。宋升爲茶陵軍。元復爲縣。尋升爲州。清屬湖南長沙府。民國復改爲縣。

明 彭臨川。茶陵人。精推步術。言多奇中。有人以生命支干試之者。川曰。三十年前

有一殃。雙雙燕子入池塘。慌忙走出門前看。回首家人在畫樑。蓋其人二子曾被

溺。而妻回自縊也。

乾隆長沙府志方技

清 譚多濟字仁菴。茶陵人。淹貫經史。殫心皇極。經世闡發。天人理數。著大易文約。

易筮前一日。猶坐樂山書屋。授諸孫中庸。自署曰。弟友子臣多憾事。詩書易禮待

傳人就榻少頃卒。年八十四。

湖南通志人物

邵陽縣

漢置昭陵縣。晉改曰邵陵。隋又改邵陽。唐爲邵州治。宋至清。爲寶慶府治。清屬湖南省。

明

劉興漢字思吾邵陽人。工日者術士大夫多喜與之遊。然其言必本於修德造

命。嘗識某於貧賤時。後某官清要。未嘗有所干請。及敗。依附者多株累。而興漢獨脫然。惟雅好讀書。督課二子。不少姑息。後先俱游泮。壽八十餘。考終。

圖書集成果命部名流列傳光緒湖南通志  
技術

清

徐文源字仁山。家貧好學。凡經史六藝靡不淹通。自名其居爲黃金齋。日以醫

卜自贍。襟懷高曠。與物無忤。有嚴君平風度。少年遊歷滇蜀。名山大川。老而歸隱。作昇平樂填詞。以紀其生平。卒年七十有八。

清

王績宏。江西人。順治年間來邵陽。以青島術遊紳庶家。凡營葬經其阡擇者。屢

有奇驗。嘗擇吉穴以葬其先人。預課至某年。子當領解。已而果然。今土人呼其地爲解元洲。性坦率。不喜強聒。人以是多忽之。其學別有傳授。大抵於奇門。獨參與竅。今術無傳之者。以上嘉慶邵陽縣志方技

295

新化縣漢谷陽縣地。三國吳分置高平縣。晉改曰南高平。後復故。南朝梁以後省。隋唐爲蠻地。宋收復。置新化縣。紹聖初。遷治今縣北八十里白溪白石坪。尋還今治。清屬湖南寶慶府。

清 羅金鑑字玉田。讀書喜博覽。尤好治葬經。與邵陽魏源爲戚好。嘗爲源擇地於

西洞庭。鄧尉山。及棲霞龍潭諸名勝地。葬其先人。著支隴承氣論四卷。地理綱目六卷。源俱爲之序行。金鑑嘗以道光改元。應孝兼方正。舉未就。家小裕。好義舉。與同縣鄧顯鶴亦戚好也。聞顯鶴言。將糾邑人。舉行賓興會。以資士子鄉會試費。金鑑亟從之。屢以書促顯鶴。議未卽行。而金鑑病。臨革以私租七十担。捐入其境文昌社。爲賓興費。凡其境之赴鄉會試者。皆得與焉。其仗義樂善如此。子承志。雲南試用。從九元達。邑廩生。

清 熊丙。新化人。治形家言最驗。嘗爲安化陶文毅澍擇地。葬其祖母。時澍方數齡。

丙指而語其父必銓曰。後三十年。必有興者。當以成年入翰林。其應在此子乎。澍果以嘉慶壬戌館選。其奇驗如此。文毅貴後。訪得其孫某。厚資之。且求其書傳世。而其家無以應也。

清 曾天極。字懋建。性恬靜。精奇門術。嘗應童子試。已被黜。其友促之歸。不應。曰。此科予當爲弟子員。姑俟之。咸笑其癡。已而有以府試卷不符除名者。以天極補之。或從之學。天極曰。此河洛自然之理。恬靜則知。非可傳授得也。家居不言休咎。然每遇未來事。無不驗者。將死。預知其時日。以上同治新化縣志隱逸

清

鄧林材。字卉生。新化人。明季諸生。精天文步算。善占候。喜言休咎。輒奇中。從弟

文材。每戒之。使自晦。癸未之變。兄弟露坐庭中。林材仰視。絕叫曰。長沙城陷矣。將奈何。已而果然。乃相約行遁。鼎革後。隱於農。吳逆踞衡州。林材爲僞將軍某所跡。脅以官。以計免歸。終於家。文材。字聖楚。入國朝。年六十始生子。卒時近百歲。及見曾孫。時同縣有艾友南者。亦諸生也。居縣東小溪。山水最深僻處。通百家言。夜觀星象。知世將亂。不復應試。薙髮。令下。逃入萬山中。家人跡得之。勸歸。不從。乃結茅棚蓋覆之。而自種薯蕷。拾橡栗野蔬爲食。終身不出山。湖南通志人物

清

鄧顯鵠。鵠音昌。鳳屬。字子振。號雲渠。新化人。嘉慶時諸生。於書無不窺。博洽能文。旁

及陰陽卜筮之學。亦罔不研究。終身不仕。著書自娛。有春秋目論。說詩講語。聽雨

山房文鈔。

續碑傳  
集文學

296

武岡州

漢都梁侯國。後漢爲都梁縣。晉分置武岡縣。南朝梁改武岡爲武強。隋省。唐復置武岡縣。宋升爲武岡軍。元升武岡路。明初曰武岡府。降爲州。以州治武岡縣。省入。清屬湖南寶慶府。民國改縣。

清

黃大猷。武岡人。習卜筮占候之術。父早卒。三兄皆客滇。大猷獨留養母。一日以

卜推測。知其兄當死。乃賣卜往省。既至。伯叔兩兄果沒。因留滇。易仲兄歸。居無何。感異夢。晨起卜之。驚曰。吾母當病。即日促裝歸。母果患癰。治之而愈。大猷事母孝。凡爲人占。每以仁孝相感動。所言亦多徵驗。

清

劉詵迪。武岡人。少習天文。於遁甲風角諸術。多所宣究。嘗以其學謁陳文恭宏

謀。宏謀深信之。凡蒞官處。必與俱。在湖北時。漢上多火災。詵迪教於離位。別開一

闕制之。

闕。音巷。重  
中道也。

火患遂息。最後宏謀家居。詵迪已老。猶遣人舁至桂林。舁。音余。又去聲。義

同。共舉也。今  
謂扛抬曰舁。

爲營生壙。著有地理辨疑諸書。

以上光緒湖  
南通志技術

297

新寧縣

漢置。夫彝侯國。東晉改曰扶縣。南朝梁改爲扶陽。後仍曰扶彝。隋省入邵陽。唐爲武岡縣地。宋復分置新寧縣。故城在今湖南新寧縣東一里。明遷今治。清屬湖南寶慶府。

清 向君試字伯恭新寧人少爲諸生貌奇古性敏而樸通術數於天文壬遁諸書皆有心得年七十九卒。道光寶慶府志隱逸

298

武陵縣漢臨沅縣隋改爲武陵清爲湖南長德府治民國廢府改縣爲長德

清 武纂武陵人精易理卜休咎如響求卜者無虛日皆依卦義爻辭決之非有祕術也提督黃士簡署失金二百延使卜曰金未出署明午必見翌日果得於書室東北隅提督欲令物色其人曰法不可也兼通醫術年九十二元孫永清傳其術占事亦多中。嘉慶常德府志方技

清 胡統虞字孝緒號此菴武陵人甫成童下筆萬言潛心理學通兵法旁及神仙方技莫不貫穿精微蒼撮成書年十八父應斗卒統虞樂毀柴立杖而後起以形家言人人殊取其書讀之鈎深抉隱至捐寢食則又躡躡走數千里遇公卿貴人家墓攷其吉凶興廢之由無不驗曰吾知所以葬吾親矣今城北石公橋有阜巍然佳哉氣鬱葱葱郭璞書所謂金星貫珠者統虞所自卜地也統虞明崇禎癸未

登進士第。踰年甲申。京師失守。被執不屈。順治初起用。官至內祕書院大學士。著有此菴語錄。明善堂集行世。錢儀吉碑傳集。翰詹上之上。

299

臨湘縣古如城。漢下雋縣地。晉以後爲巴陵縣地。五代唐置王朝場。宋證爲王朝縣。改臨湘縣。清屬湖南岳州府。地濱大江。隔江卽湖北監利縣治。

明 李少泉。精星家言。談休咎如響。晚客京師。名公鉅卿。輿馬填門。爭乞一言。以決行止。得以李少泉星理。徐元吉地理。僧寶方醫理。爲臨湘三絕。

明 徐元吉。精堪輿術。決墓宅吉凶。驗如神。著有鉗記地理扼要等書。

清 方同岑。字蔚林。博通天官家書。推衍星命。亦多奇中。邑人舉以爲陰陽訓術。上以

向治臨湘縣志方技

300

華容縣春秋許容城地。漢志華容縣。南齊廢。故治在今湖南監利縣西北。曹操赤壁兵敗走此。又古雲夢地。三國吳置南安縣。南朝宋曰安南。隋改曰華容。唐更名容城。尋復曰華容。清屬湖南岳州府。

明 王起巖。華容人。少博學。善占步。得石首王司寇所藏六壬書。遂精其術。比爲許州丞。有穎橋人亡其子三年。徧求不得。泣訴起巖。起巖乃爲占云。子在某縣某村。

某家。如言跡之不謬。老人夫婦哭謝庭下。刻像祀焉。光緒湖南通志技術

明 朱生善星家言石首袁宗舉初以進士授興王府長史朱獨以入相奇之已而果然比以書抵朱生笑曰吾言偶驗耳豈望報乎竟不爲動舉尋卒朱曰吾已知之矣其奇中有如此者

清 張心恆號庭槐其母夜夢庭生大槐旁有女授槐實一粒吞之遂誕恆因號焉有夙慧年甫七歲遇一道服人授以書遂精六壬遁甲之術談休咎奇中人叩之曰吾不過稍明易理耳游京師王公爭禮焉子孫皆列仕籍

清 劉學藝字九癡精先後天易學得邵康節劉文成之傳著有元元合璧梅花數

序。以上光緒  
容縣志方技

301

龍陽縣三國吳置宋改名辰陽尋復故元升爲州明復爲縣屬湖南常德府民國改爲漢壽按龍陽宋紹興五年嘗移置黃城峯在今漢壽縣西後復還故治

清 李楚源軍山人業星卜卜尤精事無鉅細所言輒驗晚益強健壽九十有七

清 李本善字人初邑孫洙總人善風鑑一日倚門獨立有丐來索米本善大異其相當極富貴乃以手抵其鼻曰呼吸無俗氣真上界仙也丐急去以手摹本鬚鬚

頓有五色波紋。自是人皆號爲花鬍子。又相傳康熙初遊武陵鄭公廟。見死囚三。本善謂囚皆生氣滿面。斷不致死。過二日。因果逃於甯鄉道中。本善被牽至院。撫部令之相。因言其生子。陞遷。及其子已中會試。三事俱驗。院乃厚賞得歸。沒於康熙末年。壽九十餘。死後其鬚香竟三晝夜。同治龍陽縣志方技

302

澧州

漢縣。東晉置澧陽郡。南齊郡。置松州。兼置澧陽縣爲治。尋改州爲澧州。又曰澧陽郡。唐復爲澧州。宋曰澧州澧陽郡。元立澧州路。至正中。管移治新城。在今湖南澧縣東南三十里。明初還舊治。

改曰澧州府。又改作岳州府。清改爲直隸州。屬湖南省。民國改爲澧州。○序。晉棧。澧。晉禮。

宋

李文和澧州人。能診太素脈。知人吉凶。雖心性隱微。皆可推測。嘗診司法孫評

云。據脈當作僧道。然細審之。却有名無實。幼年須曾出家。不爾。亦見於小字也。問之果爾。以多病嘗捨於釋氏。小名行者。人頗疑其別有他術。云。法中脈出寸口者。當爲僧道。今所出不多。又或見或隱。故以有名無實斷之。後得其書。以十二經配十二辰。如五行家分宮之法。身命運限。亦各有術。逐日隨支輪脈直事。故目下災福。纖悉皆可具。其書序云。本唐隱者董威輩。以授張太素。太素始行其術。故以爲

名。宋莊紳裕  
鷓助編

明 李自燮，字齊嶺，諸生。工文善書，尤通天官家言。吉凶禍福奇中。

同治澧州志隱逸

303 衡陽縣

漢置縣，三國吳折置臨蒸縣，晉省縣入臨蒸，隋改曰衡陽，唐復曰臨蒸，尋復曰衡陽，清與清泉縣並爲湖南衡州府治，民國廢府，并清泉入衡陽，城當湘蒸合流之地，由粵入湘，此爲衡道，亦

歷史兵事上之要區也。

清 宋薊齡，字席雲，衡陽舉人。初學於父之素，父歿，師其伯兄義齡於天文地理諸

子百家，無不究其底蘊。窮年著述，有四書諸儒會纂、詩經尋源、耕心堂等集。居常

敦篤孝友，訓飭子孫，皆可師法。

乾隆衡州府志方技

清 朱冠臣，字益垣，衡陽人。精研堪輿，著有地理真詮、地理入竅、善化瞿鴻機爲之

序。曰：就八法論，曩真詮、譬金錢散地，此則牟尼一串珠也。就八法之竅論，曩真詮、

譬瀛海搜珍，此則壺天一粒粟也。

地理八竅序

清 高人鑑，官衡州知府。

衡州府，故治即今湖南衡陽縣。

善相士，得彭剛直公玉麟，避禍入城，投協標

充書識，支月餉，視馬兵。人鑑見公奇之，使人署讀書。衡陽一邑，應童試者千人，入

學不易。是歲縣試。羣擬公必第一。案發乃第二。越數日。召入見。曰。以文學汝宜第一。今乃太守意也。太守曰。彭某異日名位未可量。然在吾署中讀書。若縣試第一。人必謂明府推屋烏之愛。是其終身之玷矣。公聞而感之。是歲竟不入學。又二年始隸諸生之籍云。續碑傳集光緒朝部院大臣彭爾直公神道碑文

304 清泉縣

元分衡陽之東鄉。置新城縣。明省入衡陽。清又析置清泉縣。與衡陽並爲湖南衡州府治。民國并入衡陽。

清 譚學元。字少微。清泉人。幼有異稟。讀書目數行下。通羣籍。不喜舉業家言。善書畫。皆能以指頭爲之。尤工琴。不拘守舊譜。而指法獨絕。偶得諸葛武侯遺書。用木牛流馬法。而變通之。所製渾天儀。窺遠鏡。及木雞木犬之類。見者詫爲天授。晚年益殫心於步算占驗。六壬奇遁諸數。箸述甚富。光緒湖南通志技術

清

劉瓊彩。字拙夫。習醫。竝善堪輿星卜諸術。談休咎多中。然不肯因以爲利。有權

貴。嚙以重資。

略。晉漢。感。祖。誰。誘。也。

峻卻弗往。士論高之。

同治清泉縣志方技

305 衡山縣

三國吳置衡陽縣。晉改曰衡山。故城在今湖南衡山縣東北。隋廢。別改湘西曰衡山。在今湖南湘潭縣南。唐移湘潭之名於南衡山縣。因又移衡山之名於晉故縣。以水患。又移治白茅鎮。即今治。清

屬湖南  
衡州府

唐 衡相開元中有相者不知姓名。自言衡山來。人謂之衡相。在京舍宣平里。時李

林甫爲太子諛德。往見之。入門則鄭少微嚴杲已在中庭。杲音稿。明也。杲杲出日。相者引坐。謂

李公曰。自僕至此。見人衆矣。未有如公也。且國家以刑法爲重。則公典司寇之職。

朝廷以銓管爲先。則公居冢宰之任。然又秉丹青之筆。當節制之選。加以列茅分

土。窮榮極盛。主恩綢繆。人望浹洽。兼南省之官。秩增數四。握中樞之務。載盈二九。

縉紳仰威。黎庶瞻惠。將古所未有也。顧嚴鄭曰。預聞此者。非不幸也。公二人宜加

禮奉。否則悔吝生矣。時嚴鄭各負才名。李猶聲譽未達。二公有轡轡之心。轡音吝。音歷。

轡轡車所踐也。及聞相者言。以爲甚不然。唯唯而起。更不復問。李公辭去。後李公拜中書

鄭時已爲刑部侍郎。因述往事。謂鄭曰。曩者宣平相人。咸以荒唐之說。乃微有中

者。無何。鄭出爲歧州刺史。與所親話其事。未期。又貶爲萬州司馬。嚴自郎中。亦牧

遠郡。光緒湖南通志技術

清 王國憲爲臺灣參將。遊竹溪寺。遇異人。與談易。因得卜筮之祕。試之神驗。以授

其孫盛怡。時稱管郭。曾孫義宗。玄孫給麟。人杰。世精其技。以上光緒衡山縣志方技

清 歐陽振。字文齋。衡山人。性直樸。擺脫塵俗。嘗於南嶽遇一人。著赤衣。縛袴。負巨

石。累嶽廟基。異之。與語頗洽。因自號話仙。善卜易。占人休咎。多奇中。喜畫山水。出

入米黃之間。年八十三。燈下猶能作蠅頭楷。巡撫范時綬見之。諮以養生之訣。振

曰。山人無他祕術。但不作機械事耳。時綬善之。光緒湖南通志方技

清 羅登選。衡山人。字升之。號謙齋。乾隆時諸生。少溺苦於學。閉戶讀書者五十餘

年。自經史百家。律算醫卜。老釋之書。無所不通。卒年八十五。有京房易傳解。律呂

新書箋義。敦本堂詩文集。衡山縣志方技

清 戴日煥。字晉元。衡山人。將冠。乃就學。時避兵嶽寺。貧不能具膏火。夜執書就佛

前燈讀之。翌早。寺僧執書試之。朗誦不遺一字。其學尤精於易。兼通理數。至子史

諸書。靡不涉獵。後游王夫之之門。益有所得。其著述發先賢祕奧。年三十始補諸

生初乏嗣。八十舉一子。垂九十乃卒。

湖南通志人物

清 文之理。字一殊。衡山人。家貧力學。五經性理。及律呂皇極諸書。莫不潛心鑽覽。

生平道氣迎人。遇人有過。援義理開陳。靡不感悟。

湖南通志人物

306 耒陽縣 漢置。隋改曰耒陰。唐復曰耒陽。元升爲耒陽州。明復爲縣。清屬湖南衡州府。○梁陳間移治於鷺山口。在今縣東北四十五里。唐復還漢舊故治。即今治也。

明 周誥。字仰廉。隆慶年間貢生。精於地理。往來京都。見知於王錫爵。申時行。兩相國。

清 蔣良佐。字元輔。跛一足。賣卜營生。一日閒行。遇一老人。授以冊。囑崑習之。開冊

乃關西夫子馬前課。展玩得其意。術遂神。言無不應。由是見知於當事。楊中丞董

觀察。咸推許之。

以上光緒耒陽縣志方技

清 謝允恭。字靜山。耒陽人。諸生。家貧嗜學。手抄周易解數十卷。附自辨論數卷。著

河圖觀化說一卷。得心錄三卷。兼明堪輿。著有地理統宗一卷。通徹本原。非術家

可及。

湖南通志人物

307

常寧縣

漢末陽縣地。三國吳析置新寧縣。唐改曰常寧。元升爲常寧州。明復爲縣。清屬湖南衡州府。

清。蕭三式。本名洪治。字自本。郴州宜章人。祖由廬陵徙郴。

柳。音深。

至洪治再徙常寧。

身通天地人三式。因以號焉。年十六。爲諸生。睨章句末學。

睨。音詣。謂邪視也。

不足以濟亂。

於是越九疑。

疑。音宜。九疑山名。在湖南省。

涉五湖。攀峨眉之巔。破滄海之浪。遨歷名區。拓其經濟。

侃侃有大志。亟欲試之。及鼎革。三式聞知。喜曰。天下太平矣。今而後我可無事。更

號傘屐主人。

屐。音劇。木屐也。

隱於形家。方是時。三式之聲藉藉於江淮湖川閩粵間。

藉。集夜切。

謂。漢書。國中口語。藉藉。謂言語聲也。亦作藉。

先是。闖寇擄掠粵東。粵人攜妻兒。保山谷。倚險爲寨。有涼傘。

金髻。斗蓬。三寨。寨可容數十萬人。戒非粵產者毋得入。闖驍將一隻虎。帥衆攻涼

傘。寨人大怖。三式出於儔伍中。曰。我在此。人無怖也。賊百道俱攻。應機設械。技窮。

乃大呼。我知有天上人在此。棄之。去攻金髻。斗蓬。三式爲書紙。寫移二寨。寨人得

其法。賊不能攻。全活百萬。粵人勒石紀德。吳逆三桂之叛也。遣其黨范。造廬相訪。

三式深夜出指乾象以示之。曰。天意有主。若等徒自辱耳。其友人有欲應聘者。怒。

曰爾見范某有頭顱耶。晚年著周易復古明易圖。學易圖。衡。郴。二州之士。從之遊。皆得爛於易。又著有金玉圖傳。字字金略解。羅針解。凡七十餘種。乾隆癸酉。有安南貢使過衡。至書肆。求三式所著書。其名動外夷如此。子致良。字法和。文學亦善。形家爲人卜。遷言休咎。無不驗。湖南通志人物嘉慶常寧縣志方技

清

段嘯生。字相山。常寧人。康熙乙酉丙戌聯捷進士。官福建上杭。廣東新安知縣。坐條陳言事。削籍歸里。十餘年卒。嘯生負經濟略。雅欲以經術經世務。如天文。星。歷。之。書。地。理。堪。輿。之。術。與。夫。本。草。醫。藥。句。股。算。法。靡。不。原。原。本。本。坐。而。言。起。而。可。行。古。稱。通。儒。惟。其。有。之。顧。不。肯。以。身。之。察。察。受。物。之。汶。汶。秋。戒。白。露。冬。申。嚴。霜。坎。塹。纏。身。終。憂。讒。畏。譏。以。死。將。所。謂。鸞。翻。可。鍛。鍛。音。殺。殘。也。鸞。翻。不。能。飛。龍性難馴者非耶。錢儀吉碑傳集

康熙朝守令中之下

清

王萬澍。字霍霖。常寧人。諸生。少時喜讀湯盤周誥。愛其聾牙佶儷。遂棄舉子業。肆意經史百家。恆歎湖以南文獻湮沒。乃假形家言。遍遊列郡。故蹟孜孜講求。爰

自炎農迄周昭。著衡湘稽古。繼探正史自秦以來。有涉湖南沿革者。綱舉目張。編年紀之。爲湖南春秋十六卷。子國牧續成之。湖南通志人物

303

鄱縣 漢置。晉省。故城在今湖南衡陽縣東十二里。○漢茶陵縣地。宋析置鄱縣。清屬湖南衡州府。

清

朱廷鉉。字黃耳。世居常平鄉。善卜筮。順治年間。寇未至。占有變兆。先攜家避耒

陽。後邑果爲紅賊所擾。及平乃歸。篤宗戚。有族弟某。及妻弟謝某。家貧。鉉爲出金娶妻。割田安之。人稱其厚。同治鄱縣志方技

309

東安縣 漢零陵郡地。晉置應陽縣。隋省。五代時馬殷置東安場。宋置東安縣。清屬湖南永州府。

明

雷起四。字九華。得異書。解風角占驗。天啓初。泝湘至桂林。泝。與溯同。逆流而上曰泝。途中與舟

人夜坐。指西南間曰。貴州亂至矣。鄰船有總督某公。方從雲貴來。異其言。召問其

期。對在此月。未幾安邦彥圍貴陽。總督遂留起。四幕府。廣西鎮道有兵事。輒請至

軍中。廣西總兵官黎國柄。天啓七年丁卯。楊德。崇禎七年甲戌。守道史啓元。崇禎六年。桂平守道朱朋

時。崇禎七年。檢討桂林王啓元。皆以管葛夷吾擬之。蓋起四不專以術數。其謀軍有才

略。故爲時所推尙如此。

光緒湖南通志技術

清 謝獻廷，字致菴，東安人。幼慧。家貧。其塾師自以爲不如獻廷。然貧困不能竟其

業。於是獻廷日出耕田，夜入塾讀。數年入縣學，補增生。然於進取泊如也。父病，侍湯藥，謹。母晚年目眚，又患噎病，飯必粥，則粥以進，梨必汁，則汁以進。臥不可而坐，坐又不可，則負之出入寢榻以爲恆。生平於技藝星命相墓之術無不能。將卒，告家人曰：某山形勢雄壯，下可坐千人，以葬我，必有大吾門者。後三十年，某子蘭階，從征洪寇，平黔苗有功，以己官贈獻廷一品階。

湖南通志人物

清 姚華瓚，字瑟菴，東安人。世居浦市。性爽直，好讀書。尤邃於易。著有六壬續集。卜

易正斷諸書。言休咎無不驗。亦一時奇人也。

光緒湖南通志技術

310 道州 唐置營州，尋曰南營州，改曰道州，又曰江華郡，尋復爲道州。宋曰道州江華郡，元爲道州路，明爲道州府，尋復爲道州。清屬湖南永州府，民國改爲道縣。

宋 周敦頤，字茂叔，道州營道人。博學力行，聞道甚早。歷官廣東轉運判官、提典刑獄。以疾求知南康軍。因家廬山蓮花峯下。取營道所居濂溪以名之。熙寧六年癸

丑卒。年五十七。諡元公。封汝南伯。從祀孔子廟庭。嘗作太極圖通書。易通數十篇。其太極圖說有云。無極而太極。太極動而生陽。動極而靜。靜而生陰。靜極復動。一動一靜。互爲其根。分陰分陽。兩儀立焉。陽變陰合。而生水火木金土。五氣順布。四時行焉。五行一陰陽也。陰陽一太極也。太極本無極也。五行之生也。各一其性。無極之眞。二五之精。妙合而凝。乾道成男。坤道成女。二氣交感。化生萬物。萬物生。生而變化無窮焉。惟人也。得其秀而最靈。形既生矣。神發知矣。五性感動。而善惡分。萬事出矣。聖人定之以中正仁義而主靜。立人極焉。故聖人與天地合其德。日月合其明。四時合其序。鬼神合其吉凶。君子修之吉。小人悖之凶。故曰立天之道曰陰與陽。立地之道曰柔與剛。立人之道曰仁與義。又曰原始反終。故知死生之說。大哉易也。斯其至矣。

宋史道學  
周濂溪集

元 周雲峯精星命。金別駕德原消。贈詩有云。元是濂溪別一峯。蒼寒高卓五雲中。中藏月窟無人到。試躡天根有路通。絕頂陰晴分上下。半空星斗繞西東。我來欲

問玄玄理。吹起浮搖九萬風。青村遺稿

311 甯遠縣漢置冷道營道二縣。晉改舂陵。隋省冷道入營道。唐改置唐興縣。改曰武慶。尋復故。又改曰延唐。五代時屬楚。改曰延昌。後唐復故。晉改曰延喜。宋始曰寧遠。清屬湖南永州府。

清 樂治賢幼積學。淹貫經史尤精於易。年二十自筮得遯。慨然曰：肥遯無不利。聖

人教我矣。乃絕意進取。隱居鷓鴣。并依山爲屋。朝夕誦易。自題其室曰：寡過未能。懷伯玉養生有主。學莊周中年習導引。八十餘卒。顏色如少年。湖南通志人物康熙寧遠縣志隱逸載樂治賢爲明

人與通志不同

312 郴州南朝梁於桂陽郡置。尋廢。隋復置。尋亦廢。唐復置。改曰桂陽郡。尋復曰郴州。宋曰郴。桂陽郡治郴縣。元爲郴州路。改郴縣曰桂陽縣。明省桂陽縣入州。清直隸湖南省。民國改郴州爲郴縣。○郴。敕音切。

晉琛。侵韻。楚項羽徒義帝都此。見史記。

清 廖奇珍字庸之。晚號含虛。郴州人。力學篤行。不由師傳。自靈樞遁甲。形家言。至

於丹青琴弈。詩古文詞靡不通。課子若孫以忠孝。蓋隱君子也。卒年七十有五。邵

陽魏源爲作墓誌。香齋類徵初編

313 永興縣漢置便縣。南朝宋省。陳復置。隋又省。唐置安陵縣。改曰高亭。宋改曰永興。清屬湖南郴州。

清 熊六夔。專卜筮。判斷不爽。問卜者輻輳其門。

清 馬廣諫。善楷書。尤精卜筮。晚年憚於酬應。常託疾閉門。意致亦殊高雅。

清 李友龍。舉人。夢蘭父。精堪輿。談休咎多驗。道光初。邑建南塔。力爭不利。文風當

事者疑之。後數十年。循其說拆毀。而科名仍盛。以上光緒永興縣志方技

314 汝城縣。東晉置。陳改爲盧陽。故城在今湖南汝城縣西南。唐改曰義昌。五代後唐改曰彬義。宋又改曰桂陽。清屬湖南郴州。民國改爲汝城。

清 朱祖纓。字騰芳。恩貢生。性穎悟。貌修偉。少家貧。苦學。喜博覽。兼通奇門。清咸豐

五年乙卯。紅寇入縣。家居。聞鴉鳴。卜之。語人曰。定損大將。已而果於是日。趙啓玉

陣亡。邑侯黃知祖。纓有奇略。委辦鄉團。訓練有紀。寇不敢犯。以功由恩貢保授訓

導。壽八十餘。子二。邑廩生。民國汝城縣志方技

國民 朱福全。字弼丞。清翰林。總統府祕書。左紹佐爲之傳。曰。公體貌魁頤。丰神俊爽。

頤音新。長貌。丰音馮。容色美好貌。善陰陽星卜之術。負經濟特達之才。往往拊掌軒眉。喜談天下事。

聞者爭相結納。宦粵十餘年。安民靖匪。虞詔人士爲立長生祿位牌於九成臺。崇

功也。庚申夏。以疾終。滙濱寓次。年五十八。民國汝城縣志武略

315 桂陽縣

宋置。清屬湖南郴州。民國改爲汝城縣。

明曹平。讀書好古。長律詩。精星卜。有問皆應。行事淳樸。鄉人稱之。遇恩詔。授冠帶。

年八十三而終。光緒郴州志。羅逸民國汝城縣志。方技。

316 桂東縣

宋初桂陽縣地。尋析置桂東縣。清屬湖南郴州。

清郭存昌。字君盛。善青鳥術。斷吉凶。驗如神。嘗築室堡下。藏石庭中。盛夏無蚊。環

門有塘。存昌置石水間。爲禁制法。小兒嬉戲在側。將失溺。輒有覺者。歷久不爽。子

孫甚盛。初有相者。遇存昌於途。驚指曰。子左目仙眼也。同治桂東縣志。方技。

317 桂陽州

東晉置平陽縣。唐於縣置桂陽監。宋升爲桂陽軍。元升桂陽路。明降爲桂陽州。省平陽縣入州。清升爲直隸州。屬湖南省。民國改縣。地當贛粵之交。地勢積高。山水之秀。甲於全省。

清劉鳴玉。桂陽州人。精六壬遁甲之學。與人言木來事。輒驗。性廉潔。不苟取。嘗晚

舖乏蔬。取旁舍豇豆充羹。旦如數買繫諸籬。偶暑行。渴取道旁王瓜啖之。亦繫錢

竿上。其耿介率類此。光緒湖南通志。技術。

318

臨武縣

戰國楚臨武邑。漢置臨武縣。唐改曰零武。尋復曰臨武。五代晉省。宋復置。清屬湖南桂陽州。

清

王上亨臨武人。號長松。不事詩書。好占墓之術。臆卜休咎。奇中。人神之爭。問以

事。則默不復言。與劉堯誨友善。堯誨在官。輒招上亨。既爲尙書。總督閩廣。上亨於

廣坐。呼凝齋云云。堯誨稍不樂。笑曰。君不當爲他稱邪。上亨卽起辭去。堯誨媿謝

乃已。從征洞獠。望氣占雨霽。勝負多驗。頗與兵謀。入都。公卿聞王長松名。爭延致

之。吏部尙書尹臺。負重望歸。講學永新。上亨爲相。墓居數月。臺贈之文曰。臨武人

王長松。頃訪余於山中。怪其古貌樸狀。雖雖然。如見葛天無懷之民。年垂四十。尙

未娶。事繼母至孝。出必告。告必約以還期。期至輒趨。行人或留之。則淚潛然下。曰。

母約。願可違乎。其至性類此。素不知書。與之談理道。則井井有條。若嘗從事於學

者然。間或望氣占墓。相人禍福。往往奇中。其殆古之所謂畸人者與。久之。堯誨責

以無後不孝。彊上亨娶。娶二歲。告妻曰。吾行矣。遂死。傳以爲尸解云。

同治桂陽州志方技

319

芷江縣

漢置無錫縣。後漢省。晉復置。歸陽縣。梁爲龍標縣地。唐爲龍標皮郎縣地。五代時。沒於蠻。楚置潭陽縣。明省入沅州。清置縣曰芷江。爲湖南沅州府治。

清 魏鑑，字明遠，潭陽人。博學弘文，於舉業外，若星命堪輿卜醫風鑑，皆所洞悉。康熙辛丑，著有象吉備要通書二十九卷，行世。象吉書序

320

沅陵縣 漢置，故城在今湖南沅陵縣西南。陳徙今治。清爲湖南辰州府治。地當西沅之會，山多水清，鑛產甚饒。硃砂尤著。

明 沈溥，字大霖，性剛直，博學善談。凡天文地理、陰陽醫術、歷律刑名，罔弗窮究。景泰丙子，領鄉薦，授廣西靈川知縣。在任十一年，致仕，壽九十終。

清

李六名，邑二都人，善風鑑，以氣色卜人吉凶。每談言微中。以上同治沅陵縣志方技

清

曾道魯，沅州人。沅州，今沅陵縣治。性孝友，生子相，妻亡不再娶，好爲義舉，不事家人產。知音樂，彈箏入妙，通易數，善卜筮，演策如神。年至七十五，示其子曰：某月日吾卒。至

期沐浴更衣焚香而逝。善感類徵初編

321

瀘溪縣 漢沅陵縣地，南朝梁置。唐州，尋廢。隋末蕭詠析置瀘溪縣，故城在今湖南瀘溪縣西南。宋從今治。清改瀘爲瀘，屬湖南辰州府。

宋 徐次賓，瀘溪人，著有六壬一字玉連環一卷。至今學六壬者，每視爲枕秘云。王六

玉連環序

清 楊自修，瀘溪人。精於推算。康熙己丑，藩司董昭祚被劾去官，延自修問禍福。自

修曰：月內卽當膺顯擢，勿虞其黜也。旣而果驗。名遂著。乾隆辰州府志方技

322 辰谿縣 漢置辰陽縣，隋改曰辰谿，清屬湖南辰州府。

明 余仲宇，不知何許人。萬曆初，至辰谿。精風鑑，善鍼灸，能起人危證。性嗜酒，談未

來事多奇中。後坐化，具棺葬之。數日後，有人見於他所賣藥。光緒湖南通志技術

323 溆浦縣 漢置義陵縣，後漢省，唐置溆浦縣，清屬湖南辰州府。

清 譙會銜，邑庠生。通星卜，並風角占之術。年七十，病痺，不出戶庭，能推知門外

事。一日告家人曰：某君將死矣。閱日又曰：寺僧某死。家人詢之，皆如其言。臨終，徧

召戚屬與訣，更衣端坐而逝，莫不嘆爲有道。溆浦縣志技術

清 戴尙文，溆浦人。諸生。從鴻臚卿羅典學。凡天官星卜諸書，無不究覽。嘗曰：吾治

經師羅先生，吾術數未知孰可。吾師者聞江南某僧精六壬奇門，往師焉。盡得其

祕。歸應鄉試，長沙同舍生失金，尙文爲占曰：君金若干，盜者青衣，手魚肉前行。後

一白衣隨之。肩荷重物。君以某時候驛步門外。可獲也。如其言往。果驗。嘉慶初三。廳苗變。福康安公督師剿辦。招致奇才異能之士。羅典薦渝浦兩生。一嚴如煜。一卽尙文。謂曰。嚴生負經濟才。固應祿仕。汝性疏散。爲幕客。則進退自如。慎勿官聯自羈也。戴唯唯。往見福。長揖不拜。福待以軍師之禮。凡事必諮。時苗甚猖獗。恆夜撲營。尙文輒預卜知之。有備無患。嘗五月進攻旗鼓寨。占有大冰雹。賊伏林莽甚夥。師出不利。福公偶惑人言。弗聽。及日午。師將抵寨。忽陰雲四合。大風雷雨。冰雹交下。如拳如卵。如礮。擊傷士卒。伏苗乘之。四起。兵力莫支。方悔不從尙文言。軍中呼曰神仙。又大軍在乾州。偶營龍頭。爲兵家所忌。苗圍之。斷水。軍不得食。危甚。尙文請設壇鑿池。以劍剛地。清泉滂出。軍心遂安。嘉慶四年己未。駐師天心寨。尙文夜觀天象。知將星有咎。乃作書暗置幕府。辭歸。不數日。福公方坐帳中。忽爲苗寨礮子所中。薨。衆乃悟其歸意。尙文歸未幾。亦病。自知死日。卒後其母傷之。焚所傳

書。

清史稿藝術光緒  
湖南通志技術

324

黔陽縣

漢鍾成縣。晉省。移歸陽縣治此。南齊改曰壽陽。梁改爲龍圖。隋廢。唐復置龍圖縣。五代沒於蠻。宋置黔江城。尋併鎮江。皆入爲黔陽縣。清屬湖南沅州府。

晉

羅翁。黔陽人。隱居洪山。中有道術。能知人吉凶休咎。歷歷不爽。後人因名其山。

曰羅翁。

乾隆沅州府志仙釋

清

潘士權。號龍菴。黔陽人。官太常博士。有洪範補註五卷。是編增補蔡沈之書。而

於原書之外。復多附益。其大旨合著龜卜筮五行卦氣聲音律呂交互言之。

四庫提要子部

術數類存目一

325

麻陽縣

漢沅陵辰陽二縣地。陳置麻陽。唐置麻陽縣。故城在今湖南麻陽縣東。宋移今治。清屬湖南沅州府。

明

李時復。麻陽人。萬歷間。讀書西郊。有異人乞新製衣。時復慨然與之。異人曰。子

有誠心。當以星學授子。遂竟夜與談。盡其術。言命多中。後以歲薦。授紫陽令。致仕。

歸。

光緒湖南通志技術

326

永順縣

漢西陽縣地。南朝梁以後爲大鄉縣。五代時置水順州。宋爲羅廩州。元爲永順安撫司治。明爲永順宣慰司治。清改置永順縣。移治於舊司治。西北三十里。爲湖南永順府治。民國廢府存縣。

清

彭太甲。內塔臥保人。得異人傳授占卜如神。太守張曾敷。常留之署中。以質休。

咎。繼任徐培元。丁憂去。次朱世傑將至。太甲曰：不能越貓子坪，必死。第三呂近陽，由古文同知署府事。太甲曰：此雖能視事，然不半年，亦必死也。後皆驗。同治水順縣志按藝

327 靖州 唐絳州朗溪解南寧地。五代時爲蠻地。稱誠徽二州。宋初爲羅廣州。後收復。復置誠州。改靖州。元改靖州路。明升靖州府。復降爲州。以州治永平縣。省入。清因之。直隸湖南省。民國改爲靖縣。

明 葉庭芝字無心。號竹莊。靖州人。少業儒。未就。遂有志術數之學。凡先天後天之圖。岐黃孫盧之書。不待探索而得其奧。所著有索性旨要。金絲鏡籠。神鍼簡要賦。

士君子多重之。年八十餘卒。光緒湖南通志按術

328 綏寧縣 唐武岡縣西境。五代時置徽州。宋改置時竹縣。尋廢。又置綏寧縣。清屬湖南靖州。

清 楊茂崙生平積德精心堪輿。著有地理會元篇傳世。同治綏寧縣志方按

329 水綏廳 漢五溪蠻地。唐錦州地。後爲六里生苗地。宋以後不通聲教。清雍正八年。招徠生苗。建吉多營。設水綏協副將都司同知等。轄紅苗二百一十八寨。故治在今湖南永綏縣東南吉多坪。後升爲廳。直隸湖南省。移治花園營。即今治。民國改廳爲縣。

清 李芳廳諸生。熟精易理。爲人卜。多有問卜者。則借卜與言。孝友睦嫺。任郵事。而猶拳拳於息訟消爭。芳嘗言人之偶有爭訟者。心有所不平也。因其問而導之。

使平。平則爭訟化矣。若芳者其殆嚴君平之流亞歟。

乾隆永綏廳志方技

330 石門縣

漢零陽縣地。晉置澧陽縣。南朝陳改曰石門。清屬湖南澧州。

清

袁承裕號儒門。誠靜寡言。客遊寶慶。遇人傳授善醫卜之術。縣獄中有要犯在

逃。邑侯某延請卜課。遣人往偵即獲。侯深爲詫異。款洽有加禮。名譽由是大噪。造

門請問者。四方踵至。所言無不奇中。子德彰號半霞。增生。

同治石門縣志方技

清

申之交字肇修。石門人。精易林諸書。占問輒有驗。然與人言皆導以忠信守己。

不涉玄妙。年九十四。預示家人死期。誦金剛經而逝。

清

黃配乾家貧。屢躡童子試。遂攻地理星卜諸書。尤精醫。遠近延請無虛日。族人

某贈之有詩。博兼衆技。書千卷。救活羣生。紙半張之句。

清

甲中望字念太。石門人。性沈靜。強記多聞。精奇門。嘗於館後置坐橙數枚。盜陷

其中。詰朝變夫往就。盜迷不出。主人繼往亦然。中望導之始出。閒於案上列豆。置

蠱蟻於中爲戲。人來輒亂其局。問之不言。臨終取所抄胡麻細字書半篋焚之。子

以上光緒湖  
南通志技術

請留示後人。不許。詔之曰。但讀聖賢書。此不足學。學亦難精。不慎且賈禍。卒焚之。  
太平清話云。張南軒知星命。乃判朱晦翁官多祿少四字。晦翁點首云。老  
漢生平辭官文字甚多。

清程樹勳壬學瑣記云。讀楊忠愍公年譜。知公通三式之學。可見此學爲  
君子所不棄。晉之戴洋。唐之李靖。元之劉秉忠。耶律楚材。明之劉青田。亦  
皆精於此。諸公豪傑之資。小道不遺。固非渺見寡聞之輩。所能窺測者也。  
魏志方技傳。朱建平之相術。管輅之筮術。誠皆玄妙之殊巧。非常之絕技  
矣。

遼史方技傳。孔子稱小道必有可觀。醫卜是已。醫以濟天札。卜以決猶豫。  
皆有補於國。有惠於民。前史錄而不遺。故傳。

金史方技傳。太史公序九流。述日者、龜策、扁鵲、倉公列傳。劉歆校中祕書。以術數方技。載之七略。後世史官作方技傳。蓋祖其意焉。金世如武禎、武亢之信而不誣。劉元素、張元素之治療通變。學其術者皆師尊之。不可不記云。

明史方技傳。明初周顥、張三豐之屬。踪跡祕幻。莫可測識。而震動天子。要非妄誕取寵者所可幾。張中、袁珙占驗奇中。夫事有非常理所能拘者。淺見眇聞。不足道也。

宋王應麟困學紀聞云。定之方中。公劉之詩。擇地法也。我辰安在。論命之說也。傳云。不利子商。則見姓有五音。詩。吉日維戊。庚午。則見支干之有吉凶。

# 中國歷代卜人傳卷十九

潤德堂叢書之八

鎮江袁阜樹珊編次

## 四川省一

四川省在我國長江流域西部。境內有岷、雘、巴、四大川。故名。禹貢梁州之域。周爲巴蜀諸國地。秦爲巴蜀二郡。故別稱蜀省。又稱巴蜀。漢爲益州部。晉爲梁益二州。唐置劍南、山南、黔中諸道。宋置四川路。元置四川等處行中書省。明置四川布政使司。清置四川省。民國仍之。其地東界湖北。南界貴州。雲南。西界西康。北界陝西、甘肅。省會曰成都縣。

331

成都縣

古蜀山氏國。戰國張儀與張若城成都。卽此。秦置縣。三國蜀漢都之。唐玄宗幸蜀。建爲南京。五代王氏孟氏。皆爲國都。明清皆爲四川省治。四川提督駐之。成都府亦治此。民國廢府。仍爲四川省

治。城分二部。東爲太城。西爲少城。太城之西偏。有皇城。明蜀藩故宮也。境內土地平曠。溝渠四達。五穀繁殖。兼治蠶桑。商業亦發達。未成之川漢路。及擬築之川藏成嘉成灌等路。均發軔於此。擬築之同成路。亦以此爲終點。城內東隅局廠林立。城西南之旗橋。爲近城一帶貿易之所。每屆場期。摩肩輦轂。行人塞途。

漢

嚴遵字君平蜀人卜筮於成都市以爲卜筮者賤業而可以惠衆人有邪惡非

正之問則依蓍龜爲言利害與人子言依於孝與人弟言依於順與人臣言依於

忠各因勢導之以善從吾言者已過半矣裁日閱數人師故曰裁與才同開歷也得百錢足自養

則閉肆下簾而授老子師古曰肆者市也博覽無不通依老子嚴周之旨著書十萬

餘言師古曰嚴周卽莊周揚雄少時從游學已而仕京師顯名數爲朝廷在位賢者稱君平

德杜陵在長安南五十里李彊素善雄杜陵在長安南五十里久之爲益州牧喜謂雄曰吾真得嚴君平矣雄曰

君備禮以待之彼人可見而不可得誦也疆心以爲不然及至蜀致禮與相見卒

不敢言以爲從事乃歎曰揚子雲誠知人也蜀有富人羅冲者問君平曰君何以

不仕君平曰無以自發冲爲君平具車馬衣糧君平曰吾病耳非不足也我有餘

而子不足奈何以不足奉有餘冲曰吾有萬金子無儋石儋石負荷也通作擔乃云有餘

不亦謬乎君平曰不然吾前宿君家人定而役未息晝夜汲汲未嘗有足今我以

卜爲業不下牀而錢自至猶餘數百塵埃厚寸不知所用此非我有餘而子不足

耶。冲大慚。君平嘆曰：益我貨者損我神，加我名者殺我身。故不仕，遂以其業終。享

年九十餘。蜀人愛敬，至今稱焉。

前漢書王貢兩龔鮑傳序嘉慶四川通志類說○漢龔遂康右銘云：夫疾

也無助，口舌者禍患之門，滅身之斧。言語者天命之屬，形骸之部。出失則患入，言失則亡身。是以聖人當言而

閉，發言而憂，如赴水火，履危臨深，有不得已。當而後言，嗜慾者潰腹之矛，貨利者喪身之蠹。嫉妬者亡軀之害，

諂佞者刺頸之兵。發隨者絕世之殃，陷害者滅嗣之災。淫勸者嫖家之弊，嗜酒者窮蹙之敵。忠孝者富貴之階，節

儉者不竭之源。吾人之傳書後嗣，當世無遺。○觀樓方輿勝覽云：驪城水中出金雁，因謂之雁橋也。錦里善舊傳

曰：嚴君平宅，卜肆之井猶存，今爲嚴真觀。中有支機石，道敘麗驗記云：成都卜肆支機石，卽海客攜來，自天河

所得。織女令問嚴君平者，太尉嚴熈公好奇尚異，命工人鑿取支機石一片，欲爲器用。推琢之際，忽若風雷，墜

於石側。如此者三，公知其靈物，乃已之。至今所刻之跡在焉。復令穿掘其下，則風雷震駭，咫尺昏眩，遂不敢犯。

○水經註云：李固與弟圖書曰：昔農夫子嘗嘗經有五，涉其四。州有九，游其八。○華陽國志云：漢林闔，字翁孺，

臨邛人。善古學。古者天子有轅車之使，自漢興以來，劉向之徒，但聞其官，不詳其職。惟聞與君平知之，使考八

方之風雅，通九州之異同。主海內之音韻，使人主居高堂，知天下風俗也。揚雄聞而師之，因作方言。圖孺通世莫

聞也。○廣博物志引湖廣志云：沌安丘，成都人，與嚴君平友善。君平卒，安誅之曰：無營無欲，淡然淵清。○茶香

室續鈔云：莊君平宋時尚在，蜀八仙中君平列焉。○明楊慎升庵集有蜀八仙云：譚秀蜀記載蜀之八仙，首容成

公，云卽鬼容區，鑿於鴻蒙，今青城山也。次季耳，生於蜀，今之青羊宮也。三日董仲舒，亦青城山隱士，非三策之

仲舒也。四曰張道陵，今大邑鶴鳴觀。五曰莊君平，卜肆在成都。六曰李八百，龍門洞在新都。七曰范長生，在青

城山。八曰龔朱先生，在雅州。有手書石刻五經在湖中。○宋洪邁夷堅乙志云：邛州有道人，嘗於市中見老叟鬚

髮如雪，而兩臉紅潤。隨子深碧，迹其所往，執弟子禮甚謹。凡歲餘，邈然無所契。一夕寒甚，叟起將便，旋爲捧溺

器以進，叟訝其暖，答曰：惟冷氣傷先生，冀諸掖中耳。叟大感異，曰：吾乃漢莊君平也。行天下千歲矣，未見有如

子者，取一書授之，曰：讀此可傳道。天明叟出，遂不歸。其書乃五言詩百篇，皆修身度世之說。李季言論，頗能

識之。今但記其語云：事業與功名，不值一杯水。又云：獨立秋江水，三句而已。按莊君平漢人，避明帝諱，故改莊

爲嚴耳。使此人自稱嚴君平則僞矣，今自稱莊君平，疑其不妄。○清張潮幽夢影云：嚴君平以卜講學者也。孫思

歷代卜人傳 卷十九 四川一

四

邈以醫講學者也。諸葛武侯以出師講學者也。○成都府漢州志古蹟載君平卜臺，在州東一里，一名卜卦臺。宋郭印卦臺記云：按益州記云：漢州順橋東，有真君卜臺，高丈餘。又故老相傳：州治形勢南高而北下，多火災，真君鑿井曝間，上憲七星，杓指南方，以厭勝之，則真君之德，陰被廣漢七厚，自昔至今，越千百年，卜臺既已蕪落，井之應驗星者，壘塞久矣，比歲郡人往往建災，或疑焉。今太守王公，憂民之憂，迺如其說，法故埋井，于是災燁不作，民情安堵，一日過卜臺下，顧其陋甚，尋加修築，繪真君像其上，前臨通道，蔽以短垣，蓋使邦人無忘真君之德也。既成，囑某記之。○成都縣志古蹟：益州西一里，嚴君平宅，卜肆之井猶存，今爲嚴真觀，喻汝礪游嚴真觀詩云：古木共幽意，長廊亦肅如。於焉步道遙，亦復散衣裾。嚴真俗已空，道心頗固舒。不知度世人，去此歲幾徂。云何有丹砂，尙爾留庭隅。支搜亦悠悠，誰復計有無。我知此公意，慨然元鼎初。繼之五鳳間，斯民斃刀鋸。聊欲謝塵網，歛以道自娛。抱獨理自會，曷懷遠所居。初非誇其人，而世自我疎。含歎念斯理，起我憂患餘。○邛州志古蹟：嚴君平故里，在州東十五里，地名萬石壩，名勝云：舊戶壩。○成都府崇寧縣陵墓：載漢嚴君平墓，在縣西南二十里。元和志云：在唐昌縣西南十里。○廣輿記云：嚴君平墓在成都西北八十里之崇寧縣。○清華縣孫鎮鶴石文鈔：平樂山館義學記云：平樂在崇寧西南一隅，灌木平林，高臺佛剎，山田秀錯，農屋雲連。嚴君平遺墓在焉，由君平墓道而南五里，爲蒲口壩，壩東池，草輝交碧，有山巒翠，如天馬卓立，曰崇岡。則子家入蜀三世祖崇公之墓田也。○阜接孫鎮鶴文鈔，刊於道光乙未，距今幾百餘年，其載述君平遺墓云云，較他書爲詳，堪爲景賢關墓者之指南，故特記之。○蜀雅載費錫璜贈嚴子詩云：欲就嚴遺話，問中負酒過。梅花君自饋，春早意如何。卷輒青山見，徒頭白髮多。已忘掛瓢累，時詠采芝歌。○晉王右軍十七帖云：嚴君平，司馬相如，揚子雲，皆有後否。○晉左思蜀都賦有云：近則江漢炳靈，世載其英，蔚若相如，嶠若君平。王褒神輝而發秀，揚雄含章而挺生。○晉皇甫謐高士傳嚴遵贊云：君平賣卜，子雲所師，聆文是關，適作指歸，彼不可屈，錢嘗有餘，真人淡泊，豈哉隨處。○晉張俞蜀三賢畫像贊云：益州中興寺，有聖池院，院有前漢揚子雲、莊君平、李仲元三賢畫像，因各贊之。來者觀像讀贊，則知三賢之道至焉。子雲潛真，與聖合神，龍騰其德，鳳耀其文，讀法著文，統貫天人，道德之肖，諱稱絕倫，淵淵蜀莊，至人之說，心通著龜，言必慈孝，推道衍德，精神入廟，子雲之師，執到其妙，仲元何如，鏡人心天，出方其譏，默喻於言，道兼火惠，貫妙雲淵，屈伸猶龍，物無累焉。○劉宋鮑照參軍詠嚴君平詩云：君平因世閒，得還守寂寞，閉庵著道德，閉卦說天爵。○唐李肇國史補云：先生冥冥，隱於卜肆，宗師老氏，精究易義，爰衣爰食，止足非利，事廉燕居，默養真氣，諫人不倦，人悅其風，滋味柔剛，在我域中，心與世遠，事與人同，不臣

大君不友上公。在貴友賤。齊明若蒙。遠哉遠哉。微妙交通。二者何爲。仰慕飛鴻。○唐張九齡送姚評事入蜀。賦得卜肆詩云。蜀巖化已久。沈冥空所思。嘗聞賣卜處。狐憶下麻時。驅傳應經此。懷賢偶問之。歸來說往事。歷歷偶心期。○岑參卜肆詩云。君平曾賣卜。卜肆蕪已久。至今杖頭錢。時時地上有。不知支機石。還在人間否。○鄭世賢君平古井詩云。嚴平本高尚。遠蹈古人風。賣卜成都市。流名大漢中。舊井改人事。寒泉久不通。年多既罷汲。無燕乃遂空。如何屬秋氣。惟見落雙桐。○宋呂光弼詩云。卜筮垂簾地。依然門徑開。沈冥時已往。思慕客猶來。烏啄風簾。狐穿古井推。空餘支機石。歲歲長春苔。○宋鄭所南君平像贊云。多是垂簾自養神。僅能了日即安貧。不離忠孝談玄妙。豈是尋常賣卜人。○清長洲緒人種學稼。堅瓠補集。載呂洞賓詩云。時當海晏河清日。白鹿閒騎下翠臺。本爲君平川裏去。不妨却到錦屏來。○清南皮張文襄公詩集云。西蜀嚴君平。下麻玩道德。襄陽司馬徽。著書仍守默。褐衣賣畚人。治亂若黑白。好之不可既。聞之亦自得。士不羞貧賤。有道處巖穴。○阜景仰君平。摘句有云。揚雄師事蜀君平。教孝勸忠各盡情。真觀卜臺千古在。羅沖尚義也成名。早於丙子春。曾函託成都友人。調查君平遺蹟。據覆。今猶有兩名君平云。○清鄧縣全祖望請培亭集外編。讀道德指歸云。張南漪語予曰。道德指歸。前有谷神子序。其云嚴君平。姓莊氏。故稱莊子。班史避明帝諱。更之爲嚴。然則篇中所稱莊子者。皆君平自稱也。故卷首即稱莊子曰。老子之作。上經象天。下經象地。其發明宗旨。幾二百言。此後每段爲問答。必曰何以言之。何以言之。何以言之。或曰敢問。而後以莊子曰答之。蓋皆君平自稱之言無疑也。聞潛邱乃以爲莊周逸篇之文。以補王厚齋之漏。何其猶也。其所引亦不完。南漪之言。嚴而爲矣。

漢

揚雄字子雲成都人

一云郫縣人。郫縣秦置。明清皆屬。因川成郫府。縣北五十里。有故郫城。

世以農桑爲業。好學博覽。無所

不見。口吃不能劇談。不汲汲於富貴。不戚戚於貧賤。不修廉隅以徼名。當世家產。不過十金。乏無儋石之儲。晏如也。年四十餘。自蜀來游京師。大司馬王音奇其文雅。召爲門下史。薦雄待詔。歲餘奏羽獵賦。除爲郎。給事黃門。卒年七十一。雄少時

嘗從嚴君平游學得其奧旨是以恬於勢利非其意雖富貴不事非聖哲之書不好以爲經莫大於易故作太玄摠之以三策據食列切同操開之以休咎辨之以象類辨雜

也併播之以人事文之以五行擢之以道德仁義禮知傳莫大於論語故又作法

言觀其解澍有炎炎者滅降降者絕位極者宗危自守者身全知玄知默守道之

極爰清爰靜游神之廷及高明之家鬼瞰其室云云誠與君平所謂益我貨者損

我神生我名者殺我身如出一轍前漢書本傳云帝謫高士傳唐陸龜蒙等譚叢書云龜蒙讀揚雄

事時皆違符命取寵雄獨默默以貧愁著書病不得免入希至其門止一侯巴從之受太玄法言而已○明張冠

千百年眼云揚子雲古以比孟荀樂陽氏著通鑑綱目直書之曰莽大夫揚雄死蓋舉市國之精淵派姓之馮道

所未嘗加者而加之不知雄至京見成帝年四十餘矣自成帝建始改元至天鳳五年計五十有一歲以五十

二合四十餘已近百年則與所謂年七十一者又相抵牾矣又考雄至京大司馬王音奇其文而賞亮永始初

年則雄來必在永始之前無疑然則謂雄延於莽年者妄也其云媚莽妄可知矣按雄鄉縣人鄉人簡公紹常

辨證尤悉簡引檀譚新語曰雄作甘泉賦一首夢腸出收而內之明日遂卒而嗣甘泉在永始四年雄卒永始

四年去莽篡尙遠而劇奏美新或出於谷子雲然考之法言云漢興二百一十載爰自高帝至平帝末蓋其數

突而謂雄卒永始亦未必然計雄之終或在平帝末則其年正七十餘矣因雄歷成哀平故稱三世不徙官若

復仕莽詎止三世哉由是知雄決無仕莽投閣美新之事紫陽亦未可爲實錄也○清陳宗起丁戊筆記云漢書

揚雄傳據雄自序謂其先出自周伯儵者以支庶食采於楊因氏焉楊在河汾之間周衰而楊氏或稱侯曰楊

侯又揚修答臨淄侯踐稱修家子雲又云述衰宗之過言或以楊與楊兩字疑是文人牽合之過今按班書於雄

傳稱楊雄揚子揚子雲及其祖楊季字皆作木旁易惟篇首作手旁易蓋形近通寫之字左氏襄二十九年雲

漢後

揚韓說：其字正作手旁易。應劭杜預皆以爲卽平陽楊。卽所謂楊在河汾之聞者是也。應氏注雖傳。引左傳卽作木旁易。則揚爲楊之通用字。明矣。漢魏字源載卽君碑。稱治歲羊尙書。陽羊尙可假借。亦何疑於楊之於揚乎。

趙典字仲經。成都人。少篤行。隱約學孔子七經。河圖洛書。內外藝術。靡不貫綜。受業者百有餘人。桓帝時爲大鴻臚。遷太常。以諫爭違旨。免官。再遷衛尉。公卿表典篤學博聞。宜備國師。會病卒。諡獻。後漢書本傳

漢後

楊由字哀侯。蜀郡成都人。少習易。并七政元氣風雲占候。爲郡文學掾。時有朱雀夜集於庫樓上。太守廉范以問由。由對曰。此占郡內當有小兵。然不爲害。後二十餘日。廣柔縣蠻夷反。殺傷長吏。郡發庫兵擊之。又有風吹削哺。太守以問由。由對曰。方當有薦木實者。其色黃赤。頃之。五官掾獻橘數包。大將軍竇憲從太守索雲氣圖。由諫莫與。尋憲受誅。由嘗從人飲。敕御者曰。酒若三行。便宜嚴駕。旣而趣去。後主人舍有鬪相殺者。人請問。何以知之。由曰。向社中木上有鳩鬪。此兵賊之象也。其言多驗。著書十餘篇。名曰其平。終於家。後漢書方術志。蜀通志。藝文

漢蜀

張裕字南和。蜀郡人。明州後部司馬。曉占候。具天才。先主欲與曹公爭漢中。裕

諫曰：得地而不得民，軍必不利。先主不用裕言，竟遣將吳蘭、雷銅等入武都，皆沒不還。裕又私語人曰：歲在庚子，天下當易代，劉氏祚盡矣。主公得益州，九年之後，

寅卯之間，當失之。人密白其言。初，先主與劉璋會涪時，

涪，音浮，水名，今曰涪江。

裕爲璋從事，侍

坐。其人饒鬚，先主嘲之曰：昔吾居涿縣，特多毛姓，東西南北皆諸毛也。涿令稱曰：

諸毛繞涿居乎？裕卽答曰：昔有作上黨潞長，遷爲涿令者，去官還家，時人與書欲

署潞則失涿，欲署涿則失潞。乃署曰潞涿君。先主無鬚，故裕以此及之。先主常銜

其不遜，加忿其漏言，乃顯裕諫爭漢中不驗，下獄將誅之。諸葛亮表請其罪，先主

答曰：芳蘭生門，不得不鋤。裕遂棄市。後魏氏之立，先主之薨，皆如裕所刻。又曉相

術，每舉鏡視面，自知刑死，未嘗不撲之於地也。漢末，鄧芝入蜀，未見知。益州從事

張裕善相，往從之。裕謂芝曰：君年過七十，位至大將軍封侯。芝後封陽武亭侯，爲

大將軍二十餘年。

三國蜀志附周景傳，嘉慶四川通志藝術。

趙直善占夢，何祇嘗夢井中生菜，以問趙直。直曰：菜非井中之物，會當移植。然

漢蜀

乘字四十下八。君壽恐不過此。祇笑言得此足矣。祇爲隄爲太守。年四十八卒。如直所言。建興十二年甲寅。丞相出北谷口。延爲前鋒。夢頭上生角以問直。直詐延曰。麒麟有角而不用。此不戰而賊自破之象也。退而告人曰。角之爲字。刀下用也。頭上用刀。其凶甚矣。秋亮卒。延叛。馬岱斬之。

三國蜀志楊洪傳注及魏延傳參嘉慶四川通志藝文

趙正。精易筮。官都尉。建興十二年甲寅。楊儀

字威公。襄陽人。

隨諸葛亮出屯谷口。亮卒

於敵場。儀既領軍還。又誅討魏延。自以爲功勳至大。宜當代亮秉政。呼都尉正。以周易筮之。卦得家人。默然不悅。而亮平生密指。以儀性狷狹。意在蔣琬。琬遂爲尙書令。益州刺史。儀至拜爲中軍師。無所統領。從容而已。初儀爲先主尙書。琬爲尙書郎。後雖俱爲丞相參軍長史。儀每從行。當其勞劇。自爲年官先琬。才能踰之。於是怨憤形於聲色。歎咤之音。發於五內。時人畏其言語不節。莫敢從也。爲後軍師。費禕往慰省之。儀對禕。恨望前後云云。又語禕曰。往者丞相亡沒之際。吾若舉軍以就魏氏。處世寧當落度如此耶。令人追悔不可復及。禕密表其言。十三年乙卯。

廢儀爲民徙漢嘉郡。

漢嘉故城在今四川安雅縣北。

儀至徙所復上書誹謗辭旨急切遂下郡收儀。

儀自殺其妻子還蜀。

三國蜀志楊儀傳國書集成藝術典卜筮部記事

晉

星人乃蜀人知天文者時習鑿齒爲荊州刺史桓溫辟爲從事溫有大志特延

星人觀之至夜執其手問曰國家祚運修短何如答云世祀方永溫疑其難言乃飾辭云如君言豈獨吾福乃蒼生之幸然今日之語自可令盡必有小小厄運亦宜說之星人曰太微紫微文昌三宮氣候如此決無憂虞至五十年外不論耳溫不悅乃止異日送絹一疋錢五千文以與之星人乃馳詣鑿齒曰家在益州被命遠下今受旨自裁無由致其骸骨緣君仁厚乞爲標碣棺木耳鑿齒問其故星人曰賜絹一疋令僕自裁惠錢五千以買棺耳鑿齒曰君幾誤死君嘗聞前知星宿有不覆之義乎此以絹戲君以錢供道中資是聽君去耳星人大喜明便詣溫別溫問去意以鑿齒言答溫笑曰鑿齒憂君誤死君定是誤活然徒三十年看儒書

不如一詣習主簿。

晉書習鑿齒傳嘉慶四川通志藝術

唐袁天綱，益州成都人。父瓊，梁州司倉。祖嵩，周朝歷韃，爲蒲陽、蒲江二郡守。車騎

將軍。曾祖達，梁朝江黃二州刺史。周朝歷天水、懷仁二郡守。天綱少孤，貧好道，藝

精相術。仕隋爲資官令。唐書資官作鹽官武德初，戊寅，蜀道使詹俊，赤牒授火井令。初，天綱

以大業元年乙丑，至洛陽，與杜淹、王珪、韋挺游。天綱謂淹曰：公蘭臺成就學堂，寬

博，將以文章顯，必得糾察之官。謂珪曰：公三停合度，天地相臨，不十年官五品。謂

挺曰：公面如虎形，交友極誠，必得知己。接攜當以武處官。然三君久皆得譴，暫去

卽還。吾且見之。淹以侍御史爲天策府兵曹文學館學士。珪爲太子中允，挺隋末

與隱太子友善，薦爲左衛率。武德六年癸未，俱以事流嶺州。嶺，音誌，今四川寧遠府境，本作嶺。淹等

至益州，見天綱曰：袁公洛邑之言則信矣。未知今後何如。天綱曰：公等骨法大勝

往時，終當俱受榮貴。杜位三品，難與言壽。王韋亦三品，後於杜而壽過之。但晚節

困，韋尤甚。杜淹至京，拜御史大夫，檢校吏部尚書。王珪尋授侍中，出爲同知刺史。

韋挺，歷御史大夫、太常職卿，貶象州刺史。皆如天綱之言。大業末，丙子，竇軌客遊

德陽嘗問天綱。天綱曰：君額上伏犀貫玉枕，輔骨完成。十年且顯，其在梁益間耶？軌後爲益州行臺僕射，引天綱深禮之。天綱又謂軌曰：赤脈干瞳，語浮面赤，公爲將必多殺，願深自誠慎。武德九年丙戌，軌果坐事見召。天綱曰：公毋憂，輔角右畔光澤可喜，不久必還。其年果重授益州都督。貞觀初丁亥，太宗召見曰：古有君平朕今得爾，何如？對曰：彼不逢時，臣固勝之。武后之幼，天綱見其母曰：夫人法生貴子，及見二子元廣、元爽，曰：官三品，保家主也。見韓國夫人曰：此女亦大貴，然不利其夫，后最幼，姆抱以見，給以男。天綱視其步與目，驚曰：龍瞳鳳頸，極貴驗也。若爲女，當作天子。早攜句有云：天綱遠祖勝君平，鳳頸龍瞳到眼明，赤脈貫睛誠安殺，引人入勝化翠英。貞觀八年甲午，帝在九成宮，召見天綱，令視岑文本曰：學堂瑩，夷眉復過目，故文章振天下，首生骨未成，自前而視法三品，惜肉不稱骨，非壽兆也。文本官至中書令，尋卒。其年侍御史張行成、馬周同問天綱。天綱曰：馬君伏犀貫腦，兼有玉枕，背如負物，富貴驗也。近古君臣相遇，未有及公者。然面色澤赤，命門晦暗，而耳無根，後骨不隆，壽恐不長。周後位至中書

令兼吏部尚書。年四十八卒。謂張君曰：公五嶽四瀆，成就下停，豐滿得官。雖晚終居宰輔之地，行成後至尚書，右僕射。其術精類如此。申國公高士廉嘗謂曰：君終作何官？天綱謝曰：僕自知相命。今年夏四月，數將盡矣。如期果以火山令卒。著有

太乙命訣、相笏經、射覆詩、元成子等書。

新舊唐書方技唐呂道生定命錄天綱外傳嘉慶四川通志藝術○宋吳曾能改齋漫錄云：袁天綱本蜀郡人，隋末于閬州

蟠龍山前築宅居。蟠龍山在縣東北三里以形得名。岐陽李淳風事以師禮。二人郊行，見一牛迹。袁曰：牛而有孕，又左目必傷，當產一犢，尋問之皆然。未幾果產一犢。李曰：從學久矣，未聞此術。袁曰：非術也。牛之有孕，左重壯也。右重牝也。吾觀牛迹左足深，必產壯也。惟食右邊草，必左目傷也。李歎曰：師之術可及，其智不可及也。孟子謂大匠能誨人以規矩，不能使人巧，以袁之于李，孟言益可信矣。○四川通志順慶府仙釋：唐袁天綱居鳳凰山修煉，丹井尚存。清一統志：鳳凰山，作大鳳山。○光緒浙江通志仙釋：天綱之師，乃浙江霅溪道士也。○清一統志陵墓：載袁天綱墓，在直隸省順天府涿州東北浮落崗。○夷堅續志云：袁氏以天綱為祖。唐書曰：天綱益州成都人也。溫江縣西二十里，曰淘羅鎮，有井號天綱井，其裔環居井側，有名芝者。於鎮建寺，有異應。費元量、楊徽、胡叔豹，皆蜀賢大夫，為之記載。之子孫蕃衍，鎮莫能容。四世子昌年，遂徙溫江。鴻為廣文館生，試中上游縣，為立播秀坊。子孫遂連取名第，自省、大才、大明、大聲、仲、午、桂，凡七人，鄉舉中選者又過倍之。

唐

袁客師、天綱子，亦傳其術。為廩犧令。順慶中，與賈文通同供奉。客師嘗度江叩

舟而還。左右請故曰：舟中人鼻下氣皆墨，不可以濟。俄有一男子，跛而負，直就舟。客師曰：貴人在。吾可以濟。江中風忽起，幾覆而免。跛男子，乃婁師德也。後位至納

言焉。新舊唐書方技唐呂道生定命錄天綱外傳嘉慶四川通志藝術

唐 日者房元齡來買卜。成都日者笑而掩鼻曰：公知名當世，爲時賢相，奈無繼嗣。

何時遺直已三歲在側。日者顧指曰：此兒此兒，是絕房氏者也。公悵然而退。後皆

信然。卓按：玄齡有一子，遺直，遺愛，永徵中，遺愛詔告遺直，高宗令長孫無忌鞠其事，因得遺愛謀反之狀，遺愛伏誅，遺直除名爲庶人，諸子配流嶺表，停玄齡配享。○舊唐書房玄齡傳嘉慶四川通志藝術

唐 李生者，杜棕門下術士也。棕待之甚厚。杜棕，祖祐，父式方，棕後爲相，未嘗薦士，不如祐之素風。棕任西川節度

使。時馬植罷黔南赴闕，道出成都，李見之，謂棕曰：受恩久，思有以效答，今得之矣。

黔南馬中丞，非常人也。且公將有大禍，非馬丞不得救。宜厚遇而結之。棕驚信其

言。植將發，棕以厚幣贈之，仍令邸吏爲植於闕下買宅，所用之費無闕焉。植至闕，

但知感棕，而不知其旨。尋除光祿卿，報狀至蜀，棕謂李生曰：貴人至闕也。作光祿

勳而已。生曰：姑待之。俄進大理卿，又遷刑部侍郎，充鹽鐵使。棕始驚憂，俄而作相。

懿安皇后，宣宗幽崩。懿安皇后郭氏，乃憲宗東宮元妃，事顯宗爲婦，歷五朝，母天下，宣宗立，而母鄭氏，故侍兒，有義怨，帝奉養禮稍薄，后鬱鬱不聊，與一二侍人登勤政樓，將自隕，左右

共持之，帝聞不喜，是夕后暴崩。棕、懿安子壻也。忽一日，內榜子索檢，責宰臣元載故事。植諭旨翌日

延英上前。萬端營救。植素辯博。能迴上意。事遂寢。惊乃安。其事與竇廷芝、桑道茂

差類。故備錄之。以見禍福前定。惟深於數者得而知之。

唐書列傳后妃下杜陵本傳古今類事卜兆門

唐

彭克明、號彭釘筓。精相術。言事多驗。人以其必中。是以有釘筓之名。九隴村民

唐氏子。家富。彭謂曰。唐郎卽世。不挂一縷。唐曰。我家粗有田隴。衣食且豐。可能裸

露而終哉。一日江漲。有一兔在水中央。唐謂必致之。乃脫衣。泅水爲波漂沒而卒。

其他皆類此。

嘉慶四川通志藝術

唐

張野人。在蜀見貴妃楊氏云。當大富貴。何以在此。或問至三品夫人否。張云不

是一品否。曰。不是。然則皇后耶。曰。亦不是。然貴盛與皇后同。見楊國忠云。公亦富

貴。位當秉天下權勢。惟望小心翼翼。數年後。皆如其言。

太平廣記相類

蜀前

趙溫珪。秦州人。曾祖省躬。通數術。避亂於蜀。溫珪善相人。兼精三式。成都謂之

趙聖人。官司天少監。水平元年辛未。蜀主與歧交惡。王宗侃請統師前進。溫珪諫

曰。李茂真未犯邊。諸將貪功深入。糧道阻遠。恐非國家之利。蜀主不聽。果有青泥

嶺之敗。武人王暉者。一日遇溫珪於朝門。溫珪屏人語之曰。君面有殺氣。得毋懷  
兵刃以圖人邪。然君自是晚達。三爲郡守。一爲節制。不宜害人以取殃禍。暉大駭。  
探懷出七首擲地。泣曰。暉爲此子所擠。今日不勝其憤。欲刺殺之。便爾引決。不期  
逢公爲開釋。請從此止。拜謝而退。暉尋爲刺史。遷秦州節度。一如溫珪之言。

蜀後

周仲明居成都。以術數擅名。明德元年甲午。孟蜀先主病且危。司空趙季良召  
仲明。問蜀主壽幾何。對曰。合爲真主。食蜀中二十年。既登九五。於壽無益。季良曰。  
可爲金滕乎。滕。晉陽。纒也。金。滕。謂絀之以金也。曰。此天數也。非人力可爲。季良又問國祚修短。仲明  
曰。二紀外。有真人出。天下一統。其言後皆驗。

宋

費孝先。蜀人。善軌革。

取年月日時成卦。謂之軌。

世皆知名。有賈人王晏。因殖貨之成都。

晏。閬中平

天。求爲卜筮。孝先曰。教住莫住。教洗莫洗。一石穀。擣得三斗米。遇明卽活。遇暗卽  
死。再三戒之。令誦此數言。足矣。晏誌之。及行。途中遇大雨。憩一屋下。路人盈塞。乃  
思曰。教住莫住。得非此耶。遂冒雨行。未幾屋圯。獨得免焉。晏之妻。已私隣。比欲講

終身之好。俟旋歸。將致毒謀。既至。妻約其私人曰。今夕新沐者乃夫也。日欲哺。呼  
旻洗沐。重易巾櫛。旻悟曰。教洗莫洗。得非此耶。堅不從。婦怒。自沐。昏夜反被害。旻  
覺驚隣里共視。皆罔測其由。遂被囚繫拷訊。獄就。不能置辯。郡守錄狀。旻泣言。死  
卽死耳。但孝先所言。終無驗。左右以是語達郡守。守呼旻。問曰。汝比隣。何人也。曰。  
康七。遂遣人捕至。一訊而服。旻得脫囹圄。僚佐問故。守曰。一石穀。擣得三斗米。非  
康七乎。由是辯雪。所謂遇明卽活也。以上嘉慶四川通志藝術。宋高文虎蓼花洲閒錄云。四川費孝  
志五行類。有軌革祕寶一卷。軌革指迷照膽訣一卷。又善龜類。有易通子周易辨獎。璇璣軌革一卷。軌革金庭玉  
鑑七卷。軌革傳道錄一卷。則知軌革之術。由來久矣。以上高氏說。清德清俞樾茶香室三鈔。按。余嘗謂軌革之  
術。卽易緯稽覽圖。推軌推析之遺。觀易通子  
周易辨獎。璇璣軌革益信矣。蔣。卽析也。

宋

崔尊師名無駮。

敦。音亦。取。讀也。

王氏據蜀。由江夏而來。託以聾聵。誠有道之士也。每觀

人書字。而知其休咎。能察隱伏。逃亡。山藏地祕。生期死限。千重之外。骨肉安否。未  
嘗遺策。時朝賢士庶。奉之如神明。龍興觀道士唐洞卿。令童子以器藏蘿蔔。送杜  
天師光庭。值崔在院門坐。遂乞射覆。崔令童子於地上劃一箇字。童子劃一此字。

崔曰：蘿蔔耳。童子送回，拾一片損梳，置於器中，再乞射覆。崔曰：劃字於地。童子指前來此字。崔曰：梳爾。洞卿怪童子來遲，童子具以崔射覆爲對。洞卿久知崔有道，令童子握空拳，再指此字。崔曰：空拳耳。洞卿親詣崔云：一字而射覆者三，皆不同。非有道詎能及此。崔曰：皆是童子先言，非老夫能知爾。此字象蘿蔔，亦象梳，亦象空拳。何有道耶。崔相字託意指事，皆如此類。

宋江夏黃休復孝客話

宋

謝石，字潤夫，成都人。宣和間，至京師，以相字言人禍福，求相者但隨意書一字，卽就其字離拆而言，無不奇中。名聞九重，上皇因書一朝字，令中貴人持往試之。石見字，卽端視中貴人曰：此非觀察所書也。石據字而言，今日遭遇，卽因此字。黥配遠行，亦此字也。但未敢遽言之耳。中貴人愕然，且謂之曰：但有所據，盡言無懼也。石以手加額曰：朝字離之爲十月十日字，非此月此日所生之天人，當誰書也。一座盡驚。中貴馳奏，翌日召至後苑，令左右及宮嬪書字示之，皆據字論說禍福，俱有精理。錫賚甚厚，并補授承信郎。緣此四方求相者，其門如市。有朝士其室懷

妊過月。手書一也字。令其夫持問於石。是日座客甚衆。石詳視之。謂朝士曰。此閣中所書否。曰。何以言之。曰。也語助辭。因知是公內助所書。尊閣盛年三十一否。曰。是也。以也字上爲三十。下爲一字也。然君官於此。當力謀遷動。而不可得否。曰。正以此撓耳。蓋也著水則爲池。有馬則爲馳。今池邊無水。陸馳無馬。安可動也。又尊閣父母兄弟親人。當無一存者。以也字著人。則是他字。今獨見也字。而不見人。故也。又尊閣其家物產。亦蕩盡否。以也著土。則爲地字。今又不見土也。朝士曰。誠如所言。但此皆非所問者。今賤室以懷妊過月。方竊憂之。所以問耳。石曰。是必十三個月也。以也字中有十字。並兩旁二豎。下一畫。爲十三也。石熟視朝士曰。有一事似涉奇怪。固欲不言。則君所問正決此事。可盡言否。朝士因請其說。石曰。也字著虫。則爲虵字。虵。蛇俗字。見廣韻。今尊閣所妊。殆虵妖也。石亦有薄術。可爲以藥驗之。無苦也。朝士大異其說。因請至家。以藥投之。果下虵百數。而體平。都人益神之。而不知其究挾何術也。秦檜當國時。高宗書一春字。命測之。其上半體墨重。石奏曰。秦頭

太重。壓日無光。檜聞而銜之。中以危法。編管遠州。道遇一老人於山下。亦善測字。石就之。書一謝字求測。老人曰。子於寸言之中立身。術士也。舉掌令更書以下所終。石書一石字。老人曰。凶哉。石遇皮必破。遇卒必碎矣。時押石之卒在傍。而書字在掌中。故云。石大歎服。請老人作字。測爲何如人。老人曰。卽以我爲字可也。石曰。夫人而立山傍。子殆仙哉。乃下拜。願執弟子禮請益。曰。吾術似無減先生。乃先生。褒然仙矣。而茲吾不免塵網何也。老人曰。子以字爲字。吾以身爲字也。嘉慶四川通志藝術

宋

楊艮。蜀人。善議命。游東南公卿間。言頗不碌碌。其得失多以五行爲主。不深信。

珞。瑤。諸書。時韓平原。侂。冑。得君權。震天下。艮曰。是不能令終。夫年壬申金也。且曰。劍鋒不復畏他火。惟丙寅能制之。蓋干支納音俱爲火。而履於木。木實生火。凡人生時主末。今乃遇之。兆已成矣。且其月辛亥。其日己巳。四孟全備。二氣交戰。雖以致大受之福。亦以挺衝擊之災。年運於卯。火爲沐浴。氣微而敗。灰燼鎔竭。不能支矣。然受物也大。非盡其用弗可。一陽將萌。豈其時乎。實且上聲。信也。既而艮言大驗。乃歎。

其神宋孫珂撰史嘉慶  
四川通志藝術

宋 郭從周西川人。精於卜筮。何龍圖中立。初登第。特備縑素求之。從周詩以贈之。云。三字從來月正圓。一麾從此出秦關。錢塘春色濃如酒。貪醉花間臥不還。公後八月十五日。改知制誥。以言邊事。出知秦州。移之杭。乃捐館。何郭君卜筮之明。若此。抑亦以前定而知之也。古今類事卜兆門同  
治成都縣志藝術

宋 郭長孺。成都人。風致閒逸。遇人無貴賤。悉禮下之。然挺拔不倚。終日劇談無戲語。惟好書。丹鉛點勘。不去手。自經史諸子。浮屠黃老。陰陽醫卜之術。皆究其妙。有易解。書解。道德經解。蔬食諸歌詩雜文等書。又作孝行圖。高逸圖。陰陽雜證圖。各爲論述焉。同治成都  
縣志高士

宋 張巖。電。施藥說相。不受人一錢。乃自稱姓錢。以滑稽玩世。忽來告放翁。言將西入蜀。乃書以遺之。他日到青城。大峨眉。霧中鵠鳴。諸名山。見孫思邈。朱桃椎。張四郎。爾朱先生。姚小太尉。譙天授。尹先覺輩。有問放翁安否者。可出此卷。相與一笑。陸宋

游涪南文集

宋 胡廣蜀中士人也。善相術。韓魏公琦父諫議大夫國華嘗仕於蜀。廣見國華而

奇之。曰：是必生貴子。請納女焉。後國華出守泉州。祥符元年戊申歲七月二日生

魏公于泉州。州宅僕與韓氏交游。嘗見諫議胡夫人畫像皆奇偉。宜其生貴子也。

世言魏公世居河朔。故其狀貌奇偉。而有厚重之德。然生於泉州。故爲人亦微任

術數。深不可測。有閩之風。皆其土風然也。聞者以爲然。宋馬永卿懶真子

宋 范思齊成都人。精相人術。將有全州之行。楊文節公萬里以詩贈之云。兩脚那

解上金鑿。兩手只合把釣竿。比身管樂兒時態。已翻九河洗我肝。范生來自浣花

里。眼中之人定誰貴。百鍊未必賢。繞指貴人正要老於事。斜風細雨又春休。落花

啼鳥總春愁。試問談間立封侯。何如百錢拄杖頭。宋楊誠齋集附蜀中相士范思齊

宋 杜需別號篋衣道人。善風鑑。判吉凶如響。斯應。楊誠齋萬里贈以詩云。與子生

疎有底仇。談間容易說封侯。病身更遣冰山倚。野鶴孤雲也替愁。坐來小歇過眉

拄客裏那能滿眼。肯脫簑衣借儂作。鷗邊雨外且江湖。誠齋集贈相士簑衣道人

宋 吳山人談星辰。決人禍福。楊文節公送其詩云。牙籌人手風前快。玉李行天鏡

裏看。紫闥青規吾不夢。子言欲試故應難。然楊公後以寶文閣待制致仕。進寶謨

閣學士。終應吳山人之言。誠齋集送談星辰吳山人

宋 瀛洲先生談命郡城士大夫多信仰之。元舉叔亦往就教。贈詩有云。誰遣談天

太逼真。取憎造物得辭貧。不妨小隱君平肆。戲與人間閱貴人。誠齋集送瀛洲先生談命

宋 陳純成都人。明太素脈。知人吉凶。魏了翁贈序有云。察脈以知吉凶。則於人之

血氣經絡。往來消息之度而得之。較諸他術。最爲切近。如醫緩識二豎子。猶是易

事。至醫和。遂能以君之疾。知而覘其臣。若社稷。況一生之近者乎。陳生挾此以遊

諸公間。數有奇中。其術不爲不精矣。今自遂而歸成都也。遂。即今四川遂寧縣。書此以勉之。山

全集附太素陳純序

元 易鏡。西蜀人。撰寸金易鑑。後有洪武十七年甲子跋語。稱其書爲日者松山得

異人所授。世傳類多舛訛。此本乃楊謙德補註。發明不少。書中以月令爲提綱。案其四柱之五行。配其陰陽。取爲用神。分官財印殺食神傷官六格。察其生旺死絕。定其強弱貴賤。說理頗明。在術家爲平正通達之本也。四庫子部術數類存目二

明

張漢卿。四川人。精於紫微數。游京師。推人休咎。輒奇中。夏閣老尤重之。時禮部

侍郎缺。吏部推翰林餘姚謝公丕。石首張公璧。夏問二公誰有點。對曰。皆有點。五日後旨下。當自見。夏公笑曰。焉有是事。果如期得旨。謝陞禮部侍郎。張陞太常卿。仍兼學士。各轉一官。若皆有點云。遂寧席公春。以禮侍轉少宰。漢卿謂人曰。不出兩旬。席必去位。旣而與汪冢宰鉉有隙。爲其劾奏免歸。纔十八日也。費鉛山赴召。復登首揆。李任邱位其次。從張叩之云。三月閣老。豈久壓公者耶。費一夕暴卒。計入閣至死。九十有一日耳。夏每問徵蘭之期。漢卿依違而已。私語人曰。身且不保。

奚啻無兒。後果遭戮。

明陸延枝說聽

清

劉天文。應都人。字全真。精於堪輿。爲人覓地。價逾五十金。卽不買。安葬後。不計。

同治成都  
縣志藝術

謝貲家極貧。然不趨勢利。不爲誇大之語。以驚人。而所葬之地。卒無有議其非者。

清

王華國字珍羽。灌邑人。性至孝。有遠識。雖貧不廢學。兼習陰陽家言。從不以風水之說惑人。且隱助其貧不能葬者。嘗拾遺金。仍返其人。曾有貧窘欲輕生者。勸解而周卹之。晚年篤於行誼。爲善益力。年三十喪偶。卽不娶。子蓋臣。前瀘州訓導。候選知縣。入籍成都。孫乃斌。安徽同知。曾孫求所。候選教諭。同治成都  
縣志流寓

332

雒縣

漢置。明省。卽今  
四川廣漢縣治。

漢

翟酺字子超。四世傳詩。好老子。尤善圖緯。天文曆算。以報舅讎。當徒日。南亡於兩安。爲卜相工。後牧羊涼州。遇赦還。徵拜議郎。遷侍中。試策第一。拜尙書。時安帝任用列戚。酺上疏諫。寵臣咸畏惡之。出爲酒泉太守。擊斬叛羌。威名大震。遷京兆尹。順帝卽位。遷將作大匠。損省經用。歲息四五千萬。屢因災異。多所匡正。又因酺言。更起太學。開拓房室。學者爲酺立碑。著授神鉤命。解詁十二篇。後漢書  
列傳

漢

折像字伯式。廣漢雒人也。其先張江者。封折侯。曾孫國爲鬱林太守。徙廣漢。因封氏焉。國生像。國有貲財二億。家僮八百人。像幼有仁心。不殺昆蟲。不折萌芽。能通京氏易。好黃老言。及國卒。感多藏厚亡之義。乃散金帛資產。周施親疎。或諫像曰。君三男兩女。孫息盈前。當增益產業。何爲坐致殫竭乎。像曰。昔鬪子文有言。我乃逃禍。非避富也。吾門戶殖財。日久盈滿。咎道家所忌。今世將衰。子又不才。不仁而富。謂之不幸。牆隙而高。其崩必疾也。智者聞之。咸服焉。自知亡日。召賓客九族。飲食辭訣。忽然而終。時年八十四。家無餘資。諸子衰劣如其言云。後書書方術傳

333 崇慶州

漢置江原縣。晉於縣置晉原郡。南朝梁改江原郡。北周廢郡。改縣曰晉原。唐於縣置蜀州。改唐安郡。宋曰蜀州。唐安郡。元曰崇慶州。明初省晉原縣入州。屬四川成都府。清因之。民國改縣。

清

汪文經字建封。灌縣庠生。徙居縣北味江。棄舉子業。專攻天文地理。輿數學。頗爛。推步知州。柴作舟重之。丁艱回黔江。約文經往遊。相度山川形勢。往返數千里。民國

崇慶縣志流寓

334 什邡縣

漢置。高帝封雍齒爲什防侯。(什音十)卽此。故城在今四川什邡縣南。俗呼雍齒城。周改曰方亭。尋省。唐復置。移今治。明清皆屬四川成都府。

清 陶世熙。明末入貢。熟於春秋。好日者。家言崇禎甲申。獻忠寇蜀。逃遵義。後遇一

海兵。授以星盤圖。遂精奇門。多奇中。居十二年。歸李廉楊藩。會執經受春秋業。嘗

語人曰。陶先生學問宏博。尅應奇門。特土苴耳。先生沒。術亦無傳。嘉慶什邡縣志方技

335 雙流縣。漢廣都縣地。隋改置雙流縣。唐復分置廣都縣。元省廣都入雙流。明因之。清併入新津。尋復置。屬四川成都府。左思蜀都賦。帶二川之雙流。縣名以此。

宋 章登。清一統志登。作登。字隱之。雙流人。博通經學。尤長易太玄。著發隱三篇。明用。著索易

之法。知以數寓道之用。三摹九據。始終之變。蜀守以逸民薦。命爲州助教。不就。嘉

祐中。賜號沖退居士。後益以道自裕。尊生養氣。憂喜是非。一不以撓其心形。年七

十六卒。王素爲州。更其所居曰處士里。曰通儒坊。子禊。亦好古學。世有隱德。清一統志四川

省成都府人  
物逸民傳

336 新都縣。漢置。隋改曰興樂。尋省。唐復置新都縣。明清皆屬四川成都府。縣東有故城。蓋漢時舊治。

漢後 楊統。字仲統。廣漢新都人。父春卿。善圖讖學。臨命戒子統曰。吾締裘中。有先祖

所傳祕記。齊音秩。與秩同。書函也。爲漢家用。爾其修之。統感父遺言。服闋。辭家。從犍爲周循。學

習先法。又就同郡鄭伯山受河洛及天文推步之術。建初中爲彭城令。一州大旱。統推陰陽消伏。縣界蒙澤。太守宗湛使統爲郡求雨。亦卽降澍。自是朝廷災異多以訪之。統作家法章句及內讖解說。位至光祿大夫。爲國三老。年九十卒。

後漢書附楊厚傳

慶四川通志藝術

漢後

楊厚字仲桓。統子。厚母與前妻子不相安。厚年九歲託疾不言不食。母知其旨。瞿然改意。恩養加篤。厚少學統業。精力思述。安帝永初二年戊申。厚隨統在京師。鄧太后使中常侍承制問以時政。除爲中郎。尋免歸。順帝時特詔徵厚。因陳蠲法改憲之道。及消伏災異。凡五事。制書褒美。拜議郎。三遷爲侍中。時大將軍梁冀威權傾朝。以車馬珍玩遺厚。欲與相見。厚不答。稱病歸家。屢徵不就。修黃老。教授門生。上名錄者三千。年八十二卒。

後漢書本傳清一統志四川省成都府人物

清

楊鳳庭字瑞虞。號西山。幼負奇姿。讀書過目不忘。六歲就塾。端謹如成人。愛玩周子太極圖說。於陰陽化生萬物之旨。一一皆如夙悟。乾隆丙辰舉於鄉。丁巳會

試不第。奮志研經。並究天文地理。醫卜星象奇門遁甲諸書。爲之窮源溯委。以晰其闢。奧精岐黃術。與人治病。應手輒愈。黃廷桂任川督時。極爲推重。始列薦剡。剡。利也。說力辭乃止。晚年習靜。喜談玄。著有易經解。道德經註。醫學諸書。卜地青城

山中年七十餘卒。學者稱西山先生。民國新都縣志人物

337 溫江縣 漢郫縣與江原縣地。西魏分置溫江縣。隋省。改置萬春縣。尋又省。唐復置萬春縣。改曰溫江。明清皆屬四川成都府。

唐 張道古 臨淄人。臨淄縣。明清皆屬山東青州府。膠濟鐵路經之。少有文詞。慕朱雲梅福之節。景福中舉進士。

釋褐爲著作郎。進右拾遺。上疏言五危二亂七事。責授施州司戶參軍。未幾以補闕徵。由蜀赴闕。陳田之變。乃變姓名。賣卜於溫江。王建聞其名。奏爲節度判官。又上建詩序二亂五危七事。爲同寮所嫉。送茂州安置。開國召爲武部郎中。至玉壘關。謂所親曰。吾唐室諫臣。終不能拳跽與雞犬同食。今雖召還。必須再貶於此。死之日。葬吾於關東不毛之地。題曰唐左補闕張道古墓。至蜀。果不爲時所容。復貶茂州。卒於路。有易題數卷行世。嘉慶四川通志流寓。○早按。張道古既於景福中舉進士。其爲唐人可知。通志載作宋人非是。何光遠鑑戒錄云。及太祖登極。後梁朱晃。每

思其賢。(賢謂道古也。)遣使召之。屢徵不起。復上疏。詞旨是非。帝遂誅之。瘞於五墓之地。鄭雲叟在華山聞之。吟詩哭曰。曾陳章疏許昭皇。撲落西南事可傷。豈使諫臣終屈辱。直疑天道惡忠良。生前賣卜居三蜀。死後馳名遍大唐。誰是亂來修史者。說君須到筆頭忙。又西岳僧貫休哭之曰。清河遊水太愚惑。東觀無人失至公。天上君恩三載隔。鏡中鬢影一時空。(妻亦尋卒。)塵生苦霧蒼茫外。門掩諸孤寂寞中。惆悵斯人又如此。一聲羌笛滿江風。

338 新繁縣 漢置繁縣。北周改新繁。隋省。唐復置。明清皆屬四川成都府。

清 吳繼先。新繁人。通陰陽占驗之學。年七十餘。容色不衰。鬚長五尺許。都統永公

傳見。嗟異。給履襪歸。同治新繁縣志方按

339 郫縣 秦置。明清皆屬四川成都府。縣北有故郫城。華陽國志云。秦張儀與張若城郫城。

清 郭卜。郫東里。欒子園人。五世以筮傳。卜與兄綸。尤神異。綸曰。異人豈可共處一隅。迺徙宇重慶。鄉隣童子有病者。無他苦。惟時狂發。則馮水。就其深不濡。緣木。凌其杪不墜。入戲園。則陟而趾人肩。博之轉踵他肩。觀場者哄而駭。益躍然。轉不已。百治不效。一日往問。卜曰。是腰有骨如璧。迺上世墟墓間神物。去當無恙。執而索之。有佩如象環焉。自是愈。卜名噪甚。會邑有重囚逸。捕弗能得。限逾。令當免。邀

卜入問。卜灼龜。訖曰。某術淺。不足以知之。官遣幹役至渝。問卜兄綸。且有驗。令以其謬。遣出。然無可謀者。不得已如所戒。及役至渝。日已暝。趨往問綸。綸曰。若以吾弟之命來問卜乎。卜不宜夕。詰朝其可耳。役宿寓。展轉不能寐。黎明卽往候綸。綸出曰。予尙未沐也。若可暫至朝天門外。渝城南門路南酒家。有少女當鑪者。酒甘美。卯飲來。予爲汝卜。役再問。綸色然怒。迺之酒家。果有少女。方滌器。男子爇煤於熾。役入。男子揚目視。駭而起。役遽前搏執之。蓋囚前逸至渝。變姓名。娶人嫠婦。並有其女。列肆行沽。己三年矣。遂以囚歸。卜神異類如此。蜀郭孫鎮石文鈔

郭卜與其兄綸傳

唐後

340

彭縣漢晉繁縣地。南朝宋置南晉壽郡。及晉壽縣。梁置東益州。北周廢州改郡縣。俱曰九隴。隋廢郡。唐置彭州。改漢陽郡。尋復曰彭州。元省九隴縣入州。明初降州爲縣。屬四川成都府。清并入新繁縣。尋復置。

安法尙道士善相。時有彭門范禹偁。少不檢。以飛走爲事。法尙訪之曰。子國家名器也。何不讀書以取祿位。須是改易姓名。必及第焉。候至成年。後歸本姓。善自保愛。范感其言。因人丹景山讀書。乃改姓張。舊名鏐。改禹偁。是時蜀無科場。遂吏書入洛。長興二年辛卯。於考功廬華下及第。歸蜀。授監察御史。果於成年復歸舊

姓。上蜀丞相狀云。昔遇至人。令易本姓。往年金榜。徒誤張祿之名。今日玉除。元是

范增之裔。禹偁後終於翰林學士。

古今類事相光門引該聞錄

宋 丁文泰彭門人。

在四川彭縣西北

司天春官正。精陶隱居。三命言災福多驗。李虞部改

田治也景祐二年乙亥。赴南省試。訪詢之。丁曰。子之命金水正在高強。金水必主文。

學。然凡五星雖得位。以時占之。則有順有伏。有逆。子之命水在日前爲伏。但有聲。

無實。若順則有科名也。改問逆又何如。曰。雖在宮分得力。而多患難。又謂改曰。子

雖無科名。而官至五品。壽僅百年。改後南省試。天得一以清賦。破題云。沖者道之

用也。氣者一之本焉。一既生於無體。清亦出於先天。是年過省。至御前試。後切聞

復考官。將改家狀。與彼親之家狀。互黏於卷上。其年未有彌封之制彼親尋及第一。命授職官

卒。改今員外郎致仕。爵上護軍。年已耄期矣。丁生之言。何神驗如是。古今類事卜兆門

清

趙廷棟。字玉材。直隸磁州人。精堪輿之術。乾隆四十二年丁酉。官四川天全州。州判。會丁母憂。養疴避喧於彭。邑令謝生晉。延請詳閱縣治。改修衙署。移南城門。

開小北門。先是彭邑數科無中式者。迨改造畢。頓見科第聯翩。關音攝。關鳥。豈風

水之說信歟。乾隆丙午。著有陽宅三要。地理五訣二書。嘉慶彭縣志藝術光緒河北廣平府志藝術

341 蘇州。西魏置。州巴西郡。隋初廢郡。改置州曰蘇州。後爲金山郡。唐復曰蘇州。改爲巴西郡。後復爲蘇州。宋元明仍之。清乾隆三十五年。移州治於羅江縣。尋復舊。直隸四川省。民國又改蘇州爲蘇陽縣。城濱

洛江西岸。爲水陸之衝。自  
開關而南至此。地勢始平。

清 馬茂才。乾廩子。興晉。祖阮。孝泉人。庠生。精京房易占卜奇驗。人以半仙稱之。同治蘇州志方

技

清 何馥堂。清儒士。隱於卜。居蘇彰接壤之蘇溪溝。人莫能知。光緒中。彰明獄繫一

囚。法當斬。典守者不慎。其囚越獄潛逃。縣令張協會。延何於署。使卜之。何曰。使君勿憂。七日內其囚必獲。後果驗。

清 姜高。教諭。新伯子。庠生。習堪輿。精選擇。嘉慶五年庚申。修復州城。度基址。定方

位。悉以委生。旁及廟壇衙署諸興作。相宅稽疑。始終其事。刺史劉慕陔。甚禮敬之。

清 譚德政。字子惠。三台人。善風鑑。尤善書法。性恬淡。不慕榮利。酷嗜酒。醉後輒肆

譏彈。不爲里鄰所容。遂遷於縣。頓改前轍。性復和藹。里鄰之卜宅兆求文聯者。日踵其門。所獲潤貲。毫不存儲。居數十年。家徒四壁。卒後。里人助貲厚葬之。

以上民國  
縣志

按方

342 德陽縣

漢置縣。竹縣。北周廢。唐改置德陽縣。元升爲德州。復爲縣。清屬四川縣州。

清

馬元榜。德陽諸生。精京房易。有奇驗。乾隆戊寅三月朔。張沛霖家失一牛。卜曰。

牛乃走失。非被竊也。越五日。向東行於板橋頭。候之。見有持傘婦。與其夫同行。後隨一犬。由板橋渡河而北者。汝急詢其婦。有內戚王監生者。至其家問之。牛可得也。張如其說。往候之。果有持傘夫婦。犬隨之而來。遂躡之。問內戚王監生。婦答曰。沿河行。約二里。卽是也。張往謁。備述所以。王詫曰。牛未見也。何前驗而後不驗也。憮然而返。數日。王使人來曰。吾有田疇在中江。今個人來告。隴畔得一牛。試往視之。果已所失牛也。佃遂歸之。

嘉慶四川  
通志藝術

343 綿竹縣

漢置。北周廢。故城在今四川德陽縣北。清一統志云。自古爲由滄入成都。必經之要道。又爲涪江所經。當在今縣州德陽之間。隋改德縣爲縣竹。後又改置爲縣竹。皆非故地也。清屬四川縣州。

漢後

董扶字茂安綿竹人少游太學與任安齊名俱事同郡楊厚學圖讖前後宰府十辟公車三徵再舉賢良方正博士有道皆稱疾不就靈帝時大將軍何進薦扶徵拜侍中甚見器重扶私謂太常劉焉曰京師將亂益州分野有天子氣焉信之遂求爲益州牧扶亦爲蜀郡屬國都尉相與入蜀後一歲帝崩天下大亂乃去官還家年八十二卒後劉備稱天子於蜀皆如扶言蜀丞相諸葛亮問廣漢秦宓董扶及任安所長宓曰董扶褒秋毫之善貶纖介之惡任安記人之善忘人之過云

後漢書方術嘉慶  
四川通志藝術

漢後

任安字定祖綿竹人少遊太學受孟氏易兼通數經又從同郡楊厚學圖緯究極其術時人稱曰欲知仲桓問任安又曰居今行古任定祖學終還家教授諸生自遠而至初仕州郡後太尉再辟除博士公車徵皆稱疾不就年七十九建安七年壬午卒於家

後漢書  
儒林

宋 甘節綿竹縣人精於數言無不中常恐薦入於臺每見人輒以鄉音接之賊亂

雷太尉召使隨軍。一日忽言曰：太尉少避。有賊出。雷走避良久。賊果自地道出。微

節言。幾不免。

嘉慶四川通志藝術

宋

張煦字輔暘。開封人。能明術數。善相宅。時稱其精妙。天禧三年己未。拜西上閣

門使。徙并代黔轄。以老疾求近郡。得知磁州。四年卒。年七十三。

宋史列傳嘉慶四川通志藝術

宋

張棖字敬夫。一字樂齋。綿竹人。遷居衡陽。丞相浚子也。穎悟夙成。浚愛之。自幼

學所教。莫非仁義忠孝之實。長師胡宏。宏一見卽以孔門論仁愛親切之旨告之。

棖退而思。若有得焉。宏稱之曰：聖門有人矣。棖益自奮厲。以古聖賢自期。累官吏

部侍郎。右文殿修撰。卒時年四十有八。諡宣公。學者稱南軒先生。著有南軒易說

等書。

宋史道學○太平清話云：張南軒知星命。乃判朱晦翁官多祿少四字。晦翁點首云：老漢生平辭官文字甚多。

清

張易微字潤生。幼貧孤。爲寺僧寫經。恆終夜讀。潛心易學。後棄書傭。賣卜東郊。

多奇驗。然頗借卜筮。警勸人善惡。羅江計恬嘗稱之。著有卜餘偶鈔。

清

王大鵬。邑北笱箕灘人。業星命。堪輿。咸豐庚申。李逆跡得之。問有帝王命否。鵬

曰。帝王自有真。賊胡可望。又囑與死者求葬地。鵬曰。賊也。何葬爲。遂遇害。

以上民國  
綿竹縣志

物人

344

梓潼縣

漢置。以縣東倚梓林。西枕潼水。爲名。西魏移縣於梓潼郡南三十里。改爲安壽縣。隋移縣復舊治。猶以安壽爲名。尋還名梓潼。清屬四川綿州。

漢後

景鸞。字漢伯。梓潼人。少隨師學。涉七州之地。能理齊詩。施氏易。兼受河洛圖緯。

作易說。及詩解文句。兼取河洛。以類相從。名爲交集。又撰禮內外記。號曰禮略。又抄風角雜書。列其占驗。作輿道一篇。及作月令章句。所著述五十餘萬言。數上書

陳救災變之術。州郡辟。命不就。以壽終。後漢書  
儒林

345

江津縣

漢江州縣地。西魏分置江陽縣。隋改曰江津。以江之津爲名。故治在今江津縣西南。宋徙今治。明清皆屬四川重慶府嘉。

元

鄒公敢。江津人。博學。通天文。元末。與趙天澤、劉伯溫友善。每觀天象。三人共長

歎。及伯溫佐命。公敢南歸。易名公瑾。居真州。號保全居士。晚號知命翁。有保全知

命二集。

嘉慶四川  
通志隱逸

346

永川縣

本唐璧山縣地。唐分置永川縣。元省入大足。明復置。屬四川重慶府。清因之。

清 周景衡、宿儒。精青烏術。相地吉凶不爽。薨年撰地理集成三卷。以授生徒。今多傳其術者。

清 李瓊芳。增生。精習堪輿。通天星六壬奇門遁甲諸書。多著奇驗。

清 周鳳儀。幼業儒。厄於進取。遂篤志堪輿。匯諸家說。折衷一是。足跡所至。卽一邱一壑。靡不得其真趣。遠近求卜地者。日應接不暇。年八十猶能健步窮幽。

清 李繼香。積學未遇。精堪輿。同治初元。邑修衙署。定方位及選年月日時。悉出其手。輿論翕然。蓋天文歷象諸書。獨得祕旨故也。以上光緒永川縣志技藝

347 南川縣。周隋巴縣地。唐分置隆化縣。改曰賓化。宋初復曰隆化。元改置南川縣。明清皆屬四川重慶府。

清 金大煜。綦江人。嘗在萬盛場演禽課法。以竹籤二十八根。書二十八宿名。以一

籤書甲子。又以多數紙捲。各書一字。令人各拈其一。以占所欲問之事。無不應驗。

其術傳自石蘊齋。蘊齋得自某。其人先在石達開軍中。卜石當敗。逃出。民國南川縣志占驗

348 璧山縣。漢江州縣地。隋爲江津巴二縣。唐分置璧山縣。宋因之。元省入巴縣。明復置。清屬四川重慶府。

明

金道人，字鳳彩，號陽純，楚黃人。本姓張，名經一。乾隆間來游於蜀，寓璧邑依里李姓家，遂館焉。形質古樸，淹通經史。學者多從之遊，尤精於數。人有以吉凶禍福詢者，悉驗。年九十六卒。同治癸山縣志流寓

太平御覽卷十八，帝系譜載伏犧人頭蛇身，以十月四日人定時生。宋吳僧能改齋漫錄五行無絕之之理，蓋本於京房易傳寫之誤耳。京氏曰四絕，已爲水土絕，申爲木絕，亥爲火絕，寅爲金絕，絕乃系包字，兩字合爲一耳。唐左拾遺李鼎祚所修梁元帝陳樂產，唐呂才六壬書名連珠集，其論五行之所始終，水系包在巳，火系包在亥，木系包在申，金系包在寅，凡已申亥寅各稱系包，蓋五行既墓，其生也必有萌芽以先之，故始有所系，而繼之以胎，以明無絕之之理。清德清俞樾茶香室續鈔按此說可信，願與精斯術者參之。

文獻通考宗廟考太昊葬宛丘在陳州。

又祭法夫聖王之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之。

杭辛齋學易筆談西教士易說篇云西教士花之安氏頗注意於中國之經籍曾著自西徂東一書謂畫卦之伏犧乃巴比倫人巴比倫高原爲西洋文化策源地伏犧八卦以乾爲天以坤爲地至今巴比倫人猶稱天爲乾稱坤爲地此一證也又巴比倫亦有十二屬相與中國之十二辰大略相同此二證也。

晉摯虞太常集庖犧贊曰昔在上古惟德居位庖犧作王世尙醇懿設卦分象開物紀類施罟設網人用不匱。

# 中國歷代卜人傳卷二十

潤德堂叢書之八

## 四川省二

鎮江袁阜樹珊編次

349

涪州 戰國楚枳邑。漢置枳縣。隋改曰涪陵縣。唐於縣置涪州。尋曰涪陵郡。宋曰涪州涪陵郡。元以州治涪陵縣。省入。明屬四川重慶府。清因之。民國改州爲涪陵縣。○涪。晉浮。

宋 譙定字天授涪陵人學易於郭彙氏郭彙氏世家南平巴縣治。始祖在漢爲君

平師世傳易學蓋象數之學也定聞程頤講易於洛往學焉遂得聞精義而歸初

頤與兄顥依父垌垌晉屬涪野也宦游成都見治篋籊桶者挾册視之易也欲致詰篋

者先曰若嘗學此乎因指未濟男之窮發問二程遜而問之則曰三陽皆失位兄

弟渙然有省其後聞人袁滋問易頤曰易學在蜀滋入蜀見賣醬薛翁於眉邛間

邛晉置多韻邛州今爲眉○宋史隱逸與語大有所得郭彙氏篋叟醬翁皆蜀之隱君子也○明四村

山縣邛州今爲邛崃縣

歷代卜人傳

卷二十

四川二

一

而然耶。傳曰：禮失求諸野。蓋言世之行禮者太文而失真，反不若野雜質樸，而古意猶存也。然則歷取易於蜀之隱人者，無乃求禮於野之謂歟。

清 周儼舉人人祀忠義孝友祠。本不以方技之學重。然於堪輿家言實有神悟。應驗如響。至今崇拜不衰。

清

施晟。晟，晉盛，敬頤，晉成，庚頤，明也。日光充盛也。字克昌。博通星象。堪輿之學尤達於醫理。以施診濟人。

不受資。知州李忻有老親病殆。聞其名。延治得愈。自書神乎其技。匾額以贈。以上民國涪陵

縣志方技

350

合州。漢置壘江縣。西魏改曰香鏡。於縣置合州。隋改合州曰涪州。唐復曰合州。宋改曰石照。元復爲合州。明初以州治石照縣。省入。屬四川重慶府。清因之。民國改州爲合川縣。

清

唐文錦。字純齋。州東里獅灘場人。幼讀書。能屬文。弱冠應童子試。垂老不售。一

夕夢入場。題爲君子之道者三。揭曉獲僑。報至而醒。自是屢試不輟。光緒六年庚

辰。陳懋侯督川學。文錦入試。坐號爲道三。心竊自喜。榜出見取入州庠。爲附生。年

六十矣。家無儋石儲。而精通星卜之術。尤長于堪輿學。嘗賣卜州城。城隍廟百無

一爽。聞者帖然。北城陳永耀。舊家也。其妻周死。葬某所。既窆。而永耀病風。行止語

言俱狂妄不可思議。其家爲謁醫巫十數易人。訖無效。或以文錦薦。旣至其地。相之曰。是有殺而受風。宜及此也。爲改卜地葬之。卽日永耀病愈。旋親齋重金花紅扁聯以謝。齋音講。特以與人。一時轟傳。文錦爲地仙矣。後卒窮悴以死。年七十餘。

清

周禮字制宜。原名定禮。州城內青竹灣人。幼慧能讀。年十八。父故廢學。理家政。特留心堪輿。得吳雲亭授以形家學。後又得涪州舒紫垣法。於是博稽往籍。覆驗名墳。足跡所至。上而廣岳順慶。下而重慶鄆涪。旁及銅安定遠。參訪實證。一旦豁然。乃知尋龍點穴。當以撼龍疑龍。山水性情。形勢爲主。而喝形象。辨星體。五行生剋。在所不取也。有生成之山。自有生成之向。羅經爲定方位。便選擇。就地剪裁之用。而理氣卦氣。談玄說空。在所必斥也。造命補龍。扶山相主。一遵前清協紀辨方。扶擇精審。而七政斗首。烏兔太陽。亦所不用也。崇正闢謬。久而愈精。著仁知格言。稿多散失。今存首卷。有自敘及涪州賀守典序言在焉。後增格物說一篇。亦見其學有本源也。

清 曠超凡。字相山。州永里南津街人。本貫湖南衡山縣。以性愛山水之故。聞勝蹟名區。必往從尋覽。因究心堪輿學。別有冥契。嘉慶間。遷川之大足縣。未久。來州卜居。遂定家焉。超凡學術雜博。不名一家。凡醫卜星相。幽經怪牒之屬。靡不閱覽。而擊究之。往往得其菁華。貫串成書。自祕爲枕中鴻寶。不輕以示人。惟堪輿之學。請業者衆。僅有傳抄之本。不足供授受。特就平生足跡所到。心目所明。撰爲相山撮要二卷。尋龍點穴圖繪燦然。講堪輿者。多南針奉之。大足舉人梁慶遠。尤相欽重。贈以詩云。踏破芒屨老眼穿。飽看山水足前緣。目光到處靈光露。不是天仙是地仙。爲訪真源萬里遊。東南佳氣一囊收。金丹若遂初來意。知住三山知十州。其傾倒可想也。超凡年七十四。終於家。子安一。字吉堂。孫鼎元。字良村。武生。並以地理名其家。

清 熊德謙。字自牧。一字吉士。幼警敏。有大志。讀經史。識機要。不屑屑于詞章訓詁。視科第蔑如也。然卒困于童子軍。乃絕志名場。專肆力于天文地理兵學禽遁諸

書聞有奇人可師友者。雖千里必造訪之。不十年。洞識源委。談古今得失成敗。如數家珍。頗思得一當以顯其用。而時方承平。無所事事。遂以課蒙自晦。無何粵逆煽亂。蹂躪遍海內。蔓及川中。德謙曰。吾志可展矣。遂投筆從戎。去以白衣參水師某軍。無所知名。後還辦渝防。有以髮逆竄亂爲慮者。德謙卜曰。無慮。不久當自敗。果驗。南漕地鄰銅壁兩界。土匪張五麻子擾八塘。漕人大恐。謀遷徙。德謙曰。卦吉。勿恐。賊果不及漕境。同治辛未春。有戚某來賀歲。德謙曰。汝居濱水乎。曰然。曰。謹備之。今歲有大水。麥禾皆宜早收。穫蓋藏。勿近水家。輜重亦稍稍遙遠之。遂與移同否則損失矣。某戚信之。得無害。亦有妄其言者。晚禾無收。物畜存不及半焉。德謙嘗謂數者天定勝人者也。而人定亦可勝天。聖賢學問。舉不外此。泥數違理。事反無成。唯以理消息之而已。以上民國合川縣志方術

351

奉節縣

春秋時。庸國之魚邑。漢置魚復縣。三國蜀。改曰永安。晉復曰魚復。四魏改曰人復。唐改曰奉節。故城在今四川奉節縣東北。宋徙今治。明清皆爲四川夔州府治。地當川鄂交通要衝。扼三峽之西

口。爲全蜀第一重門戶。城依山建築。登岸者歷二百餘級。始達城門。街衢湖達。繁富稍遜於巴縣。

宋

王立政爲夔州太守。善風鑑。楊旬

州人

僅作夔州推官。心慈好善。處事正直。立

政見其五岳朝拱。四水深秀。鬚長及腹。毫光露彩。兩眉過眼。照映地閣。陰隲紋現於子宮。主子貴孫榮。詢以何修得此。旬曰。予奉公守法。四十餘年。不積貲產。惟積陰德。遂出示三箇錦囊。第一錦囊。積得九十九文大錢。第二錦囊。積得百餘文中錢。第三錦囊。積得萬餘文小錢。立政問故。旬曰。每訊罪囚案件。或被誣枉。或吏役受贓。以輕作重。故入人罪。必小心平反。斟酌盡善。無罪者卽行開釋。或至死罪。情有可矜者。改爲遠流。投一大錢。或致流罪。情有可原者。改爲徒杖。投一中錢。或罪至徒杖。情少可恕者。卽薄責示儆。投一小錢。如情真罪確。按律辦詳。總以不使枉死鬼含冤爲主。其他濟人利物之事。量力爲之。別無他善。立政聞之。肅然起敬。後其子楊椿。大魁天下。

楊椿。舉官憲節。後以不附秦檜。罷政家居。紹興末。始自兵部尙書。兼權翰林學士。除參知政事。卒諡文安。

生孫三人。兩入詞林。

一作縣令。

相法證驗

552

開縣

後漢置漢豐縣。晉廢。後復置。四魏改曰永寧。隋改曰盛山。於縣置萬州。唐改曰開州。明改州爲縣。屬四川夔州府。清因之。

明 徐鸞、開縣人。幼業儒。深明易理。居茆村。善卜。林大中丞徵入幕府。占休咎。無不應驗。每出師。因以制勝。治家有禮。餘財濟貧。鄉人德之。咸豐開縣志隱逸

353 犬寧縣 宋置大寧監。元爲州。明改縣。屬四川夔州府。民國改爲巫溪縣。

清 尹克海、居邑之青莊坪。苦心學易。遂通醫卜。爲人治疾決疑。常有奇驗。其婦尤賢而好善。嘗手製樓衣履。以遺貧乏。後夫婦偕臻上壽。父子相承。專以醫學世其家。光緒大寧縣志隱逸

354 新寧縣 西魏置。故城在今四川開江縣西北。隋廢。唐復置。移今開江縣東三十里。宋徙新安市。即今開江縣治。清屬四川綏定府。民國改爲開江縣。

明 熊士傑、新寧人。幼嗜學。通曉經史。及百家醫卜。諸書隱居高尚。著有吟稿。嘉慶四川通志

逸叢

355 大竹縣 漢宕渠縣地。南朝梁置。屬山縣。隋廢。唐置漢山縣。元並入大竹。移大竹縣來治。即今縣也。

清 傅良辰、字潛齋。楚漢陽人。少從關中李二曲先生遊。得性中之學。喜讀易。善卜筮。推步之術。所著有困學錄。大學解。遊至竹。庠生朱經、徐開來、延之講學。數年而

返。

民國大竹縣志流寓

356

忠州 漢置臨江縣。南朝梁置臨江郡。西魏置臨江州。隋州郡並廢。尋復置臨江州。唐改曰忠州。以地邊巴

明 任昇 號長祥居士。咸淳府尹。任忠言。遠孫好學。精於星術。不求仕進。

清 熊應雄 字際可。郡諸生。幼精袁天綱、李虛中術。康熙初年。佐杭中丞。平定吳逆。

餘燼。議敘功。責任青田縣知縣。遷西隆州知州。以上同治忠州志方技

357

酆都縣 後漢置平都縣。三國蜀省。齊置酆都縣。明初改置曰酆。清屬四川忠州。

清 曾神仙 酆都農家子。逸其名。以其善卜。人稱爲神仙。自言四十歲後。遊峨眉。病臥山麓。有道人視之。曰。汝有道根。可教也。出丸藥療之。口授以醫卜術。醫不盡效。獨神於卜。必引周易爲斷。能解卦德。卦體。卦義。口舉其詞。而字不甚識也。又能以卦配人生。命決其富貴壽夭。高家鎮有女子。遺其簪。母撻之。將投江。曾卜之云。簪在陶人家。索之弗得。咸咎曾。曾徑往陶人家。指一甕曰。簪在是耳。探之果得。甲與乙共貿易。失錢八千。甲詣曾卜之。曾曰。吾言之。則恐妨人命。甲固請。更曰。能救盜。

吾乃言。甲諾之。且矢誓。曾曰。盜錢者乙之第三子也。錢在某廟空棺中。僅去四百枚耳。跡之。果得七千六百枚。乙怒其子。繫諸室。夜將殺之。甲賂鄰媪。穴壁使遁。其占驗多類此。年八十餘。步履如飛。祕其術。不傳於人。至九十餘歲而卒。嘉慶四川通志藝術

358

秀山縣 三國蜀爲西陽縣地。後沒於蠻。元爲西陽州地。明西陽宣慰司地。清置秀山縣。屬四川西陽州。西有高秀山。縣因以名。

清

雲鼎秀山崇林寺僧。嘗以藥濟人。通知數術。凡乞藥者。能知其病之吉凶。其予

藥者。服之無不效。或不起。卽不予藥。孩提有疾者。遇之。以手摩其頂。輒愈。後集衆

說偈而逝。

嘉慶四川通志藝術

359

會理州 漢置會無縣。隋齊時。沒於獠蠻。唐改置會川縣。後沒於南詔。置會川郡督府。又號清寧郡。宋時屬大理。仍曰會川府。元內附。置會川路。又置會理州屬之。尋於路治置武安州。明仍曰會川府。後廢

會理州。改置會川衛。清復分衛地。置會理州。尋省衛。改會理州來治。屬四川寧遠府。民國改爲縣。

清

褚秉中。號春山。直隸人。雲南鹽井渡巡檢。精堪輿之學。凡選擇修造。如其言。輒

奇驗。滇人有褚半仙之目。

清

晏寅清。號東臣。雲南昆明布衣。能詩古文。工草書。作尺幅大字。善畫菊竹梅蘭。

石。雪竹、雪梅、更增精妙。其餘天文、地理、卜、書、卦、命、靡不通曉。家貧耳聾。性落落寡交。惟以書畫自娛。年七十餘。性如野鶴。貌若寒松。簞瓢屢空。晏如也。臨終自題輓聯云。這回來的忙。今日去的好。生既無所樂。死亦何所憂。惜無子。一女絕慧。女工精巧絕倫。適同鄉燕氏子。以上同治會理縣志流寓

360

樂山縣

北周置平羌縣。隋改曰峨眉。又改名青衣。又改曰龍游。宋改曰嘉祥。後復爲龍游。明省。清雍正十一年。復置樂山縣。爲四川嘉定府治。地富青衣江大渡河。與岷江合流處。水路交通。至爲便利。由

青衣江掘雅安一帶之貿易。自岷江吞吐上下流之貨物。商業之盛。居岷江流域第一位。白蠟及絲綢爲輸出貨之大宗。清光緒二十九年。英法淺水兵艦。曾由岷江口上駛。直抵城下。

宋

史延壽嘉州人

即今樂山縣

以善相遊京師。貴人爭延之。視貴賤如一。坐輒箕踞。爾我

人號曰史不拘。又曰史我。呂文靖公嘗邀之。延壽至。怒闈者不開門。批之。闈者曰。此相公宅。雖侍臣亦就客次。延壽曰。彼來者皆有求於相公。我無求於相公。相公自欲見我耳。不開門。我竟還矣。闈者走白公。開門迎之。延壽挾術以遊。無心於用舍。故能自重如此。嘉慶四川通志藝術

沈鏡堂峨眉龍池人。前清千總。曉數術。能識晴雨及未來事之吉凶。惜其術不

傳年五十一卒。葬於洛都山西坡。民國樂山縣志技術

361 峨眉縣 漢南安縣地。隋置峨眉縣。縣枕峨眉山東麓。故名。清屬四川嘉定府。

漢 陳芳慶乃白玉遠祖。好術數。得墨子五行祕書。及白虎七變之法。由東武入峨

嵎山。不知所終。後玉有感遇詩。載山志內。乾嘉峨眉縣志隱逸

362 夾江縣 漢南安縣地。隋於湔上置夾江縣。在今縣北八十里。臨江水。故號夾江。唐徙今治。清屬四川嘉定府。

蜀前 孫雄字卯齋。夾江人。言事多驗。亞於何奎。後主歸唐。時宦者宋愈昭暨諸從人。

叩往洛吉凶。雄俛首曰。諸官識之。此去無災無福。但行及野狐泉。新舊使頭。皆不見矣。逮後主羅秦川之禍。莊宗亦遇鄴都之變。皆其地也。悉如雄所言。嘉慶四川通志藝術

363 犍爲縣 北周置武陽縣。隋改爲犍爲。舊治大鵬山下。武陽故城。五代曾撥叛。移於江西岸。宋徙今治。清屬四川嘉定府。

清 朱姓卜者。隱其名。犍之南鄉人也。清咸豐中。滇氛起。避兵來城。賣卜度日。決人休咎。頗驗。自號不奉承。喜談詩。邑人士問卜。以詩抵值。則甚喜。邑庠袁新垠詩人也。往問卜。給之貲。不受。笑曰。君不能詩耶。袁卽口占一律酬之。兩情甚洽。後不知

所終。詩云。不住山林住市廛。疎簾隱隱隔爐煙。考亭畢竟遺風遠。卜肆公然絕技傳。我愛支機纔問石。君貪注易肯停編。滿城多少新詩句。都當先生潤筆錢。嘉慶健為縣志

紀外

364 榮縣 唐置旭川縣。移榮州治此。宋改旭川曰榮德。升榮州爲紹熙府。後廢。元末復置榮州。明降州爲榮縣。清屬四川嘉定府。

清 吳鎮川。字北華。設教三十餘年。終日危坐。晝不寢。暑不袒。家中資而貧乏者。輒調卹。力不給。則醴資助之。兼習醫。及青烏家言。窮者助之藥。葬親者爲之相地。光緒中。詔舉孝廉方正。或謂宜執贄於官。鎮川曰。曾是孝廉方正。而可贄取乎。緒光

榮縣志  
人物

365 威遠縣 漢資中縣地。隋置威遠。後改爲縣。元明清皆省而復置。舊屬四川嘉定府。

清 倪象惇。字厚菴。邑庠生。潛心天文易象之學。絕意仕進。胞兄象愷。任福建臺灣道。惇獨家居養母。友教一方。著易象傳說。乾隆威遠縣志隱逸

366 眉州 南朝梁置青州。後魏改曰眉州。北周又曰嘉州。隋改曰眉州。唐改爲通義郡。元曰眉州。明降州爲眉縣。復升爲州。清因之。直隸四川省。民國改州爲眉山縣。

宋 楊坤眉州人。通陰陽之學。垂簾賣卜。臨邛魏了翁爲文贈之。曰：開禧二年丙寅。

余自館職補外。普人

宋曰劍州普安郡。卽今四川劍閣縣治。

何大圭善論太乙數。謂余曰：子姑待之。蜀且

有亂。余行至巴峽間。而大圭之言驗。迨安公以戮曦聞。余始還里。蜀人往往能道

曦未授首時事。謂眉人有楊坤者。能先事言之。今觀安公所題。果信前聞之不誣

也。

吳曦爲四川宣撫副使。曦受金人詔。僞號建官。稱臣於金。以安丙爲丞相長史。丙陰圖之。遂與楊巨源等謀誅曦。曦潛位凡四十一日。詳見宋史安丙傳。

天下之生久矣。一治

一亂。蓋氣數屈信之變使然。有不容己者。雖天之愛人。不能使之常治而無亂。然

必爲之生才以擬其亂。國雖靡止。或聖或否。民雖靡盬。或哲或謀。或肅或艾。是理

之在世間。蓋瞭然若此。而士之曠曠者。往往一術士之不若。其至辱身喪節。吁。其

可嘆矣。夫撫卷慨然。書而歸諸紳。

宋魏了翁鶴山全集。附術士楊坤序。

宋 蔣山人善堪輿。蘇老泉之祖白蓮道人。遇蔣山人示葬地。命取燈一盞。然於其

所。雖四面風來。此燈凝然不動。曰：此正穴也。

嘉慶四川通志藝術。

宋 蘇軾字子瞻。眉山人。博通經史。嘉祐中試禮部。歐陽修擢置第二。曰：吾當避此

人出一頭地。元祐中，累官翰林學士，兼侍讀。紹聖中，累貶瓊州別駕，赦還。提舉玉局觀。復朝奉郎。建中靖國初，卒於常州。年六十六。諡文忠。著蘇氏易傳。論語說。仇

池筆記。東坡志林。東坡全集。凡數百卷。

志林云：隨道士惟忠，字子厚，眉山人，好丹藥，通術數，能詩，蕭然有出塵之表。久客江南，無知之者。予昔在齊安，燕

相從游，因是謂子由高安。子由大賞其詩，會吳適之過彼，遂與俱來惠州。又云：戊寅十月五日，以久不得子由書，憂不放心，以周易筮之，遇渙之三爻，初六變中孚，其辭曰：用拯馬壯吉。中孚之九二變爲益，其辭曰：鳴鶴在陰，其子和之，我有好爵，吾與爾靡之。益之初六，變爲家人，其辭曰：益之用凶事，無咎，有中孚行，告公用圭。家人之辭曰：家人利女貞。象曰：風自火出，家人君子，以言有物而行有常也。吾考此卦極精詳，口以授過，又書而藏之。珣按：適即公之第三子。○清金祖望年華錄：載東坡在嶺外，是年六十五歲，爲徽宗初即位，歲庚辰。正月朔日，祀饗黃中曰：歲次庚辰，朔日戊辰，是日時辰，則丙辰也。三辰一戊，四土會焉。丙土母而庚其子也。土之富，未有過於斯時，吾當以斯時謹饗黃中之法，非論居嶺外，安得此慶耶。珣按：觀此二則，公不獨明卜筮之學，且精星命術也。

367 邛州

南朝梁置邛州，魏置臨邛郡，隋州郡俱廢。唐復置邛州，在今四川邛崃縣東南。宋元皆曰邛州。明降州爲邛縣。清因之。屬四川省。民國改州爲邛崃縣。○邛音蠶，冬韻。

宋 張行成，字文饒，一作子饒。臨邛人。由成都路鈐轄司幹辦公事，丐祠歸。杜門十

年，著書七十九卷。乾道中，表進其書。除直徽猷閣。官至兵部郎中。汪應辰帥蜀，薦

其有捐軀殉國之忠，而又善於理財。學者稱爲觀物先生。撰皇極經世索隱二卷。

行成於邵子之學，用力頗深。以伯溫之解於象數未詳，復爲推衍其義。故曰索隱。

又撰皇極經世觀物外篇衍義九卷。上三篇皆言數。中三篇皆言象。下三篇皆言理。又撰易通變四十卷。其說取陳搏至邵子所傳先天卦數等十四圖。敷衍解釋。以通其變。故謂之通變。其自序謂康節之學。主於交泰既濟二圖。而二圖尤以占氣爲根柢。參伍錯綜以求之。而運世之否泰。人物之盛衰。皆莫能外。又有翼元等書。

四庫子部術數類  
一邛州志方技

368

大邑縣

漢江原縣地。晉以後爲晉原縣地。唐析置大邑縣。縣在鶴鳴山東。其邑廣大。遂以爲名。清屬四川邛州。

明

劉公

名失

蜀邛大邑人。崇禎辛未進士。由司理累官兵部郎中。嘗讞大獄。陳時事。

再忤莊烈帝。特命謫官。甲申年春三月丙午。賊李自成陷京師。莊烈帝死社稷。越日出殯東華門外。劉公擊踊號呼以前。哭三日。無停聲。僕邱文求索數日。以歸。昏然迷人事。越日而蘇。臥疾數月。常忽忽自恨。賣卜燕市。居六年。病且革。泣書遺令。示其子孟易曰。吾者擊踊東華。見大行皇帝。短衣短襠。先后繼以小牀。載至。鼻有傷痕。易棺再斂。藉灰掩紙而已。我死用灰數斗。紙覆之。加於此者。子爲不孝。戚友

爲不仁。初葬京師某原。又十年而孟易改葬公於金陵某原。從遺命也。錢儀吉碑傳集逸民上之上。

369 富順縣 宋置監。元改州。明爲縣。屬四川敘州府。清因之。今仍爲縣。

宋 薛翁。宋史伊川程子與袁滋曰。易學在蜀。曷往求之。滋游蜀。無所遇。久之。於眉

邛間。見賣醬薛翁。與之語。大有所得。又呂東萊撰薛常州志云。袁道潔。聞蜀隱者薛叟名。晚游蜀。物色求之。至一郡。有叟。且荷笈之市。午輒扃扉戶。問諸鄰。則曰。賣香薛翁。道潔以弟子禮見。且陳所學。叟曰。經以載道。聖人作經以明道。子何博而寡要也。與語。未幾復去。乾隆丙申。署知縣段玉裁。據王伯厚困學紀聞云。袁道潔之易。得於富順監賣香薛翁。知爲富順人。立祠城西門外有記。段玉裁乾隆富順縣志鄉賢。○阜按。縣志壇廟。薛

翁祠。在西門外。乾隆丙申。署縣令段玉裁建。碑記較述甚詳。參看涪州議定益明。

明 劉愷 音著。支韻。恭敬也。 性正直剛明。不干仕進。以聖賢自期。同時內江趙文肅貞吉。督

學蔣信。司馬蔡汝楠。均與往來。研究程朱之學。於康節先天之說。尤得不傳之祕。

遺書惜未有能受之者。所著有明道錄。同上。

明 余敬恆字崑五。天啓辛酉副榜。官至寧州守。多惠政。著有地理心法。寧州政略。

乾寧富順縣志鄉賢

明 劉泌字晉仲。崇禎丙子解元。性穎慧。才識過人。六歲能詩。十歲入泮。日記數千

言。學究天人。博涉諸子百家。著有蜀省圖。劉子長庵集。官都察院右僉都御史。大

理寺正卿。卒。署檄歸。從祀榮邑鄉賢。同上

370 長寧縣 漢漢陽江安二地。唐置昭慶長寧兩州。五代時。廢於豐。宋夷人獻地。置清井監。尋建爲長寧軍。明初改軍爲縣。屬四川敘州府。清因之。

明 羅天祐長寧人。嘗遊市中。若顛若狂。善言人得失。嘗隱語書鄉試榜。封以寄人。

撤棘無不驗。後入成都。於司戶薛瑗坐上化去。清統志四川省敘州府竹縣

371 瀘州 春秋時巴國地。漢置江陽縣。漢末置江陽郡。南朝宋曰東江陽郡。時改江陽於武陽。故改東。梁於郡置瀘州。隋郡廢。改曰瀘川郡。又改郡。治江陽縣。曰瀘川。唐復曰瀘州。宋曰江安州。元仍曰瀘州。以州治

瀘川縣。省入。明清時州直隸四川。民國改州爲縣。

明 賀永瀘州人。精河洛數。家貧。賣卜以自給。與人言論。輒規之以正義。詩人擬之

嚴君平。嘉慶四川通志藝術

372

隆昌縣

明割榮昌富順二縣地置。屬四川敘州府。清因之。

清

李允琢幼隨父自楚入蜀。性孝友。讀書至孟子中止。晚乃篤志典墳。研求性理。地理及命相之理。頗得其奧。立身制行。悉遵四子六經之旨。嘗述董子以仁愛人。以義正我之言。以自警。里黨爲贈孝友可風匾額。卒年八十有九。孫輝斗。辛未進士。內閣中書。曾孫秉樾。咸豐壬子亞元。咸豐瑋昌縣志處士

373

合江縣

漢置符縣。後漢改曰符節。晉仍曰符縣。南齊置安樂縣。北周改置合江縣。故城在今四川合江縣西。唐徙至北沙鎮。宋遺故治。元徙神臂山。明又徙安樂山麓。即今治。清因之。屬四川

州。

清

羅文思。邑解元。歷任石阡知府。平生善習六壬。所占輒驗。歸田後。文制軍嘗延致之。人有疑事。一叩卽決。無不符合。年九十歲。無疾而逝。先期亦自知之。人比之如謝石云。

清

羅世珩

珩。晉行。佩玉也。

邑庠生。秉性剛直。兄弟五人。珩孝友夙敦。事母先志承迎。得

堂上歡。其弟三人均列成均。析居日。辭多受少。初無矯異。技藝卓絕。精岐黃。明星

卜。後人有繼其志者。前邑侯葉贈孝友圭璋匾以榮之。以上同治合江縣志方技

374 資中縣 漢置。北周改爲資陽。故城在今四川資陽縣北。清爲四川資州。民國改爲資中縣。地濱沱江。人民殷富。自巴縣遷陸入成都。此爲第一繁盛地。

宋 王彥正字直夫。資中人。本以風水名家。而心目曠遠。善識統體。且能傳諸卦義。

裁之以理。非史巫紛若之比。余一見而知其有識。會離憂患。俾營兆域。主賓一語。乃決。不數月乃克襄事。王生辭去。余乃書風水說以遺之。以見夫王生善發山川之闕。而人之得王生以發之。而俾死者有所歸。皆非偶然也。生乎其敬之重之。毋

忽。宋魏了翁鶴山全集贈資中王彥正風水說。○又贈王彥正序云。嘉定二年己巳。全以心制里居。宅兆未卜。聞資中王直夫雅善齊巖之術。卽具書幣致之。居三日。余表兄高南叔。拉輿登隈支山。過蟠黎鎮。歷馬鞍山。未至

山數里。直夫頓足而言曰。由長秋山而下。乾岡數里。其下常有坤中朝甲乙之水。子之先君子。其當葬此乎。下而卜之。果如所云。遂爲今長寧阡。既又爲余言。子未有室居。子之先靈被山帶江。其上有山。與馬鞍之朝向若相似。然隈支爲巽。已峯實當其前。備知之乎。余曰。而未嘗涉吾地。而思乎知之。曰。余以氣勢之所萃知之。卜之又如其所云。由是卽其地成室。是爲今白鶴書院。直夫又曰。書院氣勢之所鍾。當有以文字發祥者。余乃約十餘士之當赴類省試者。會文其上。是歲自類元王萬里而下。凡得七人。其不在得中者。後亦接踵科第。或以恩得官。莫有遺者。又曰。白鶴書院。得江山之要。然此地壘鬱已久。今一旦開豁呈露。則家于是山之下者。其餘氣所鍾。亦富有科級之應。是歲余弟嘉甫。與鄰居連仲甫同登。卽七人之選也。先是貢士題名于浮屠。以問直夫。直夫曰。若在七級。則當七文。後皆如其言。凡此皆余一歲間身履而目擊者。自餘類此者不可勝數。恐歲浸久而忘之。姑隨筆書此以記。

375

資州

漢資中縣地。西魏置資州。治陽安。在今四川簡陽縣東北。北周移州治資陽。隋又自資陽移州治盤石縣。在今資中縣北。尋又改州爲資陽郡。唐復曰資州。又曰資陽郡。復改資州。徙治內江。尋復故。宋曰資州資陽郡。元州縣俱廢。明玉珍復置資州。即今資中縣治。明改州爲縣。清復升爲州。直隸四川省。民國改州爲資中縣。

唐

李鼎祚、資州人。官著作郎、祕閣學士。常集子夏、孟喜、京房、馬融、荀爽、鄭康成、劉

表、何晏、宋衷、虞翻、陸績、干寶、王肅、王輔嗣、姚信、王廙、張璠、向秀、王凱、沖、侯果、蜀才、

翟元、韓康伯、劉瓛、何妥、崔憬、沈驥、士、盧士、崔觀、孔穎達等。凡三十餘家。撰爲周易

集解十卷。以經術稱於時。清孫星衍集解序並注

明 周文質、資州庠生。通春秋。尤精青烏術。時議遷學宮。文質請開泮池。以疏地脈。

嗣後代有步蟾宮者。嘉慶四川通志藝術

清 饒懋猷、資州人。善方技。精醫卜。堪輿之術。大吏咸驛致之。人呼爲饒仙。嘉慶資州志方技

清 謝少暉、字鄉癯。晚號一園。資中人。博通羣籍。貫串百家。所作詩古文詞。傳播士

林。久已膾炙人口。旁涉堪輿。家言同治甲戌。著有選擇辨正八卷。同上

376

井研縣

漢武陽縣井研鎮。晉置江陽郡。宋齊因之。西魏置蒲亭縣。後廢。隋置井研縣。故城在今四川井研縣南。唐徙今治。元省。後明玉珍復置。清屬四川資州。

清 朱邦殿字鎮廷。金井壩人。初業儒。再躡場屋。改習青烏術。先是縣人言堪輿者。

法家主三合。祖玉尺經。形家主呼形。祖啞渡經。邦殿於舊法究極精深。於形家詳求氣脈。星體穴法。主天寶至寶。龍法。始主廖氏九星。繼主筠松楊公九星。謂二家各有妙理。大旨正龍。結局則從楊。支龍小結。則用廖。至胎伏孕育之法。分合交止之微。辨之尤慎。羅經之學。遠宗蔣氏。近宗張疏。課主造命選時。則參用西法。以求日躔星度真到。邦殿長身穠髯。顧寡言笑。而好深沉之思。自謂於蔣氏書。丹黃百遍。理氣方位。得天然之妙。年七十餘卒。子四。子貴。子丹。皆廩生。子孫能世其家。

光緒

井研州志方技

377

內江縣 漢資中縣地。北周改爲中江縣。故治在今四川內江縣西。隋避諱。改中爲內。從漢江故城。卽今治。

明 牟康民。內江人。少年抱異術。不知所從。授萬曆庚申正月。投牒于巡按御史黃陂吳之暉云。明年辛酉九月。蜀變方作。方伯朱公能平之。今聞其入賀萬壽。乞留任待拯。以拯我西人。其另擇捧資者。方伯朱公蓋右轄山陰變元也。之暉故好數。

學年十四。補諸生高等。累舉不第。從豫章術士游。年四十五。聯第。至是。覽牒而異之。方伯當入賀。見之。嗥于夔州。勉留之。不得。蓋朱母夫人。明年八十。便道兼壽也。之。嗥歎曰。蜀人無福。請後期。朱曰。今秋入賀。還因歸省。明年正月進觴。三月當看花錦城矣。之。嗥許之。瀕別。以叱馭是望。明年春。朱轉左轄。赴蜀。出黃陂。訪之。嗥里第。時之。嗥按蜀。竣過其里。錢朱于郊。出康民所投牒授之。曰。事甚異。君至蜀。當物色其人。而朱未卽信。迨九月。重慶之變。亟遣使報劉養銀。武聲華。馳訪康民山中。距內江邑三十里。弗舍三楹。不受徵。第曰。有朱使君在何患。成都百日之圍。可堅守也。及圍解。又徵之。辭曰。卒生不是今朝人。凡警輒遣使叩。叩輒驗。朱進巡撫。後憂去。己巳三月。總拜督之命。開府黔中。康民先寄札云。使君重蒞黔蜀。誠地方之幸。八月。安奢俱靖。從此造福十年。但乙丙年。罡星正照燕都。仲冬。金人內入。畿南白骨如麻。天下漸擾。又云。燕京黃氣已盡。戊寅。人大劫。倥偬三十五年。民不聊生。丙子十月。又札云。康民已心厭凡世。遠遁深山。不復再候。明年丁丑八月。使君剗

度不佳。當乞休綠野。以保餘齡。否則戊寅之變。將返樸還真耳。少師疾。跡康民。不知所往。先是秦撫劉漢儒。學使何閩中。招康民署中。補諸生廩食。日長臥。語多不效。乃放歸。康民自稱又呆子。所著兵機纂等書。明史附朱燮元傳明談遷纂林雜俎技餘

378 雷波廳

三國蜀置焉。湖縣。晉初省。唐宋爲馬湖蠻部。元時內附。明置雷波長官司。尋省爲雷波鄉。屬屏山縣。清雍正六年。改置雷波衛。升爲廳。屬四川敘州府。清末改屬永寧州。民國改縣。

清

黃景福。字建安。通六壬奇門術。無不驗。有占失物者。來時形色匆遽。初未言。景福迎謂之曰。汝問失物耶。此小事。無足深求。汝可急歸。遲則汝妻不救矣。其人惶懼奔歸。妻果就縊。急救之乃甦。蓋其妻以失物見疑。憤而自縊。徵景福言。幾不救。咸豐八年戊午。挾術游於外。至敘郡。宿逆旅中。見二鼠晝臥於庭。逾時不去。人咸怪之。景福曰。非吉徵也。以我法論。當主兵亂。並此屋亦燬於火。其九月十月之交。乎。己而李逆至。悉如所言。由是徧游川東北。逾年乃歸。所親密叩之曰。子以術邀游。思佐當世立功名。何歸之遽也。景福喟然曰。斯術也。五百年而後興。不當其時。則不驗。吾道窮矣。由此家居不出。

清 盧正常。東關外夷民。幼好讀書。習奇門遁甲六壬術。隣有兄弟爭產者。久而不決。弟忿甚。懷刃往刺其兄。適正常在座。不敢發。乃潛伺於門外。兄懼欲逃。慮不能脫。以問正常。曰。汝踰東角牆出。急折而南。向大路。遇婦人負幼孩。手持一雞。隨之急走。保無恙。如其言。果免於難。由是人爭奇之。以上光緒雷波廳志藝術

379

閬中縣 古巴國別都。秦置閬中縣。劉璋時巴西郡治。為三巴之一。開水迂曲。經其三面。故城在今四川閬中縣西。隋改閬內。唐徙治張儀城。在今縣東二十里。宋徙大獲山。在今四川蒼溪縣東南。元還故

縣。改治江北。即今縣也。明清皆為四川保寧府治。清設川北鎮總兵駐此。地濱嘉陵江。為川北重鎮。四川與陝甘二省之交通。以此為樞紐。

漢 洛下閎。字長公。邑郡人。明曉天文。武帝徵拜待詔太史。定渾天儀。改顛頊歷。為

太初歷。遷侍中不受。嘉慶四川通志藝術

漢 任文公。閬中人。父文孫。明曉天官風星祕要。文公少修父術。州辟從事。哀帝時。有言越嶲太守欲反。刺史大懼。遣文公等五從事。檢行郡界。潛伺虛實。共止傳舍。暴風卒至。文公遽起。白諸從事。促去。因起。駕速驅。諸從事未能自發。郡果使兵殺之。文公獨得免。後為治中從事。時大旱。白刺史曰。五月一日。當有大水。其變已至。

不可防救。宜令吏人預爲其備。刺史不聽。文公獨儲大械。百姓或聞。頗有爲防者。到其日旱烈。文公急命促載。使白刺史。刺史笑之。日將中天。北雲起。須臾大雨。至晡時。澍水涌起十餘丈。突壞廬舍。所害數千人。文公遂以占術馳名。辟司空掾。平帝卽位。稱疾歸家。王莽篡後。文公推數知當大亂。乃課家人負物百斤。環舍趨走。日數十倒。時人莫知其故。後兵寇並起。其逃亡者少能自脫。惟文公大小負糧捷步。悉得完免。遂奔子公山。十餘年。不被兵革。公孫述時。蜀武擔石折。武擔山。在今成都縣北。百二十步。文公曰。噫。西州智士死。我乃當之。自是常會聚子孫。設酒食。後三月果卒。故益部爲之語曰。任文公。智無雙。

後漢書方術傳嘉慶四川通志藝術

漢蜀 周羣。字仲直。閬中人。父舒。字叔布。少學術於廣漢楊厚。名亞。董扶。任安。數被徵。終不詣。時人有問春秋讖曰。代漢者當塗高。此何謂也。舒曰。當塗高者。魏也。鄉黨學者。私傳其語。羣少受學於舒。專心候業。於庭中作小樓。家富多奴。常令奴更直於樓上視天災。纔見一氣。卽白羣。羣自上樓觀之。不避晨夜。故凡有氣候無不見。

之。是以所言多中。州牧劉璋辟爲師友從事。先主定蜀。署儒林校尉。先主欲與曹一爭漢中。問羣。羣對曰。當得其地。不得其民。若出偏師。必不利。當戒愼之。後果如羣言。於是舉羣茂才。羣卒。子巨。頗傳其術。三國蜀志本傳

清 劉神仙。清咸同時人。常往來於閬之柏壩場。劉家灣等地。好談因果。占驗言必。有中。羣因以神仙呼之。其審休咎法。問卜者。素一燒餅。卽據餅之面背痕文。決吉凶。無或爽者。殆用古人灼龜占事之法歟。民國閬中縣志方按

380 南充縣 漢置安漢縣。隋改曰南充。唐置南充郡於此。故治在今四川南充縣北。明移今治。爲四川順慶府治。清因之。

清 黃風子。設卜肆於覺牆側。用古筮法。以竹代蓍。每日祇占數課。每課祇取數錢。賣卜數十年。寒暑不輟也。凡決吉凶。悔吝。必取所習京房易傳以示。黃爲人頎而黑。望之儼然。決事多驗。人呼之神仙。黃曰。我名乘先。非神仙。又言論行事迂拙。故人又以風子目之。有識之者曰。此西充樓地人。世家子也。家多精刻舊書。賣卜時貯書敗篋中。時取出與人辨論。又一篋雜貯金石竹木物。皆有名義。好事者取卵

石以問。答曰：此名最精。因論玄黃剖判以來，天一生水，淘漱此石，不知經若干劫。迺如此圓瑩，故名最精。又取一木楔。

楔音屑，又音結，櫛也。木工於鑿柄相入處，有不固則斫木札楔入固之。

則曰：木鑿柄弗

密合者，得此彌固，是名謹慎。爲人心不細者，當加楔耳。其觸物納誨，多此類也。

清

李見龍，字雲從，治東龍門場人。業儒不售，研數學，通風角，諳天文。人以疑難事

問，能道休咎，教以趨吉避凶之法，多中。投筆入雲南，提督馬如龍麾下，隨從戎幕立功。會夏旱，滇督岑毓英與馬提督立壇祈雨，一日將往，見龍語提督曰：今出宜攜雨具，午刻當雨。馬與岑同往，雲祭畢果雨，將歸，馬騶從，雨具無缺。岑問馬曰：奚以知有雨而預備耶？馬以見龍之言對。岑試而異之，以軍功奏保六品頂翎，留滇補用知縣。後淡於仕途，歸里家居。癸卯年順慶大水，先數月見水星入井鬼之次，謂人曰：今歲有大水，不出六月矣。後果驗。惜卒後無能繼其業者。

以上民國南  
充縣志方技

381

西充縣

隋南充縣地，唐分置西充縣，明清皆屬四川順慶府。

譙周，字允南，西充人。父岍，字榮始，治尙書，兼通諸經，及圖緯。州郡辟請，皆不應。

周幼孤。與母兄同居。既長。耽古篤學。家貧。未嘗問產業。誦讀典籍。欣然獨笑。以忘寢食。研精六經。尤善書札。頗曉天文。建興中。諸葛亮命爲勸學從事。亮卒於敵庭。周在家聞問。卽便奔赴。尋有詔書禁斷。惟周以速行得達。後主立太子。以周爲家令。徙中散大夫。遷光祿大夫。位亞九列。周雖不與政事。以儒行見禮。時與大議。輒據經以對。所著述百餘篇。壽七十外。三國志蜀書本傳

382

營山縣 南朝梁置安固縣。唐又置朗池縣。改安固曰良山。宋改朗池曰營山。元又省良山。入營山。清屬四川順慶府。

清 陳懷玉進士官夔州府教授善堪輿著有挨星水法祕篇。

清 羅在公舉人任刑部主事精易學每決休咎不爽。

清 侯于薊進士官同知善堪輿子孫世得其傳。以上嘉慶營山縣志方技

清 鄭文振江南涇縣庠生順治中遊蜀建南道汪慕其學術延入幕後寓營邑善

卜筮遂家於邑之響溪。嘉慶營山縣志流寓

383

南部縣 漢置充國縣。後漢分置南充國縣。南朝宋。改南充國曰南國縣。梁改曰南部縣。明清俱屬四川保寧府。

宋 鮮于天一、康定時舉人。幼能日誦千言。通天文、地理、方技之書。其學甚博。文物精粹。志術雄潔。一時名儒皆宗之。卒入鄉賢。遺光南部縣志方技。○卓按：同治劍州志人士。載鮮于天一。登嘉定中增薦。而遺光南部縣志方技。載

爲康定時舉人。與此稍異。

384 昭化縣

漢置葭萌縣。三國蜀。改曰漢壽。晉改曰晉壽。南朝宋分置益昌縣。後魏改益昌曰京兆。北周省晉壽。復改京兆曰益昌。五代後唐改曰益光。宋初復曰益昌。又改曰昭化。明清皆屬四川保寧府。

宋

張求、昭化人。善卜筮。唐庚贈詩云：張求一老兵。著帽如破斗。賣卜益昌市。性命

寄杯酒。騎馬好事人。金錢投瓊脯。一語不假借。意自有臧否。雞肋乃安拳。未省怕

噴毆。坐此益寒酸。餓理將人口。未死且強項。那暇顧炙手。士節久凋喪。舐痔甜不

嘔。求豈知道者。議論無所苟。吾寧從之遊。聊以激衰朽。

嘉慶四川通志藝術

385 廣安州

南朝梁置始安縣。隋改曰廣城。唐復曰始安。改曰渠江。宋於縣置廣安軍。元軍廢。升爲廣安府。明改爲廣安州。以州治渠江縣。省入屬四改順慶府。清因之。民國改州爲縣。

清

段文雅、字茂齋。禹山人。州庠生。善占候。尤神於邵子觀梅數。其占但指一物。或

信口出一二字。即可布卦。物視其色。目動靜。字別其筆畫義理。以定生剋。辨吉凶。

迎機立斷。往往奇中。其族兄潤之媳。秋病痢甚危。造雅以痢症二字爲卜。雅曰：二

字皆病體。利從禾從刀。今適秋日。禾遇收獲。無復生矣。病者竟不起。其同硯友某。試取經古。恐正場未利。指市中招牌字。求雅決之。雅曰。可賀。名高懸也。榜出果然。又一鄰人方薙髮。求卜其親病。雅曰。去黑見白。親已歿矣。言未畢而訃者至。又其妹倩某。問學生名位。取案上試卷令占。雅見卷有印文。曰。必食官祿。此其兆也。後果掇科得縣令。其他占晴雨失物。卜訟獄勝負。一言直決。皆此類也。

清

周昌豫。號立之。沙溪人。父玉偉。宿儒。素善。形家。言咸豐初。族弟玉振葬母。偉爲立期。屬曰。將葬日必陰雲微雨。如聞小兒謳歌。卽下壙時也。主大吉。時夏五月。炎暑烈日。屆葬果如其言。豫守父業。青烏葬經。無不詳究。然處貧。有傲骨。不屑以術售。族兄驥。光緒戊子卒。其長子紹暄。官銓曹。聞訃未歸。家用俗師易良仁之言。定地於祖塋側。未葬。豫聞之。曰。此地葬後。必主長子不利。未知暄之名位。能否厭勝也。其家不從豫言。竟葬之。及暄服闋。甫入京月餘。卒於官。其孺人段氏扶柩歸里。踰年亦歿。人始服其藝之精。有先見焉。豫之叔玉僖。亦受偉之葬術。以藝鳴。而識

不及豫。以上光緒廣安州志方技

386 射洪縣。漢鄆縣及廣漢縣地。西魏置射江縣。北周改曰射洪。明省。尋復置。清屬四川潼川府。縣境產石油。由黃英普濟公司開採。

唐 陳子昂字伯玉。射洪縣人。年十八。未知書。入鄉校。感悔修飭。文明初。舉進士。武

后朝。爲麟臺正字。數上書言事。遷右拾遺。武攸宜北討。表爲管記。以父老。解官歸

侍。縣令段簡。聞其富欲害之。捕送獄中。子昂見捕。因命。著自箴。卦成。仰而號曰。天

命不祐。吾其死矣。果死獄中。年四十二。唐書云四十三。唐興。文章承徐庾餘風。子昂始歸

雅正。李杜以下。咸推宗之。著有詩文集。唐書本傳。陳伯玉集。載有贈嚴倉曹乞推命錄詩。少學縱橫。遊楚復遊燕。栖遑長委命。富貴未知天。聞道沉冥

客。青囊有祕篇。九宮探萬象。三算傾重玄。願奉唐生口。將知躍馬年。非因惡宦間。空帶至龍川。

387 遂寧縣。漢置廣漢縣。南齊改曰小溪。梁改曰小溪。西魏改曰方義。宋復改曰小溪。明省縣。入遂寧府。降府爲縣。清屬四川潼川府。

宋 馮山人懷占字德淳。遂寧人。善風鑑。精堪輿術。太平興國中。於青城山三蹊路

牛心山前。看花山後。因卜居焉。築三大閣。偃息其中。其所論皆丹石之旨。以吐納

導引爲事。博採方訣。歌頌圖記。丹經通書。無不研考。咸平中。成都一豪家葬父。徧

訪能地理者。選山下穴。數年乃得之。葬後大凶。延馮觀之。馮曰。陵迴阜轉。山高壟長。水出分明。甚奇絕也。主人曰。自葬以來。財散人亡。奇絕地固如是耶。馮曰。願妄言之。凡萬物中。人爲最靈。受命于天。貴賤各得其位。如鳥有巢棲。獸有穴處。故無互相奪。此山乃公侯之地。豈常人可處。所以亡者不得存。安者不得寧。易曰。負且乘。致寇至。小人而乘君子之器。其是之謂乎。

宋黃休復茅亭客話  
光緒灤川府志軼事

388

廣漢縣漢置。屬廣漢郡。鄧道元謂之小廣漢。南齊改名小漢。故城在今四川遂寧縣東北。

晉

王長文字德郁

郁一作叙。一作雋。

廣漢人。少以才學知名。放蕩不羈。州郡辟爲別駕。乃

微服竊出。舉州不知所之。後於成都市中蹲踞而坐。齧胡餅食之。刺史知其不屈。乃禮遣之。於是閉門自守。不交人世。著書四卷。擬易名曰通玄經。有文言卦象。可用以爲卜筮。時人比之揚雄太玄。惟桓譚以爲必傳後世。晚遭陸績。玄道遂明。長文通玄經。未遭陸績。君山耳。

晉書本傳太平  
傳御覽逸民

西康省

西康省在我國西部南境。本爲四川省打箭爐之西邊一部。及西藏康全部。衛東邊一部地。清光緒間。歸督辦川滇邊務大臣統治。曾奏准建立行省而未果。民國初。劃爲川邊特別區域。十三年改名爲西康特別區域。十七年國民政府又議決。改建爲省。其地東界四川。南界雲南及英屬緬甸。印度。西界西藏。北界青海。

389

巴安縣

省會○古之白狼國。後爲巴塘土司。清光緒三十二年改流。置巴安縣。尋升爲巴安府。民國復改巴安縣。屬川邊道。位於寧靜大湖之間。瀾金沙江東岸。爲一小平原。西康中樞之地也。氣候溫和。農

產曉俗。人口亦較他處爲繁。

清

光緒年間。巴塘正土司羅進寶塞內。有一小花池。土司欲於花池處造房。以爲

諷誦梵經之室。求喇嘛卜之。喇嘛曰。喇。郎建切。音辣。喇嘛。僧之別稱。蒙古西藏稱僧爲喇嘛。俗皆讀若拉。毀花池而造經堂。

不利於土司。土司弗信。鳩工庀材而造室。庀。音庇。具也。治也。喇嘛曰。後有乘紅馬者至。則

巴塘土司亡矣。土司曰。黃馬。黑馬。紫馬。烏馬。各色均有。惟紅馬無之。紫馬可謂紅

馬乎。喇嘛曰：紅馬非紫馬也。土司曰：馬有紅色乎。喇嘛不復言。迄屋落成，尙未塗丹。腹護音護，藥韻，赤石脂之類，如油漆所用顏料，以爲宮室之飾者也。光緒三十一年，巴塘卽有戕害鳳大臣之事。土司伏誅。康人以土司親戚立爲土司。嗣建昌道趙爾豐至，遂將巴塘改流。土司至此滅焉。康人屢以喇嘛之卜爲言，惟不知乘馬者爲誰。嗣聞趙以甲午生，卽謂丙屬火，火色紅，午屬馬，卽紅馬也。人皆以爲卜之驗焉。

390 定鄉縣

原係裏塘土司鄉城地，清光緒三十二年改流，置定鄉縣，屬川邊邊務大臣，今屬西康省。

清 光緒三十一年冬，官兵由巴塘往攻鄉城，令康人應僱烏拉。康人問卜於喇嘛。喇嘛曰：官兵勝，但須明年夏間乃可。鄉城稻壩之喇嘛亦自卜，則曰：官兵不勝，遠來糧絕，難久持，必退去。嗣於光緒三十二年閏四月十八日，官兵始克鄉城。所卜夏間勝者驗也，而卜官兵不勝者不驗。

391 鹽井縣

原係巴塘土司地，清光緒三十一年改流，征糧，尋設鹽井縣，屬川邊邊務大臣，今屬西康省。

清 光緒三十四年，藏人率兵來佔西康鹽井地方，駐藏大臣聯豫，飭察木多糧員

李方慤同藏兵往鹽井。人民驚惶。康地文武官吏。電稟護川督趙爾豐。謂李糧員。率藏兵佔鹽井。趙電飭將李押候參辦。有一喇嘛持一梵字書往問李曰。剖本人。屬狗乎。李曰然。汝何以知之。喇嘛曰。前代喇嘛遺書。謂屬猴之年。藏兵至鹽井。有屬狗之漢官同來。必罷職。本年戊申屬猴。此乃數定。請勿怪。李索書而閱。確係舊書。惟不識梵字。未考其詳。

392

德格縣原係德爾格志。宣統司中部地。清宣統元年改流。設德化州。屬川邊邊務大臣。民國初改德化縣。尋改今名。舊屬西康川邊道。

清

宣統元年。德格土司欲獻地改流。遣人往登科所屬地方。問於坐靜喇嘛。居無人處。名喇嘛。

喇嘛回書曰。獻地改流。土司可得漢官。康地之人。惟德格土司之官。可得大者。前代喇嘛遺書云。屬豬之年。土司地方。皆爲大皇上收去。不待收而卽獻之。必得官。若俟收去。則官不能得也。德格土司從之。得二品銜。世襲都司。迄宣統三年春。民政部奏准。將各省土司改流設官。西康土司均改流焉。而是年辛亥。卽屬豬也。術數之學。豈得謂之誣歟。以上民國四

紀年

西藏不識天干。惟以地支屬相紀年。亦以十二個月爲一歲。以寅爲正月。仍有閏月。但其閏月不同時耳。如雍正十年壬子閏五月。其地閏正月。雍正十三年丁卯閏四月。其地於甲寅年閏七月。更有閏日之異。而無小建。如閏初一則無。初二卽初三矣。或於月內摘去二日。卽不呼此二三日。假如二十六日。次日卽呼二十八日。每月必有初一、十五、三十。其呼正月曰端郭。餘月仍挨數呼之。紀日惟以金木水火土五行配。與憲書無異。推日月之蝕。亦纖毫不爽。云推算占驗。皆唐公主流傳者。

占卜

西藏占卜之術不一。有等喇嘛。以紙畫八卦。書番字而占者。有以青稞排卦。抽五色毛線而占者。或數素珠而占者。或畫地而占者。或燒羊骨。或看水碗。種種不一。然亦有頗驗者。大抵在所學之精淺耳。婦女亦有會者。不能悉述。以上西藏記

# 中國歷代卜人傳卷二十一

潤德堂叢書之八

鎮江袁阜樹珊編次

## 河北省一

河北省在我國中部北境，渤海灣之西。以大部分在黃河之北，故名。別稱曰冀、曰幽、曰燕、古冀兗二州之域。舜分冀州爲幽州。春秋時爲燕、晉、衛、齊諸國地。戰國時爲燕、趙、魏、齊四國地。漢爲幽、冀、燕三州。隋置幽州總管府。唐屬河北道。宋分河北爲東西兩路。元置大都、永平等八路，謂之腹裏。明洪武間置北平等處布政使司。永樂十九年改北平爲京師。置順天府。各府州直隸京師，稱北直隸。清置直隸省。民國初仍之。十七年國民政府定都南京，改直隸省曰河北省。其地東瀕渤海，與遼寧接壤。南界山東、河南。西界山西。北界熱河、察哈爾。省治清時在清苑。民國時嘗移天津及北平。二十四年仍還清苑。

393

清苑縣

漢樊興廣望二縣晉樂鄉後魏分新城置清苑北齊省入永寧改曰樂鄉隋又改曰清苑以縣界清苑河爲名宋改曰保寧金復曰清苑元爲保定路治清爲直隸治保定府亦治此京漢鐵路經

之又有岔道直達南門外府河濱

明

胡宗星士也。成化間遊京師。謁吏部侍郎尹旻。漫戲曰。以誑人者將何之。胡曰。

明公未試以爲誑。試一人存爲驗。當知小子神術耳。因出翰林邢讓千支示之。曰。

明年八月。此公必死。邢亦聞之。明年六月。以祭酒陞禮部侍郎矣。會饑饉事發。念

其言。引罪。坐除名。過灤縣。

部晉郭部縣清初廢入通州

見岳蒙泉。岳問何以不深辨至此。曰。術者

謂吾今年當死。今但失官。薄同事者罪。所謂陰功者不死。正此類也。至八月朔。拈

易自占。得臨卦。投策歎曰。詎謂胡宗驗。乃至此。蓋卦辭八月有凶。故也。至十八日

果卒。

明朱國祿湧灤小品

明

王府尹忘其名。亦不知何許人也。嘗夢人授之書。曰。讀吾書可衣緋。不讀吾書

止衣綠。覺而異之。他日於路得一書。視之。青烏家言也。潛玩讀久之。乃以善地理

聞。爲鈞州佐。即今河南再縣治漢王有異志。購求之不往。曰。欲得予。非詔旨不可。王以名聞。

會太宗方有事壽陵。成祖廟諱。初曰太宗。曰吾方求其人不得。遂召以往。今長陵乃其所定也。

前有小阜。勸上去之。曰恐有妨於皇嗣。上問無後乎。曰非也。但自偏出耳。上曰偏

出亦可。遂不復去。後累世皆驗。其人官至順天尹。明王鏊震澤紀聞

清

呂申字文甫。清苑人。原名牙興。才姿雄俊。弱冠食廩餼。試輒冠其曹。學使姜太史元衡爲更名申。曰嶽降也。屢試不第。遂輟舉子業。博求天官輿地及壬奇太乙孤虛風角諸書。手錄成卷。悉能背誦。占玩卜筮。什不失一。尤精堪輿家言。名公巨卿競延致之。歲無虛旬。動赴千里約。所至人傾倒。爲文奇肆。不屑屑繩墨。爲人談休咎。質與不易解。久之乃驗。從之遊者無慮百十人。分其一長。即可名世。遠近呼爲呂先生。或曰呂仙而不字。年五十五卒。所著書甚夥。藏於家。圖書集成卜筮部名流列傳清一統志保定府人物

民國清苑縣志隱逸

清

浙士善測字。乾隆十九年甲戌。紀昀曉嵐在京會試。尙未傳臚。適在董文達公邦達家見之。昀書一墨字。浙士曰龍頭不屬君矣。墨字拆之爲二甲。下作四點。其

二甲第四乎。然必入翰林。四點庶字脚。土吉字頭。是庶吉士矣。榜後果然。丁丑散館授編修。歷官至翰林院侍讀學士。庚辰主試山西。戊子秋。以兩淮鹽運使盧見曾侵帑事發。奉旨籍沒家旨。中書徐蒸遠在軍機行走。聞信密書以告。搜出諸信。有昫往來書札。牽連革職入獄。讞實。坐徐遣戍。遣發遣烏魯木齊。不四年以辛卯六月釋放還京。先是獲譴時。獄頗急。以一軍官伴守。一董姓軍官云。能拆字。昫卽書董字使拆。曰。公遠戍矣。是千里萬里也。昫又書名字。董曰。下爲口字。上爲外字。偏傍。是口外矣。日在西爲夕。其西域乎。問將來得歸否。曰。字形類君。亦類召。必賜環也。問在何年乎。今年爲戊子。至四年爲辛卯。夕字卯之偏傍。亦相合也。至是果驗。

淡墨錄○記昫如是我聞云。爰有二首六身。是拆字之極奧矣。漢代圖讖多類合點畫。至宋謝石輩始以是術專門。然亦往往有奇驗。蓋精神所動。鬼神通之。氣機所萌。形象兆之。與探著灼龜事同一理。似神異而非神也。

清

文通字夢菴。滿洲侍衛。薦修清書。充纂修官。後官總兵。精於象數。謂爲水滸。亦由易象參入。余訝未之前聞。因舉宋江李逵劉唐相質。答曰。宋江訟也。天水訟。故

號及時雨、刀筆吏出身。取訟象、人事起於訟。故以之爲首。李逵、升也。水風升。故號黑旋風。訪柴進入井。迎母入井。取井象。劉唐鼎也。故號赤髮鬼。縛之供桌。取鼎象。又問水滸祇三女。扈三娘。號一丈青。何義。答曰。卦止三陰。故以顧大嫂。孫二娘。扈三娘。象之。三娘。歸妹也。雷澤歸妹。震三兌七。合成一丈。震居東方。其色屬青。扈成之妹。歸於王英。取卦象耳。再問則笑而不答。時族兄蔗圃。名雙保。諸生。後官衛千總。方應童試。戲書他字。請占。答曰。人立半池進矣。尋果驗。夢蘂蓋深於邵子之學。而以武職自韜其光者。凡所占驗。得出新穎。尤令人解頤云。長白麟慶見亭鴻雪因緣圖記夢蘂談易

394 大興縣

周初蘇國。春秋時爲燕國都。秦置薊縣。遂初改曰薊北。又改曰折津。金始改曰大興。爲大興府治。在今河北大興縣西南。元移治今北平。明洪武初爲北平府治。永樂中至清。皆爲順天府治。民國十

七年。劃縣城及附近地。入北平市。縣治移黃村。

國戰

盧生燕人

燕。周國名。姬姓伯爵。武王封其弟召公奭於北燕。即今河北大興縣。戰國時易王。始稱王。爲七雄之一。滅於秦。

奏錄圖書曰。亡秦者胡也。

始皇乃使蒙恬發兵三十萬人北擊胡。略取河南地。其實亡秦者。乃二世胡亥。二世三年甲午。秦遂亡矣。史記本紀 秦始皇

金蕭漢傑，大興人。金國初，嘗賜姓奧里氏。漢傑父仲寬，字居之，飛龍榜登科。同知青州軍州事，致仕。有子六人，皆使宦學。獨漢傑不樂，遂作舉子，爲人慷慨，有志膽，好讀書，究古兵法及陰陽孤虛祿命之術。從軍二十年，積官從三品，領統州倅關陝總帥府提控，佩金符。元好問贈漢傑詩云：射虎將軍在北平，短衣憔悴宿長亭。雷轟寶劍無留迹，火借青囊爲乞靈。四壁不知貧作祟，一瓢誰識醉中醒。相逢莫

話稽機石。

稽，晉支柱也。

自省枯槎是客星。

說輔道志列傳。

元

阿榮，字存初，怯烈氏。父按攤，中書右丞。阿榮幼事武宗，備宿衛，累遷官爲湖南

道宣慰副使，會列郡歲饑，阿榮分其廩祿爲粥，以食餓者，仍發粟賑之，所活甚衆。泰定初甲子，出爲湖南宣慰使，改浙東宣慰使都元帥，以疾辭。天歷初戊辰，復起爲吏部尚書。二年，拜中書參知政事，進奎章閣大學士。文宗眷遇固甚，而阿榮亦盡心國政，知無不言。久之，心忽鬱鬱不樂，謁告南歸武昌。至元元年乙亥卒。初阿榮閒居，以文翰自娛，博究前代治亂得失，見其會心者，則扼腕曰：忠臣孝子，國家

之寶。爲奇男子。烈丈夫者。固不當如是耶。日與韋布之士游。所至山水佳處。鳴琴賦詩。日夕忘返。尤深於數學。逆推事成。敗利不利。及人禍福。壽夭貴賤。多奇中。天歷三年庚午春。策士於廷。阿榮與虞集。會於直廬。慨然興歎。語集曰。更一科後。科舉當輟。輟兩科而復。復則人材彬彬大出矣。君猶及見之。集應曰。是士之多。幸如存初言。今文治方興。未必有中輟之理。存初國家世臣。妙於文學。以盛年登朝。在上左右。斯文屬望。集老且衰。見亦何補耶。阿榮又歎曰。數當然耳。集問何以知之。弗答。後三年卒。元統三年乙亥。科舉果罷。至正元年辛巳。始復。如其言。

元史本傳  
圖書集成藝術典下

策部  
紀事

元 全真先生。年五十餘。相貌魁偉。嘗坐省東茶肆中。所言輒有驗。元統間。省椽李孟容度。在都門。訪其寓所。乃在五門外第二橋民家。遂以出處叩之。全真曰。汝仕不在北方。且宜南歸。四十後方可食祿。臨別偶問及時事。全真曰。此後當改至元。至元後改至貞。天下亂矣。李曰。國初已有至元。全真曰。汝第識之。李南還至關河。

聞改至元。心益信之。及改至正。則知貞者正也。四十後。方補饒州府史。全真之言。

如燭照數計。豈非至人者乎。

明陶宗儀輟耕錄

明

展毓。字鍾秀。自鳳翔之岐山。徙京師。家故貧。賣卜以自給。已而事舉子業。遊順

天府學。天順元年丁丑。舉進士。擢河南道御史。兩按藩鎮。皆有譽。大同萬全之間。

有牧地數百里。析兩地兵民居之。衆侵致混亂。破音奪。擄取也。至相殺害。有司莫能制。毓

掘地爲塹數里。塹音監。隄也。抵南北山麓。中分之。戒不得過。乃已。毓風義凝重。巖然

不挫於物。其有不合者。雖貴勢必與之抗。人皆以爲能御史。

畿輔通志列傳

明

蕭鳴鳳。順天解元。精於星學。推算休咎如神。官郡守。以不職罷歸。舟次。遇比部

郎張永嘉。瑰。瑰音恩。石之似玉者。張素聞蕭術神。試以已命扣之。步置良久。不言。固問之。曰。

祿命書從此可焚矣。問何故。蕭曰。僕平生閱人多矣。無不中者。獨於僕與君而失

之。張曰。何也。曰。僕自揣爵位應至方伯。而今止於二千石。觀君之命。不出三年。便

當作相。而君猶然郎署也。豈吾術有未至耶。遂別去。張公入京。僅三載。以議大禮

中上意。遂拜相。既貴。憶蕭言。輒爲起之。十餘年。果至方伯而卒。

明孫仲靈耳新  
謝肇淛慶餘

明

周中立以祿命之說知名都下。劉尙書纓爲都御史時。爲逆瑾所中。下制獄。事

已白。猶未復官。造問休咎。先以亡兒儻命試之。中立曰。此命大佳。然厄於三十三。

能過。此則善矣。儻沒之年。正如所云。劉公心服之。乃示以已命。中立喑喑曰。

喑。音積。喑。

喑。鳴也。歎聲也。此大貴人。目下雖有憂厄。然已出險就夷。異時官至八座。福履甚盛。未可

量也。時鄉人陸坦爲禮部主事。以公事被繫。當坐重辟。會有內援得解。命未下。公

方遣吏爲詞其事。

詞。音週。週。韻。刺探也。

因以坦庚甲示之。中立云。此亦貴人也。但比日方有

官事。其憂甚大。然亦解矣。猶可食祿數年。問何時。曰。不出今日。中當有佳報。適所

遣吏跪白曰。已有旨。陸止降外任。公殊駭。視日中矣。坦尋出爲知縣。稍遷郡倅以

卒。

倅。音滓。副也。

刑部吳主事嘗從問命。中立爲寫一通授之。吳以視囚入獄。二子尙幼。

戲水濱。失足。妻驚痛。且恐夫歸被譴。遂自經。吳出獄方知。往咎中立曰。此大事。何

不素告我。中立曰。吾固言之矣。第歸視吾書。吳檢其書中有兩語云。雙雙燕子入。

池塘紅粉佳人上畫堂。乃驚服。明陸廷枝說聽

清

呂聖功。順天人。善卜筮。設庵於阜成門大街。四十餘年。家賴之小康。善與人息訟事。其爻辭一本易經而多別解。爲經傳所未備。於道光辛巳冬始卒。亦術士中

之立品者。光緒畿輔通志方技

清

金孝廉某。四川人。善風鑑。名動京師。定遠方士淦蓮舫。道光丙子就之相。金曰。科名中人。行將方面矣。費新橋太史丙章亦至。金曰。此翰林也。目勝君。外臺亦速

官至方伯。子僅一點。後歷歷皆驗。方士淦原餘偶筆

清

英年。兵部侍郎。善堪輿術。一日扈駕遊蘭園。令相視園地吉凶。英年駭曰。是氣尙旺。再世爲帝者。當仍在王家。時光緒己亥九月己立溥。今爲皇子矣。儀與使同卓特也孝

欽曰。天下已有所歸。得毋言之妄乎。誠如卿說。當用何法破之。英年願視墓旁。有

老楸一株。天矯盤拏。且百年物。因指樹奏曰。伐此則氣泄。是或可破也。孝欽還宮。

卽遣使伐樹。樹堅如鐵。斧鋸交施。終日不能入寸。而血從樹中迸出。次早趨視。斷

痕復合如故。監工者懼而請止。孝欽大怒。自詣園督數十工人。盡一日之力仆之。中斃一巨蛇。小蛇蠕蠕盤伏無數。急聚薪焚之。臭達數里。後德宗薨。今上仍由醜邸入承大統。英年之言果驗。國朝備乘

395 宛平縣

本漢劇縣地。唐析置幽都縣。遼改曰宛平。明時與大興並爲順天府治。清因之。民國有移縣治蘆溝橋之議。未實行。

明

孫孝本字子烏。宛平人。少流落河間。壯還鄉里。以耕織爲業。性尤嗜書。其才婉

密精。擣音磨。有

除草之器。

長於纂述。尤好術數。著有槐易一編。

槐。同梔。輪端橫木也。

年七十卒。王伯

俞題其所居曰逸人坊。

畿輔通志列傳

396 方城縣

本燕方城邑。漢置縣。北齊廢。隋自今易州涑水縣移固安縣於此。取漢固安縣爲名。故城在今京兆固安縣南。

晉

張華字茂先。方城人。父平。魏漁陽郡守。華少孤貧。自牧羊。同郡盧欽器之。鄉人

劉方亦奇其才。以女妻焉。華學業優博。辭藻溫麗。朗瞻多通。圖緯方伎之書。莫不詳覽。而造次必以禮度。勇于赴義。篤于周急。器識弘曠。時人罕能測之。著鷓鴣賦。以自寄。陳留阮籍見之。歎曰。王佐才也。由是聲名始著。歷官司空。領著作。封壯武

郡公趙王倫之變，被害。朝野莫不悲痛之。時年六十九。有博物志十篇，及文章並行於世。子暹，博曉天文。爲散騎侍郎，與華同時遇害。

晉書本傳光緒畿輔通志維傳咸豐固安縣志文翰○張華博物志云：有山者採。

有水者漁，山氣多男，澤氣多女，平衍氣仁，高凌氣犯，叢林氣靈，故擇其所居。居在高中之平，下中之高，則產好人。又云：山居之民多癩腫疾，由於飲泉之不流者，今荆南諸山郡東，多此疾。腫由踐土之無鹵者，今江外諸山縣偏多此病也。《博物志》：晉干寶搜神記：張華爲豫章太守，善易卦，明於政刑。下吏罪人畏之，不敢犯令，或當死者，悉放歸，辭父母。時有一人犯盜，處死，尅日欲誅，放歸辭別，限滿赴州就刑。其人在路號哭，經趙朝家，趙朝問何故哭，答曰：某拙謀爲盜，犯法當死。昨蒙太守給假辭父母，限滿赴州就刑，所以悲泣。朝曰：何不避去，答曰：使君明於易筮，前後避者皆獲得，是以不敢避。朝曰：汝不用哭，吾令汝生，但用吾計，自當獲免。汝可取之，避到行渡河，即取竹箒盛水，三尺長，安於腹上，仍黃沙中臥，經三日，然後可還。終始擗汝不得也。其人一依朝言，至假滿，法司條久違限，乃以名聞。華乃觀易，六卦成，斷曰：何故腹上水深三尺，背臥黃沙，此人必投水死，更不用尋也。此謂之善易。其人經一年，改名姓，處於鄉里，既說其死，即賣重賂，細於朝。朝一無受焉。○晉書慕容廆載記：廆幼而魁岸雄傑，有大度。安北將軍張華，雅有知人之鑒，廆童時，往謁之，華甚敬異，謂曰：君至長，必爲命世之器。匡難救時者也。因以所服褱囊遺廆，結股勵而別。

397 東安縣

本漢安次縣，後魏改安城，元升爲東安州，故城在今直隸安次縣西北四十五里。明降爲東安縣，徙今治，屬順天府。清因之，民國改爲安次縣。

明

周鳳，東安人，以農爲業，居常與洪蓮爲友，授以撫病之法，撫處即愈。又授以數

術，算人生死無失。鳳自言某月日當死，至日闔戶以謹避之，忽下床一跌而歿。其

時有均智者，曾授數術於鳳，亦能知生死不爽毫髮。

光緒順天府志方技

398

霸州

漢置益昌縣。後漢廢。五代周置霸州。置永清縣爲州治。宋廢永清縣。金復置益津縣。明省益津入州。民國改州爲縣。今屬河北省。宋時楊延朗修葺霸州城。以控遼人。當時爲北方重鎮。

清

榮邦達，字海樵，堂二里人。少失怙。天資英敏。過目成誦。十八歲入邑庠。家貧甚。

課徒自給。博通經史子集。所爲詩文。均淵源於李杜韓歐。不屑爲時文。一時出其門者多名士。榮姓本巨族。富於財者甚夥。邦達一無所稱貸。惟恃束脩以自奉。精於易卜筮。多奇中。註有易說若卷千。晚年失明。日賣卜於市。得錢三百文。卽止。家徒四壁。而嘯歌不輟。夫婦相安淡泊。敬禮如賓。偶有造廬請教者。則高談雄辯。終日不倦。其誘掖後進。每如此。年八十七歲卒。無子。所著有鬼瞰堂文集。散佚無傳。

清

孫智，字鑑堂，號炳然，北岸村人。生有異秉。性孝友。好慈善。精風鑑。有知人之明。

讀書過目成誦。經史以外。兼精壬奇戰陣之學。智家素富。後以施濟值荒年。家遂中落。雲南鶴麗鎮高公姻戚也。招赴任。參贊軍務。屢平苗匪。殲魁釋從。全活者不下數萬衆。時人有活佛之目。以上民國霸縣志文獻

399

涿州

秦上谷。漢涿縣。魏范陽。唐析置涿州。宋曰涿水郡。金曰涿州。治范陽。明省范陽入州。屬順天府。清因之。民國改爲涿縣。

漢後

崔篆，涿郡安平人。王莽時，爲郡文學。以明經徵詣公車。太保甄豐舉爲步兵校

尉。篆辭曰：吾聞伐國不問仁人，戰陣不訪儒士。此舉奚爲至哉！遂投劾歸。

投辭自劾，有過不合。

舉。客居滎陽，閉門潛思，著周易林六十四篇，用決吉凶，多占驗。臨終作慰志賦，以

自悼。子毅，隱身不仕。毅生駟。

後漢書附崔駟傳，乾嘉涿州志方技。

漢後

崔瑗，字子玉，篆孫。駟子。早孤，銳志好學，盡能傳其父業。年十八，至京師，從侍中

賈逵、質，正大義，遂明天官。歷數京房易傳，諸儒宗之。

後漢書附崔駟傳，同治涿州志方技。

漢蜀

李定，涿人有相術。劉先主少孤，與母販履織席爲業。舍東南角籬上有桑樹，生

高五丈餘，遙望見童，童如小車蓋，往來者皆怪此樹非凡。定云：此家必出貴人。

蜀志

齊北

祖珽，字孝徵，瑩子。天性聰明，事無難學。凡諸伎藝，莫不措懷。文章之外，又善音

律，解四夷語，及陰陽占候醫藥之術，尤是所長。

乾嘉涿州志方技

唐

盧承慶，字子餘，涿人。官戶部尚書。有兄子將笄而嫁之，謂弟尚書左丞承業曰：

先主本紀光緒畿輔通志方技

吾爲此女擇得一壻。乃曰：裴居道，其相位極人臣。然恐其非命破家，不可嫁也。承業曰：不知此女相命，終他富貴否？因呼其姪女出，兄弟熟視之。承業又曰：裴郎位至郎官，其女卽合喪逝。縱後遭事，不相及也。卒嫁與之。居道官至郎中，其妻果歿。後居道竟拜中書令，被誅籍沒。久而方雪。唐書本傳唐呂道生定命錄

唐 范陽山人，不知其姓字。李叔詹常識之，停於私第。時語休咎，必中。兼善推步。緒光

順天府志方技

唐 盧齊卿，涿州人。承慶弟。承泰子。有知人之鑒。長安初，爲雍州參軍。武后詔長史薛季昶擇僚吏堪御史者。季昶訪於齊卿。齊卿曰：長安尉盧懷慎、李休光、萬年尉李义、崔湜、咸陽丞倪若水、藍屋尉田崇璧、新豐尉崔日用、季昶用其言。後皆爲通顯巨人。及拜幽州刺史，而張守珪從軍爲幽州一果毅。一果毅職務名稱也齊卿常引對坐云：公後當富貴，秉節鉞，守珪蹶踏，不意如此。下階拜。齊卿未離幽州，而守珪竟爲將軍節度矣。張嘉貞之任宰相也，有人訴之，自慮左貶，命齊卿相之，不爲決定。因其

入朝。乃書笏上作台字。令張見之。張以爲不離台座。及敕出。貶台州刺史。齊卿喜飲酒。踰斗不亂。寬厚樂易。士友以此親之。終太子詹事。廣陽慶公。唐書附承慶傳唐呂道生定命錄

明

華孝廉。揚州如臯人。失其名。正德初。僑寓房山之元。元觀見承座上置一冊。驚

嘆曰。此書吾訪遍天下。何意得之於此。由是言吉凶。皆奇中。邑令曹俊。夜夢大蛇蟠樹。其首下垂。問之。華曰。君遷矣。私語人曰。遷則遷矣。死且近。其死必首下。未幾曹果遷州守。以匿喪事覺。衛尉逮捕。投井死。華後舉進士。授戶曹司。分潞河。一日同寮宴飲。風吹瓦墮。華曰。宸濠敗矣。數日得露布。寧藩果已授首。後因奏天象忤旨。被謫。趣裝南下。不知所終。乾嘉涿州志宜統山東通志均載流寓

400

通州漢潞縣。唐元州。金改通州治潞縣。明省潞縣入州。屬順天府。清因之。世稱北通州。民國改爲通縣。

明

金忠。其先浙江鄞人。少讀書。善易卜。兄戍通州亡。忠補戍。貧不能行。相者袁珙

資之。既至。乃編卒伍。賣卜北平市。多中市人神之。僧道衍薦諸成祖。成祖將起兵。託疾召忠卜。得鑄印乘軒之卦。曰。此象貴不可言。自是出入燕府。勸舉大事。燕兵

起授忠王府紀善。守通州。南兵數攻城不克。有功。已召置左右。有疑。輒問。術益驗。且時進謀畫。拜右長史。贊戎務。爲謀臣矣。成祖稱帝。擢工部右侍郎。贊世子守北京。尋召還。進兵部尙書。次子高煦。從戰有功。許以太子。至是。洪國公邱福等。黨高煦。勸帝立之。獨忠以爲不可。歷數古適孽事。帝不能奪。密以告解縉。黃淮等。皆以忠言爲是。於是立世子皇爲太子。而忠爲東宮輔導官。以兵部尙書兼詹事府詹事。六年戊子。帝北征。留忠與黃淮等輔太子監國。是時高煦奪嫡謀愈急。蜚語潛太子。十二年甲午。北征還。悉徵東宮官下獄。以忠勳舊不問。密令審察太子事。忠言無有。帝怒。忠免冠頓首流涕。願連坐以保之。以故太子得不廢。宮僚黃淮等亦獲全。忠由卒。伍至大位。甚見親倚。每承顧問。知無不言。然慎密不洩。處僚友不持兩端。能出以讓。十三年乙未卒。給驛歸葬。命有司治祠墓。復其家。洪熙元年乙巳。追贈榮祿大夫。諡忠襄。官子達翰林檢討。達剛直敢言。仕至長蘆都轉運使。忠有兄華。負志節。忠守通州有功。欲推恩官之。辭不就。嘗召賜金綺。亦不受。成祖目爲

迂叟放還。一日讀宋史至王倫附秦檜事。放聲長嘆而逝。里中稱爲白雲先生。

明史

列傳光緒通  
州志流寓

清

王應藻字耕石。通州人。讀書不樂仕進。忠厚孝友。鄉里稱之。通地理。善星學。州有大興作暨戚黨中卜葬相宅者。咸資考鏡焉。講求精細。至老不倦。年六十一卒。

光緒畿輔  
志方技

清

劉子振字麟長。州廩貢生。以善事父母著。讀書務究理學。爲文不屑作經生語。屢躓棘闈。益留意天文地理。占驗諸書靡不通。晚或勸援例筮仕。答曰。讀書所以明道。奚必沾沾升斗乎。撫諸姪。爲之婚娶。周親朋困乏者。凡里中有義舉。輒以身

光緒通州  
志文學

401

薊州春秋山戎無終子國。秦置無終縣。隋改曰漁陽。唐於縣置薊州。宋又改曰廣川。明省縣入州。清因之。屬屬順天府。民國改州爲縣。今屬河北省。

宋 趙普字則平。薊人。相太祖太宗。拜太師。封魏國公。謚忠獻。追封韓王。昔馮拯之父。爲普家內知。內知。卽勾管本宅事者也。一日普下簾獨坐。拯方十餘歲。彈雀於

簾前普熟視之。召坐與語。其父遽至。惶恐謝。普曰。吾視汝之子。乃至貴人也。因指其所坐榻曰。此子他日當至吾位。馮後相真宗仁宗位至侍中。藝術典相術紀事

宋

寶儼。字望之。薊州人。幼能屬文。性夷曠。好賢樂善。於昆弟中尤號才俊。晉天福

進士。周顯德中。拜翰林學士。宋初。轉禮部侍郎。當時祀事樂章。宗廟謚號。多所撰定。尤善推步星歷。逆知吉凶。盧多遜。楊徽之。同任諫官。時儼嘗謂之曰。丁卯歲。五

星聚奎。自此天下太平。二拾遺見之。儼不與也。又曰。儼家昆弟五人。皆登進士第。

可謂盛矣。然無及相輔者。惟偁稍近之。亦不久居其位。卒如其言。宋史附寶儼傳

元

李純夫。燕山人。燕山在河北薊縣東南弱冠登進士。不樂仕進。棄官爲黃冠。卜隱王官谷。構

了菴於貽溪之上。菴後建白雲洞。自號孤雲子。雍正山西通志仙釋

402 寶坻縣。五代唐置。權讓於此。謂之新倉。遼置新倉鎮。金析香河改爲縣。謂鹽乃國之寶。取如坻如京之義。命之曰寶坻。清屬順天府。民國屬河北省。

清

王晴溪。寶坻人。工打盤術。卜人休咎術。用羅盤置木尺。問者預書事覆盤下。令

人持尺撥盤。視尺押何度。當作何字。畢集諸字。偏旁湊合之。文詩詞不一格。間有

似古謠諺識之事。後歷歷應。晴溪素不甚晰文義。以此知非僞託。嘗挾其術走京師。四方所至傾動。爭延致之。當和相盛時。或決其必敗。當問在何時。書一絕。中有句云。玉猴授首在羊年。玉猴隱坤字。後和果以己未年伏法。其奇中皆類此也。性警敏。髯長尺餘。貌偉甚。如世所繪鍾離權狀。欲試其術者。飲以酒。盡數升許。乃欣然爲之。否雖王公不顧也。卒年七十餘。光緒順天府志方技

403 天津縣

漢章武縣。晉泉州。隋瀛州長蘆縣。唐滄州。元爲靜海縣地。置海濱鎮。明水樂間。置天津衛。天津左右衛於此。清初因之。雍正間。改衛爲州。又改設天津府。置天津縣爲府治。後移直隸總督駐其地。天津鎮總兵亦駐此。民國廢府留縣。省長及津海道皆駐此。清咸豐十年。中英續約。訂開商埠。地當五大河合流處。汽船暢通。鐵路四達。北都衛要繁盛之區。而京師之門戶也。光緒二十六年。拳匪之亂。爲各國聯軍所據。毀其城垣。立約不得復築。

清

王文錦字雲舫。天津人。精天官家言。同治辛未進士。官左侍郎。光緒十一二年。密陳兩宮將有西狩之兆。且請移蹕西苑以讓之。因詔修儀鸞殿而遷居焉。及光緒二十六年庚子事變。文錦已前卒矣。震鈞天咫偶聞

404 青縣

漢置參戶縣。後漢省。隋爲長蘆魯城二縣地。五代周置永安縣。宋改永安縣曰乾寧。金仍曰清州。改縣曰會川。元改州曰清寧府。明省會川入州。改清州爲青縣。清屬直隸天津府。津浦鐵路經之。

清 費蔭樸，字仲璋，府學增廣生，品行端方，學問淵博，從遊諸士，游庠領鄉薦者數

人，尤精地理星相，多所經驗。民國青縣志藝術

405 滄州 秦上谷，漢渤海郡，後魏分置滄州，隋棣州，遼河郡，唐改景城郡，尋復曰滄州，宋曰滄州景城郡，金復為滄州，治清池，在今直隸滄縣東南四十里，金元因之，明初省清池入州，移州治長蘆故縣，明清時州

屬直隸河間府，民國改為滄縣。

魏北

顏惡頭，章武郡人，妙於易筮，遊州市觀卜，有婦人負囊粟來卜，歷七人，皆不中。

而強索其粟，惡頭尤之。卜者曰：君若能中，何不為卜？惡頭因筮之，曰：登高臨下水

洞洞。洞，音洞，深廣貌。唯聞人聲不見形。婦人曰：姬身已七月矣，向井上吸水，忽聞胎聲，故

卜。惡頭曰：吉。十月三十日，有一男子，詣卜者，乃驚服曰：是顏生邪？相與具羊酒謝

焉。有人以三月十三日，詣惡頭求卜，遇兌之履，惡頭占曰：君卜父，父已亡，當上天。

聞哭聲，忽復蘇，而有言。其人曰：父臥疾三年矣，昨日雞鳴時氣盡，舉家大哭，父忽

驚寤云：我死有三尺人來迎，欲升天，聞哭聲，遂墮地。惡頭曰：更三日當永去，果如

言。問其故，惡頭曰：兌上天下土，是今日庚辛本宮金，故知卜父。今三月土入墓，又

見宗廟爻發。故知死。變見生氣。故知蘇。兌爲口。主音聲。故知哭。兌變爲乾。乾天也。故升天。兌爲言。故知父有言。未化。入戌爲土。三月土墓戌。又是本宮鬼墓。未後三日。至戌。故知三日復死。

北史蘇衛民國滄縣志方技

唐

鄭相如。自滄州來。師事鄭虔。虔未之禮。問何所業。相如曰。聞孔子稱繼周者。

百世可知。僕亦能知之。虔駭然。卽曰。開元盡三十年。當改元。盡十五年。天下亂。賊臣僭位。公當汙僞官。願守節。可以免。虔又問。自問云何。答曰。相如有官三年。死衢州。是年及進士第。調信安尉。旣三年。虔詢吏部。則相如果死。故虔念其言。終不附賊。

新唐書文藝附鄭虔列傳

清

袁繩武。以歲饑遠遊。遇異人授書二冊。遂精於卜筮。挾術走京師。來卜者無不

曲。中逢惡人。輒發其陰私。令畏而知改。一人來問卜。不之答。其人甫出戶。卽厲聲曰。因一婢而乖伉儷之好。尙可與言耶。坐中無不悚然。遇貧士。輒傾囊贈之。值已無資。卽云爾某親某友。有藏鏹若干。可往貸也。其人如其言求之。無不驗。

民國滄縣志方技

清

遲廷藥

桑，音莘，熾也。盛也。

字從賢。又號明遠道人。鄉人呼爲遲半仙。幼多奇悟。長遊京

師。遇山東李維軒，有異術。盡傳其學。歸遂精占驗。景州于姓，墓沒於水，求之不得。廷藥爲指其處，掘地尺許，碑誌具在，亦精堪輿術。有願從學者，不許。曰：傳非其人，徒滋流弊。

清

叢立選，性聰敏，熱心公益。居鄉治事，人咸服其公明。善鍼灸，尤精奇門六壬，識緯諸書，能自知生死。於死前數日，稱已將遠遊，折柬徧邀諸戚友話別。及客至高談闊論，人咸不知其何往。俟至日中，自著衣冠，曰：吾別矣。升牀瞑目而逝。壽六十

一歲。

以上民國滄縣志方技

406

饒安縣

漢置千章縣，後漢改置饒安縣，後魏置滄州治之。故治在今河北鹽山縣南五十里，今名舊縣鎮。

魏北

刁冲，字文朗，癰曾孫。饒安人，十三而孤。孝慕過人。家世貴達，從師於外，自同諸生。學通諸經，陰陽圖緯，算數天文，風氣之書，當世服其精博。性壯烈，不畏強禦。延昌中，司徒高肇擅恣威權，冲抗表極言，辭旨肯直。神龜末，襲爵東安侯。卒諡安憲。

先生。

清一統志天津府人物

407 慶雲縣

春秋齊北境。漢信陽縣地。隋分置無棣縣。宋徙治東界。元初分無棣之半。置四無棣縣。後併入樂陵。尋復置。明永樂避諱。改曰慶雲。屬滄州。清屬直隸天津府。

清

秦陸海字珍坡幼讀書即喜陰陽術數等學尤好遊名山大川至京北昌平十

三陵遇張友三係著透地真傳張嚴嶺之後一見如故暢談數日臨行贈家傳口訣一卷旋里後細心潛玩盡得其真訣秘旨並與吳集生等互助切磋遂以堪輿之學擅譽津南著有地理秘竅四冊凡有所求莫不慨諾從無絲毫索謝鄰近村莊則不使勞車馬甚貧乏者則不令具茶酒本邑自道光至同治四十餘年科第否塞先生苦之因暗窺城關地勢極費心血得其受病原因遂與邑紳公議重修聖廟文昌閣奎星樓考棚書院高低有法遠近合度由此文武兩科蒸蒸日上至今尤盛人皆謂文運之開先生與有功焉

清

劉藝林字漱芳清道光間文生為人端謹因葬親習堪輿博觀羣書能綜其綱

要取龍真穴真向真著三真集行世其所定吉塋至今人多稱之

清 劉鴻逵，字漸于，清貢生。工詩文，兼精堪輿。隨事觀理，而不墨守成規。常自爲其先人擇地葬。後數年，長子統疇，中辛卯科舉人。大挑知縣，籤掣河南。次子惠疇，優級師範畢業，獎勵舉人，加中書銜。願先生以數理深奧，不肯輕出爲人相地，故知之者少。

清 韓寅秀，字羲賓，附生。工詩。幼時貧不能讀，常挾經耘田。後卒得成名，學由程朱入手，立心制行，不枉己循人，毅然獨求其是。晚年尤精醫卜堪輿諸學，著有靜存齋詩稿藏於家。

以上民國慶  
寧縣志堪輿

408

南皮縣

秦置，故城在今直隸南皮縣東，東魏移縣於今治。清屬直隸天津府，津浦鐵路貫其四境。

魏北 王早，渤海南皮人，明陰陽九宮及兵法，尤善風角。魏太宗時，邑中喪亂，多相殺害。或詣早求問勝術，早爲設法，令各無咎。由是州里稱之。

光緒魏書術藝  
歲輔通志雜傳

唐 賈耽，字敦詩，南皮人。以明經登第，官至相國，直道事君，有未萌之禍，必能制除。至於陰陽象緯、地理雜數，無不洞曉。有村叟失牛，詣桑國師卜之，卦成，師曰：爾之

牛。是賈相國偷。將置之於巾笥中。爾但候朝時。突前告之。叟乃如其言以請。公詰之。具以卜者語告公。公於馬上笑爲發巾笥。取式盤。據鞍運轉以視之。良久謂叟曰。相公不偷牛。相公知牛去處耳。可於安國觀三門後。大槐樹之梢。鵲巢。採取之。叟逕詣三門。見槐梢果有鵲巢。却無所獲。乃下樹低頭。見失牛在樹根。繫之食草。草次。是盜者家。舊唐書本傳光緒  
畿輔通志識餘

清

李太初。精通六壬遁甲術。能前知。言皆奇驗。時功令嚴峻。事涉人命者。往往鄰里株連。追呼不休。一日忽自塞其門。禁絕炊烟。戒家人勿輕出入。惟使老僕於壁間一門。取出薪水而已。未幾。鄰婦與人口角。雉經死。吏胥驛騷。喧闐里巷。獨李居闔無人聲。用免於禍。偶爲姻家祝壽。備物三種。命子偕往。子慮奇數不恭。勉行數里。適值兔爲犬逐。乃捕獲以耦其數。同邑候公幼鈺。家有藏金。歲久而迷其處。往請卜之。李指所居樓下。令啓戶限。得白鏹二百。其神於推測如此。李家故貧。子勸入都。當得重貲。李不應。屢以爲言。勉從之。至京卜於某王府。奇驗。獲三十金。付子

藏之。卽旋里。子諫不從。曰：是非爾所知也。去家七八里。子忽腹痛。入禾中遺。而金墜道左。至家探囊。烏有。子悔恨自擿。李笑曰：福薄之人。三十金不能消受。乃妄規鉅億乎。吾固知此行之無益也。生平義命自安。絕不炫奇駭俗。而鄉人共呼爲李

神仙。

光緒南皮縣志術術

409 靜海縣

本漢章武東平舒二縣地。宋置清州。金置靖海縣。明改清曰靜。清因之。直隸天津府。今屬河北省。津浦鐵路經之。城瀕運河。爲水陸要衝。舟車輻輳。

清

趙魯源。字唯曾。廩貢生。善堪輿。著有地理玄龍四卷。

清

元祝堯。字皞農。皞音昊。明也。白也。增生。工隸書。精堪輿。著有棣華地學五種行世。以上同治靜海

縣志方技

410

河間縣 漢武垣縣。隋置河間縣。爲河間郡治。省武垣入焉。唐改瀛州。明清仍曰河間。皆爲直隸河間府治。

周

秦越人。勃海郡鄭人。鄭音莫。徐廣曰：鄭縣名。屬河間府。清一統志云：直隸任邱縣北。屬鄭州東門外。有扁鵲故宅。家於盧。世號扁鵲。又

稱盧醫。少時爲人舍長。

劉氏曰：守客館之師。號爲舍長。

遇長桑君。傳其術。視見垣一方人。索隱：方猶邊也。言能隔牆

見彼邊之人。則服通神也。

以此視病。盡見五藏癥結。特以診脈爲名耳。卓按：望而知之謂之神。聞而知之謂之聖。問而知之謂之工。切脈而知之

謂之巧。蓋望而知之者。望見其五色。以知其病。聞而知之者。聞其五音。以別其病。問而知之者。問其所談五味。以知其病之所起及所在也。切脈而知之者。診其寸口。視其虛實。以知其病屬何臟府也。越人得長桑之傳。精於望聞。故不待問切。靈見病之瘕結也。史記本傳。

齊北

權會字正理。鄭人。志尚沉雅。動遵禮制。少受鄭易。妙盡幽微。詩書三禮文義。該洽兼明。風角仕齊。歷國子博士。參掌雖繁。教授不闕。臨機答難。酬報如響。爲諸儒所推。而貴游子弟。慕其德義者。或就其宅。或寄宿隣家。晝夜承間。受其學業。會欣然演說。未嘗懈怠。雖明風角玄象。至於私室。都不及言。學徒有請問者。終無所說。每云。此學可知。不可言。諸君並貴游子弟。不由此進。何煩問也。唯有一子。亦不授此術。會曾遣家人遠行。久而不反。其行還。將至。乃逢寒雪。寄息他舍。會方處學堂。講說。忽有旋風吹雪入戶。會笑曰。行人至。何意中停。遂使追尋。果如其語。會每占筮大小必中。但用爻辭彖象以辨吉凶。易占之屬。都不經口。子襲聰敏精勤。幼有成人之量。先亡。臨送者爲其傷慟。會唯一哭而罷。時人尙其達命。武平末。自府還第。無故馬倒。遂不得語。因暴亡。注易一部。行於世。會生平畏馬。位望既至。不得不

乘果以此終。

北齊書儒林清一  
統志河間府人物

隋

盧太翼字協昭。河間人。本姓章仇氏。七歲詣學。日誦數千言。州里號曰神童。及

長。博綜羣書。尤善占候。算歷之術。隱白鹿山。徒居林慮山。茱萸澗。受業者踵至。乃

逃于五臺山。地多藥物。與弟子數人。廬巖下。隋太子勇聞而召之。太翼知太子必

不爲嗣。謂所親曰。吾拘逼而來。不知所稅駕也。及太子廢。坐法當死。文帝惜其才。

配爲官奴。久乃釋。仁壽末。帝將避暑仁壽宮。太翼固諫。且曰。恐是行變。輿不返。帝

大怒。繫之長安獄。期還斬之。帝至宮。寢疾。臨崩。命皇太子釋之。及煬帝卽位。漢王

諒反。帝問之。答曰。諒何能爲。未幾。諒果敗。帝從容言天下氏族。謂太翼曰。卿姓章

仇。四岳之胄。與盧同源。於是賜姓盧氏。大業九年癸酉。從駕至遼東。言黎陽有兵

氣。後數日而楊玄感反。帝益異之。數加賞賜。太翼所言天文事。不可勝數。事甚祕

密。時莫能知。後數歲。卒于雒陽。

北史藝術書藝術清一統志河  
間府人物光緒畿輔通志雜傳

唐 邢和璞。不知何許人。隱於瀛海。即今河北  
河間縣治善算心術。凡人心之所計。布算而知之。

天寶末嘗在瀛州守座。書笈字而去。及安祿山反。始悟其意。卜居嵩穎間。著穎陽書三篇。有算心旋空之訣。喜黃老。知人夭壽。嘗推張果生死。懔然莫知其端。新唐書方技志

緒餘補通志雜傳

唐

褚老生。瀛州人。即今河間縣三世業卜。筮甚驗。李惟岳拔扈河北。召使作卦。卦成。惟岳

問。我作天子否。褚不應。怒甚。使武士抽刀挾之。褚方戰悸。不覺遽呼曰。作作。惟岳笑曰。汝今亦稱作作耶。取卦辭觀之。有兩句云。武王黃鉞。首登天闕。惟岳大喜曰。只此語。我寧不當爲周發耶。乃捨使去。褚出。潛語所親云。賊不久凶死。族滅矣。後惟岳果爲人所殺。黃油囊裹頭送京師。光緒畿輔通志餘

411 獻縣

漢樂成縣。東漢樂陵。晉曰樂城。隋改曰廣成。又改曰樂壽。金升爲壽州。改曰獻州。元廢州。仍爲樂壽縣。尋復爲州。明省縣入州。又降州爲獻縣。屬直隸河間府。清因之。今屬河北省。

齊北

信都芳。河間人。好學。善天文算數。甚爲安豐王延明所知。延明家有羣書。欲抄

集五經算事。爲五經宗。及古今樂事。爲樂書。又聚渾天欵器。地動銅鳥。漏刻候風諸巧事。並圖畫爲器準。並令芳算之。會延明南奔。芳乃自撰注。後隱於并州樂平。

之東山慕容紹宗薦之於高祖爲館客授中外府田曹參軍芳性清儉質樸不與物利紹宗給其羸馬不肯乘騎夜遣婢侍以試之芳忿呼毆擊不聽近已狷奇自守無求於物後亦注重勾股復撰史宗及樂書通甲經靈顯歷武定中卒

魏書術數北齊書方

技清一統志河間府人物乾隆獻縣志技術

清

紀昭字懋園號悟軒獻縣人陶兄中乾隆丁丑進士官內閣中書八年會聞父疾立請假歸居十二年卒昭平生篤於事親敦睦親舊急人疾苦少與弟昫同以學問相砥礪助喜詞賦經學攻漢唐訓詁昭爲學以見諸實事爲主服膺宋五子書能體驗而躬行之撰古今嘉言懿行爲養知錄又於陰陽輿地醫卜算數之書靡不研究晚歲益力學不倦

歲輔通志列傳

412 任邱縣

漢鄴縣地北齊置任邱縣隋廢故城在今直隸任邱縣南唐復置卽今治明清皆屬直隸河間府

清

孫譯字意聖歲貢生精大六壬占每奇驗著大六壬鈴十餘卷

乾隆任邱縣志方技

413

交河縣

漢建威平景成三縣後漢省建威景成後魏徙威平縣治景城隋改曰景城宋省入樂壽金分樂壽治交河縣明清皆屬直隸河間府

清

王蘭生，字振聲，號坦齋，交河人。諸生。康熙間，賜進士。乾隆時，官至刑部右侍郎。管禮部侍郎。蘭生任陝西學政時，凡奇才孤學，通知陰陽歷數者，必提掇獎成之。又出入禁闈十餘年，受聖祖指示，故學無所不窺。凡校周易，折中纂輯律呂正義、數理精蘊、卜筮精蘊、音韻闡微諸種，蘭生之力居多。及卒，私謚文誠。乾隆五年庚申，入祀鄉賢。畿輔通志列傳

414 寧津縣

本漢胡蘇亭，隋置胡蘇縣，唐改名臨津，宋省入南皮，金復置，改曰寧津，縣初在今縣西南二十五里保安鎮，金圯於水，因移今治，明清皆屬直隸河間府。

齊北

吳遵世，字季緒，渤海人。

南皮志，作物海臨津人。

少學易，入恆山，從隱居道士游，處數年，遂明。

占候。後出遊京洛，以卜筮知名。魏孝武帝將卽位，使筮之，遇否之萃，曰：「先否後喜。」帝曰：「喜在何時？」遵世曰：「於象爲剛決柔，其春末夏初乎？」又筮遇明夷之賁，曰：「初登于天，後入于地，若能敬始慎終，不失法度，庶無憂乎。」竟皆如其言。齊文襄王拔爲大將軍，府墨曹參軍。皇建中，武成以丞相守鄴，頻遭疑謗，內懷憂懼，謀起兵。屢令遵世筮，遵世言不勞起兵，自有大慶。事遂寢。及趙郡王等奉太后令，以遺詔徵武

成。武成令更箴之。遵世言。比已占十餘卦。必有天下。願勿疑。及卽位。除中書舍人。以老疾辭。授中散大夫。著易林雜占百餘卷。北齊書北史光緒寧津縣志均方技同治涿州續志光緒南皮縣志藝術

明 張紳。字希賢。寧津人。正統間。以世業入爲天文生。從太監某占攻守。有奇驗。後

隨總兵官石亨征延綏。再隨柳溥征甘涼。多異績。歷擢監副。乞休。掌監事。章軒言紳善察機衡。命紳教習。修改渾儀。在任致仕。留以待就問焉。

清 李鈐。鈐同字珍同。例貢生。中書科額外中書。精天算。善堪輿。凡甘石青鳥以及

醫藥卜筮之書。無所不讀。以上光緒寧津縣志方技

415 景州。漢修縣。附雍縣。元元州。金置景州。改名觀州。治東光。卽今直隸東光縣。元復改景州。徙治德明。省德縣入州。清屬直隸河間府。民國改爲景縣。

魏北 高允。字伯恭。蓀人。蓀。晉條。地理志。蓀縣屬渤海郡。在今河北省景縣境。少孤。夙成。有奇度。性好文學。擔笈負書。

千里就業。博通經史。天文術數。尤好春秋公羊。曾作塞上公詩。有混欣戚。遺得喪之致。世祖時。拜中書侍郎。使以經授中宮。二十七年。不徙官。時百官無祿。尤常使諸子樵薪自給。高宗時。拜中書令。恆呼令公而不名。顯祖卽位。引入禁中。參決大

政。贊帝傳位。高祖進爵咸陽公。允歷事五帝。出入三省。五十餘年。忠勤廉慎。隨事匡諫。多所裨益。軍國書檄旨。皆出其手。卒年九十八歲。贈侍中司空。諡曰文。魏書本傳北史

本傳清一統志  
河間府人物

隋

張胄玄。渤海蓀人。博學多通。尤精術數。冀州刺史趙嘏。嘏晉懷火也日光也薦之。隋文帝。

徵授雲騎尉。直太史參議律歷事。時輩多出其下。太史令劉暉等甚忌之。然暉言多不中。胄玄所推步甚精密。上令楊素與術士數人立議六十一事。皆舊法。久難通者。令暉與胄玄等辨析之。暉一無所答。胄玄通者五十四焉。由是擢拜員外散騎侍郎。兼太史令。賜物千段。暉及其黨八人皆被黜。遂改定新歷。隋書必術北史藝術光緒續通志雜傳清一

統志河間府人物  
唐景州志文學

清

高嵐。字鎮西。景州人。武生。事父母孝。讀書觀大義。精韜略。風角占象醫卜諸術。

善射。發皆中。講穀率者。至今稱高氏焉。續通志人物

清

張鎗。字佩珩。康熙丙子舉於鄉。幼敏慧。善弓馬。父早歿。奉母劉氏惟謹。精琴弈。

醫卜諸藝事。所以承歡也。劉亡哀慟。若將終身不仕。亦不治生產。放懷高澹。築柳亭爲靜室居之。自號餘息閒人。興至潑墨。做米董畫。作文許大幅。所著有柳亭詩文集。燭夜編。雨笑編。畿輔通志列傳。民國景縣志文學。

416 東光縣 漢置。後漢爲侯國。故城在今直隸東光縣東三十里。高齊移於今縣東南二十里。隋移今治。清屬直隸河間府。津浦鐵路經之。

清 王本固字竹村。東光邑庠生。其先以進士起家。世通儒術。性聰慧。承順能得父母歡。工詩善書。兼精繪事。博學衆技。用心之專。至忘寢食。故凡星相醫卜。以及詞曲武藝之類。無不通曉。獨不理生產。惟性之適。雖饕餮不給。仍復陶然。有自得之樂。世以曠達稱。年七十有三卒。著有竹村詩草。光緒東光縣志隱逸。

417 盧龍縣 商孤竹國。春秋爲肥子國。漢置肥如縣。後魏僑治新昌縣。隋省肥如縣。入新昌。改新昌縣曰盧龍。隋末復改盧龍曰肥如。唐仍改盧龍。明清皆爲直隸永平府治。民國屬河北省。

明 韓原善字繼之。別號鵬南。盧龍人。生而穎悟。沉酣經史。旁及青鳥黃石奇門遁甲諸書。登萬曆丁未進士。歷任青浦長洲知縣。累遷戶部郎中。所著有詩文八卷。奏疏二卷。六壬指掌二卷。卒祀鄉賢。畿輔通志列傳。

418 遷安縣

春秋山戎令支國。漢置令支縣。後魏省爲肥如縣地。五代時入遼。置安喜縣。金曰遷安。明清皆屬直隸永平府。今屬河北省。

明

梅如玉遷安人。嘗從遵化牛東陽

號了義

授三元通天照水經二卷。不著作者姓

氏。云得之易水上異人。爲人相。宅百無一失。其言休咎如指掌。嘉靖中。如玉爲河

內尹。以傳邑人張九一。九一謹以付梓。盧龍韓西元詳校。釐爲四卷。

光緒永平府志方技

419 昌黎縣

漢滄縣地。晉以後爲海陽縣地。隋唐爲盧龍縣地。五代時入遼。改縣曰廣寧。金又改曰昌黎。明清皆屬直隸永平府。京奉鐵路經之。

魏北

孫紹字世慶。昌黎人。紹少好學。通涉經史。頗有文才。陰陽術數多所貫通。初爲

校書郎。累官右將軍太中大夫。紹曾與百寮赴朝。東掖未開。守門候旦。紹於衆中

引吏部郎中辛雄於衆外。竊謂之曰。此中諸人。尋當死盡。吾與卿猶享富貴。雄甚

駭愕。不測所以。未幾有河陰之難。紹善推祿命。事驗甚多。知者異之。太昌初壬子。

遷左衛將軍。右光祿大夫。永熙二年癸丑卒。時年六十九。諡曰宣。

魏書本傳圖書集成星命部紀事

國民

李桐音字譜琴。光緒甲午舉人。科舉停。入巡警學堂。畢業歸。創興昌黎全縣警

務。南皮張相國司太學。令各行省。舉經明行修之舉。貢五六人。充經學弟子。桐與

國民

焉。講習周禮爾雅諸書。課餘留心于星命卜筮堪輿之學。畢業後。傷心世變。愈從事于術數之學。又善針法。雖患沈疴。著手病除。民國十六年丁卯。自批流年不利。思遠出以讓之。乃應湯都統之聘。抵熱河。月餘病卒。年六十。子潤嘉。中學畢業。

張元傑。字景芳。事父母。色養無違。親歿。每歲除贍。拜遺像。竟夜涕泣者四十年。爲文不投時好。三應試而不售。遂絕意功名。博覽地理星卜諸書。專于歧黃。而尤精于痘疹科。著有痘科條例。活人無算。日居矮屋。衣敝衣。著麻鞋。酒一壺。詩一卷。因酒成疾。年五十五卒。邑人齊喬年爲之傳。以上民國昌黎縣志方技

420 灤州 漢置海陽縣。北齊省。隋唐爲盧龍縣地。五代時置灤州。又置義豐縣爲州治。元省義豐縣入州。明清皆屬直隸永平府。民國改州爲縣。屬河北省。北寧鐵路經之。

清 王一晉。字鶴山。天姿明敏。讀書目數行下。過書不忘。道光乙未。應鄉試。己中選。因策內訛一字。竟置副車。客召談。李虛中數者。晉取其書讀之。不半月。竟通其奧。乃廢書嘆曰。吾於某年死矣。至期果卒。年未五十也。著有鶴山詩草。嘉慶灤州志方技

421 樂亭縣 漢置驪城縣。後漢省。唐爲石城縣。地。金置樂亭縣。清屬直隸永平府。

明

趙楷、樂亭人。補弟子員。幼聰明。得麻衣訣。然不欲輕以術售人。撫寧翟中丞鵬。家居時。楷望見。輒語人曰。翟當重用。第不終爾。己而果然。王司徒好問。未遇時。意殊鬱鬱。楷曰。君當清貴。可上卿。無憂不第。後亦驗。又自知休咎。言如左券。光緒永平府志方按

清

楊開基。字亦聞。一字復庵。生而聰穎。讀書有奇悟。陰陽數術無不旁通。乾隆戊子。舉於鄉。家居講學。衍姚江一派。遠近問道者。翕然宗之。乙卯成進士。釋褐。選奉天教授。將赴官。門人請撮論學大指。留備參考。乃著家塾問業一編。其綱領云。學者學爲人而已。從中庸探原。而後人可識。以大學爲則。而後人可爲。於論語窺家風。於孟子看作手。約得七千言。到官作儒學明倫篇。著告四庠。以維世道。正人心。爲己任。時比之蘇湖教授焉。光緒樂亭縣志文學

清

李尙德。樂亭人。幼喪明。習日者術。以餬口。晝則賣卜。暮歸學紡績。夜分不輟。以是小有贏餘。奉親必甘旨。而自食粗糲。有兄嗜飲博。不顧家事。春汲煩擱。擱。音擱。拭也。兩手相切。摩也。尙德皆身任之。人謂之瞽孝子。尤敦任恤。兒女家貧乏。不能自存。每斥所有。

以給。其天性愷惻如此。畿輔通志列傳

422 臨榆縣 漢陽樂海屬二縣地。隋置飛縣地。遼置遷民縣。金廢爲遷民鎮。明置山海衛。清改衛爲臨榆縣。屬直隸永平府。今屬河北省。北寧鐵路經之。

清 施誥、臨榆人。乾隆間庠生。善推驗之術。占事奇中。與黃文煥、牛彙征諸君爲詩。社交甚密。時將赴試永平。瀕行。至諸君家告別行期。且與訣焉。諸君怪問之。則曰。此行不生歸矣。諸君阻使勿行。曰。數之所在。不可逃也。相與歔歔而別。幼女未字。以擇壻託於黃。遂攜其子行。及試畢。其子請歸。將就道。沐浴肅衣冠。登車邁行。至蘆峯口。無疾而終。光緒永平府志方技

清 魏文通。字畏齋。其先甘肅清遠人。父永。官山永協把總。因家臨榆。補弟子員。好讀書。手不釋卷。尤究心性理。達於易。旁通醫術。堪輿。病篤。自述其一生艱苦。作孤孽餘生記。以示子孫。道光二十八年戊申。祀鄉賢祠。畿輔通志列傳

423 文安縣 漢置。故城在今直隸文安縣東。唐從今治。五代周屬瀋州。宋移入郭州。尋復回故地。清屬順天府。

金 杜時昇。字進之。文安人。博學知天文。不肯仕進。承安泰和間。宰相數薦時昇。可

大用時昇謂所親曰吾觀正北赤氣如血東西互天。

互古鄂切俗作互竟也言物延長自本端竟後端也

天下當

大亂亂而南北當合爲一消息盈虛循環無端察往考來孰能違之是時風俗侈靡紀綱大壞世宗之業遂衰時昇乃南渡河隱居嵩洛山中以伊洛之學教人從

學者甚衆正大末卒。

金史隱逸清一統志順天府人物康熙文安縣志隱逸

明

紀克揚字令聞號六息其先傳自山左移家文安簪纓累世公生而穎異長而純明嗜讀書善屬文十歲時即能製律呂六藝備嫻碁登逸品諸陰陽象緯卜筮占風歧黃之術無不諳究以至釋典道家之言多所訓詁詩寄少陵之思琴傳安道之法尤其著也。

民國文安縣志藝文

續文獻通考羣廟考至元十二年立伏羲廟於河中武宗至大二年正月詔三皇配位依文廟從祀禮。

# 中國歷代卜人傳卷二十二

潤德堂叢書之八

鎮江袁阜樹珊編次

河北省二

424

保定縣

漢易縣。唐歸義。宋置保定軍。後廢軍爲保定縣。尋復改。金復爲縣。清屬順天府。民國改爲新鎮縣。

清王正中、字仲摠。保定人。崇禎丁丑進士。魯王監國。以兵部職方司主事。攝餘姚縣事。時義軍猝起。市魁里正得一笥付。輒入民舍。括金帛。郡縣不敢誰何。正中既視事。令各營取餉必經縣。否則以盜論。總兵陳梧渡海掠餘姚。正中遣民兵擊殺之。諸營大譁。責正中擅殺大將。黃宗義言於監國曰。梧借喪亂以濟其私。致犯衆怒。是賊也。正中守土。當爲國保民。何罪之有。議乃息。後張國柱從定海入。縱兵焚掠。正中單騎入其軍。呵止之。國柱迄不得逞。尋擢監察御史。諸軍從浙西來會。一聽約束。衆倚之若巖城焉。尋以株連繫獄。論死。獄中有閩人柯仲爛者。精星象。正中

欲從受業。授黃霸從夏侯勝授經事。爲說數年。講習不怠。洞悉天官律呂度數。諸書。後從黃宗義學壬遁孤虛之術。宗義嘆曰。傳吾絕學者。仲撝一人耳。遂造監國魯元年丙戌大統歷。以進。浙東亡。避竄山中。貧不能自存。傍鑑湖佃田五畝。賣卜續食。康熙六年丁未卒。年六十九。著有周易註。律呂詳註。清史稿遺逸 黎洲思舊錄

425 定興縣

秦置范陽縣。隋改曰定興。唐廢。金改置定興縣。明清皆屬直隸保定府。○遺輿通考。晉翁尤註。

元 劉因。字夢吉。保定容城人。通天文陰陽醫學。娶本縣進士楊勛女。正大癸卯。按

金正大朝無癸卯歲。

殆卽徙居定興。

嘗徙居焉。因高見遠識。得周程邵朱諸子書。能發其微。曰。邵至大

也。周至精也。程至正也。朱子極其大。盡其精。而貫之以正也。弟子造門者。隨才器

教之。公卿聞名過謁。或避不見。至元二十八年辛卯。詔爲集賢學士。固辭。三十年

癸巳卒。年四十五。著易繫辭說等書。元史本傳光緒定興縣志寓賢

426 新城縣

戰國時燕督亢地。漢新昌縣。唐析置新城縣。五代晉入遼。宋時與遼分界於此。宣和四年歸宋。賜名城。尋入金。復曰新城。元改新泰州。尋復爲新城。明清皆屬直隸保定府。

許彥。字道謨。小字嘉屯。新城人。少孤貧。好讀書。後從沙門法叔受易。世祖初。被

徵。以下筮。頻驗。遂在左左。參與謀議。拜散騎常侍。賜爵博陵侯。彥質厚慎密。與人言不及內事。世祖以此益親待之。進爵武昌公。拜安東將軍。相州刺史。真君二年辛巳卒。諡曰宣公。

魏書本傳清一統志保定府人物

于鎮南。字雁峯。力強村人。鴻臚寺序班。生而聰穎。弱冠入邑庠。屢試秋闈不第。家居授徒。酷好青烏術。覃思研精。屢得奇驗。嘗曰。理與數相輔而行。因理計數。非迷信也。惟謂吉人自得吉地。寓勸懲大義。人服其論。爭延致之。時鄉里苦宵小竊禾稼。因聯合鄰村組織農林會。按章分職。依約處罰。一方農田。資保障焉。清季設縣議會。被推爲議員。多所建白。鄉人爭訟。往往得一言而解。即便訟者亦私相告戒。勿爲于君知也。民國十七年戊辰卒。年六十九。

周步瀛。字仙舫。方中村人。歲貢生。生而英敏。多智略。喜讀書。凡天文地理醫卜星相之書。無不溜覽。而尤精於數學。著有天元初步及羅盤正誤各一卷。家居授徒。循循善誘。從遊者衆。晚年提倡自治。創辦學校。盡心公益。邑令時倚重之。歲饑。

出倉穀濟里人之貧乏者。而自奉儉約。治家嚴肅和睦。里人以一鄉善士榜其門。  
民國十九年庚午卒。年七十九。以上民國新  
城縣志卷行

427

唐縣漢置。堯爲唐侯國於此。春秋時。北燕之邑也。北齊縣廢。故城在今唐縣東北。隋改置於左人城。唐時復移置。而漢時故城遂廢。今有長古城。在縣南八里。即唐時故縣也。唐後又移今治。明清皆屬直隸保定府。

元 王恂。字敬甫。唐縣人。父良。潛心伊洛之學。又天文律曆。無不精究。恂讀書過目

成誦。劉秉忠見而奇之。薦之世祖。命爲太子贊善。每侍講讀。必發明綱常之道。及

歷代興亡治忽之所以然。又以遼金之事。近接耳目者。區別其善惡上之。嘗與許

衡、郭守敬等。定授時曆。官至太史令。卒。贈司徒。追封定國公。諡文肅。元史本傳清一統志保定府人物

清 楊文衡。邑庠生。管家垞人。幼負文名。工書法。通樂律。兼精陰陽五行術。人以才

子呼之。平生清心寡慾。不染俗塵。因自號曰在家僧。後居山中。獨處養性。足迹別

蠶市者數十年。嘗自吟云。愛我山村遠市蠶。好將無事養清高。草花拂砌紅三面。

茅竹緣牆綠一遭。不讀舊書宗往哲。每裁新句悅詩毫。人情到處皆輪眼。但願長

添酒興豪。一日備香湯沐浴。入靜室中端坐而逝。

光緒唐縣志隱逸

428 容城縣

漢置。後漢省。晉復置。尋又廢。後魏復置。北齊省入范陽。隋爲道縣地。唐初亦置道縣。天寶初復漢故名。故城在今直隸容城縣西北。五代晉初入遼。周移縣於雄州城中。遼又僞置容城縣於巨馬

河北。新城縣界。自此容城之名。南北並置。金初省南容城入北容城。明復遷於巨馬河南。卽今治。清屬直隸保定府。

魏北

徐路善占候。官容城令。世宗時坐事繫冀州獄。別駕崔隆宗就禁慰問。路曰。昨夜驛馬星流。計赦卽時應至。隆宗素信其言。遣人試出城候焉。俄而赦至。時人重

之。魏書藝術附張淵傳

金 劉述字繼先。容城人。素有大志。穎悟絕人。十六七棄舉子業。金亡北渡。刻意問學。天文。歷數。陰陽。醫方之書無不通。往來燕趙間。交游皆天下名士。元耶律中令某執政翰林承旨。王百一以名士薦之。不就。至順天。隱居教授。杜門絕交。至元五年己卯卒。

畿輔通志列傳

429 完縣

戰國燕曲逆邑。漢曲逆縣。後漢改曰蒲陰。北齊省蒲陰。置北平縣。金改曰永平。升爲完州。明廢州爲完縣。屬保定府。清因之。

元 王孚字公信。永平人。幼失父母。卓然能自立。稍長。獵水濱。挽大蛇登岸。張弓射

之。蛇跳躑死。人稱其勇。嘗獨行過大樹下。見石上有遺金。坐守之。日且暮。有婦人號而至。孚詢其故。擲與之。從許衡游。通天文。卜筮兵法。遊學洙泗間。學益進。所至人師禮之。用憲臺薦。教授冀州。以恩封從事郎。泰定四年丁卯卒。年七十有九。

通志  
列傳

國民

高士林。字薰齋。縣之新興村人。孝友篤行。持躬醇謹。幼歲卽嗜讀。弱冠應童子試。輒列前茅。爲縣庠生。歲試考取一等。食廩餼焉。言笑不苟。有古人風。教授生徒。循循善誘。成就者甚衆。性溫厚謙和。無疾言厲色。與人無忤。生平無隻字入公門。鄉鄰咸親敬之。博極羣書。尤通易理。每與人卜筮。預斷如神。身軀魁偉。寡交遊。閉戶課生。終日不出門一步。民國十八年己巳。無疾而逝。壽七十餘。卒之前。遍訪戚友鄰里。談笑竟日始歸。若預知其死而辭行者然。其虛靈不昧。有如此者。

民國完縣  
志勸學

430

雄縣。戰國時燕易邑。漢置易縣。晉易城縣。唐改置歸義縣。五代周置雄州。宋改縣曰歸信。  
賜郡名曰易陽。金仍曰雄州。明初省歸信入州。改州爲縣。屬直隸保定府。清因之。

清

鹿柄。字斗樞。平居重然諾。喜讀書。尤好兵家言。精奇門六壬五行類占諸術。人

呼爲龐神。仙與新城王餘佑交最篤。後徙居壽州東村。一云流寓縣東小過村。有田二百畝。手

種棗千株。結茅數間。見者呼爲高士。其教以六行爲先。六藝次之。文爲末。一時從

其化者甚衆。既老。思歸里。以所居之田置爲義學。留惠村人。五公山人爲之記。乾

獻縣志流寓徐世昌贊輔先哲傳高士民國雄縣志隱逸

清

趙風翔。字羽伯。別號丹崖。子律之曾孫也。年二十。有文名。讀書會意。輒筆記之。

有廣言、觀物、聽音、紀異、四種筆記。尤精於易。著易學指掌六卷。深有得於京房康

節。其卜筮。故稱神驗。民國雄縣志方技

431 安州。宋順安軍。金升爲安州。治高陽。在今直隸高陽縣東。後徙治葛城。明清皆屬直隸保定府。民國改爲安新縣。

明

呂雯。字天章。景泰癸酉。舉鄉試。成化丙戌。吏部奉旨。簡國子生。有才望。能文者。

授監察御史。雯居首選。既入臺中。直諫有聲。人所畏憚。精天文地理。奇門六壬之

術。詔監軍征遼。指授方略。同總兵官趙輔。進戰有功。陞通政司參議。弘治初。拜兵

部左侍郎。卒於官。賜祭葬。舉祀於鄉。圖書集成藝術典術數部名流列傳

432

安定縣

漢侯國。後漢初。馬武從世祖。擊尤來五幡等。進至安定。即此。尋廢。故城在今河北東鹿縣西北。

北魏

鄧淵字彥海。安定人。性貞素。言行可復。博覽經書。長於易筮。太祖即道武帝定中原。

擢爲著作郎。出爲蒲丘令。誅剪姦猾。盜賊肅清。入爲尙書吏部郎。淵明解制度。多識故事。與尙書崔宏參定朝儀。律令音樂。及軍國文記詔策。多淵所爲。從征平陽。以功賜爵漢昌子。加中壘將軍。後因定陵侯叛。有罪誅。太祖疑淵知情。遂賜淵死。既而悔之。時人感愍惜焉。魏書本傳北史本傳作彥海

433

高陽縣

漢置。縣在高河之陽。故城在今直隸高陽縣東二十里。明遷豐家口。即今治。明清皆屬直隸保定府。

明韓允號平齋。善形家。言忠謹。不妄語。一時宦貴雅重之。而願祕其術。不以語諸

兒。曰。是術以心受。諸兒心不肖我。終不以術禍吾兒。嘗爲賈進士王父。塋兩河西。南來下合襟於濡。而地不至濡。尙未竟一舍。負癸抱丁。嘗有所封識而去。後十年。欲有事而忘其處。他師下不可得。則走拉平齋於京師。走地上。立按其處。發番而舊杙見。杙音弋爲之記曰。秋桂在酉。春榜在辰。昌於其子。大於其孫。後一一符焉。

其諸子若孫以明經顯。雍正高陽縣志方技

434 正定縣 本戰國時中山國。東垣邑。漢初置。垣縣。高帝更名真定。宋金皆爲真定府治。元爲真定路治。明爲真定府治。清改正定。仍爲府治。今屬河北省。城湖澤沱河北岸。京漢鐵路經之。

唐 金梁鳳不知何許人。天寶甲午客於河西。今直隸正定縣治善相人時裴冕爲河西留後。

在武威。武威故城。在今甘肅鎮番縣北。梁鳳輒言不半歲兵起。君當以御史中丞除宰相。又言一日

向維。維縣。即今四川廣漢縣治。一日向蜀。四川省。古時爲蜀地。故簡稱四川省爲蜀。一日向朔方。朔方郡。故治在今陝西橫山縣治西。此時公應當

國。冕懼其言深謝絕之。俄而祿山反。冕以御史中丞召。因問三日之兆。答曰。維日

卽滅。蜀日不能久。朔方日愈明。冕志之。肅宗卽位。而冕遂相。薦梁鳳於帝。拜都水

使者。梁鳳在河隴。謂呂諲曰。諲。音因。敬也。君且輔政。須受一大驚怖。乃得。諲後至驛。責

讓驛長。榜之。榜。音邦。答掠也。驛吏武將。性粗猛。持弓矢。雨發。幾中。諲逾牆得免。明年知政

事。李揆。盧允。毀服給謁。梁鳳不許。二人語以情。梁鳳曰。李自舍人閱歲爲相。盧不

過郎官。揆已相。擢允吏部郎中。其驗多類此。爾後佯聾以自晦。新舊唐書方技附袁天綱傳。圖書集成藝術典相術

部名流  
列傳

435

靈壽縣戰國時爲中山國地。漢置靈壽縣。故城在今靈壽縣西。北十里。今名靈壽村。晉穆今治。清屬直隸正定府。

清

牧犢翁。靈壽人。逸其姓名。翁起於牧犢。故稱焉。翁早孤。奇貧。爲人牧。而性穎慧。

聞見輒能識。八九齡時。驅犢至村塾傍。聞童子讀書聲。悉默誦之。然未解何書。問

訊塾師。師曰。四子書也。匈

匈音蓋。求也。

其本。因以童子敝書授之。復爲點次。翁且牧且

讀。遂悟四書奧義。既長。築瓜廬自居。聞藏書者。卽婉轉乞借。借未逾宿。已成誦。不

數年。經史墳典。以及輿圖讖緯。周牌縱橫醫卜諸事。靡不博洽。於是縉紳士大夫。

始知牧犢翁名。邀與遊。亦不拒。早帽芒屨。傲岸自適。或諷以儒冠。曰。我齊民也。奚

借此。又勸其著書。翁言六經而外。盡糟粕耳。聞者歎服。嘗偕友朋。訪華陽蕪蕪雪

浪。劍石舊跡。捫古碑碣讀之。有歎賞其文者。閱十餘年。舉以難翁。翁誦之不爽毫

髮。其強記若此。一日。遍詣親故。辭謂日暮且死。皆哂其狂。翌晨攜酒往候之。審死

故。翁曰。易有之。天地盈虛。與時消息。而況人乎。余諳天官家言。間以律呂氣候。按

之。一身呼吸。爲數若干。屈今午。數止矣。數止安得不死。乃盡出平日親舊。贈遺圖

書箋箠之屬。一一返之。泊午，翁入戶不出。衆視已死。年七十餘。翁廬前一柏，爲其父手植。日盤礴其下。落實輒拾之。久而數石。世稱其至孝云。

徐世昌繼輔  
先哲傳高士

436 元氏縣

戰國趙元氏邑。漢置元氏縣。後漢因之。故城在今元氏縣西北。北齊廢。隋復置。移於今治。清屬直隸正定府。

明 薛仲義，山西河津人。素善卜。子貞，爲元氏教諭。媳齊氏，一夕夢一蛾冠紫衣人

謁見，已而生瑄於學舍。仲義聞其啼聲洪大，遂推之曰：「此兒必振吾宗矣。」時洪武乙巳八月初六日也。瑄自幼卽能詩賦，人皆以天才目之。高陵呂氏，所謂紫衣兆母氏之夢，泣聲動祖義之卜者，是也。及長，瑄究心洛閩微源，至忘寢食。其修己治人，以復性爲主。嘗曰：「自考亭以還，斯道大明，無煩著作。直須躬行耳。」由永樂辛丑進士，陞禮部侍郎，兼翰林學士。以老歸卒。年七十有二。贈禮部尚書，諡文清。隆慶壬申，允廷臣請，從祀先聖廟庭。元氏爲立專祠。

明史儒林光緒  
元氏縣志流寓

清 平章，別號封麓老人。習堪輿，名公鉅卿，交薦舉焉。時衍聖公大母卒，奉諭旨，擴

林建坊，厚幣以迎。章爲辨方正位而去。酬金帛不受。人咸稱贊之。

光緒元氏  
縣志方技

437

贊皇縣

本漢房子縣地。北齊爲高邑縣地。隋折置贊皇縣。宋省入高邑。尋復置。清屬直隸正定府。今爲河北省。

唐李德裕字文饒。贊皇人。少力學。卓犖有大節。敬宗時爲浙西觀察使。武宗時由淮南節度使入相。當國六年。弭藩鎮之禍。決策制勝。威權獨重。宣宗立。爲忌者所構。貶崖州司戶卒。著有次柳舊聞。會昌一品集。集中載有折羣疑相論。堪爲論相之圭臬。其言曰。夫相之相在乎清明。將之相在乎雄傑。清明者。珠玉是也。爲天下所寶。雄傑者。虎兕是也。兕音記。獸名。犛之屬者。頭只一角。文理細膩。其皮堅厚。可以制甲。爲百獸所伏。然清者必得大權。不能享豐富。雄者必當昌侈。不能爲大柄。兼而有之者。在乎粹美而已。余頃歲蒞淮海。屬縣有盱眙山。多珉玉。剖而爲器。清瑩洞澈。雖水晶明冰不如也。而價不及凡玉。終不得爲至寶。以其不粹也。清而粹者天也。故高不可測。清而澈者泉也。故深亦不可察。此其大略也。余嘗精而求之。多士以才爲命。婦人以色爲命。天賦是美者。必將有以貴之。才高者。雖孟嘗眇小。蔡澤折額。亦居萬人之上。色美者。雖鈎弋之拳。李夫人之賤。亦爲萬乘之偶。然不如清而粹者。必身名俱榮。福祿終泰。

張良是也。擇士能用此術。可以拔十得九。無所疑也。唐書本傳會昌一品集外集

438 易州 古燕之下都。隋移南營州。及昌黎郡於此。改曰易州。尋置易縣爲州治。改上谷郡。唐復曰易州。元初省。入州。尋復置易縣。仍爲州治。明初省縣入州。清升直隸州。屬直隸省。民國改州爲縣。俗稱西易州。

金 麻九疇。字知幾。易州人。幼有神童稱。博通五經。尤長於易。春秋正大初。特賜進

士。累遷應奉翰林文字。資性野逸。高蹇自便。遂謝病去。元兵起。爲軍士所得。病死。年五十九。疇初因經義學易。後喜邵堯夫。皇極書。因學算數。又喜卜筮射覆之術。晚更喜醫。與名醫張子和游。盡傳其學。且爲潤飾其所著書。爲文精密奇健。詩尤

工。綴。金史文藝清一統志易州人物。畿輔通志列傳。

明 萬民英。字汝豪。號育吾。嘉靖己酉舉人。庚戌三甲進士。授南直隸武進知縣。遷

河南道御史。巡皇城山海諸關。擢山東僉事。改福建興泉兵備。以復崇武功。晉參議。尋以復興化。晉俸一級。致仕歸里。居三十年。著有三命通會。星學大成。相字心學諸書。畿輔通志列傳。乾隆易州志方技。○早按。彙纂命譜。目錄中載有萬民英。造謂民英爲大寧都司。茂山衛右所軍籍。湖廣江夏人。所據之書。惜不記憶。今閱四庫提要子部術數類二載。有星學大成。明萬民英

撰民英字育善。大寧都司人。並無湖廣江夏字樣。查地名辭典。大寧路。明爲大寧都指揮使司。封寧王懋於此。大寧故城。在熱河平泉縣東北一百八十里。別有大寧新城。在平泉縣北一百里。由是觀之。民英雖是大寧衛軍籍。其爲湖廣江夏人。仍無疑義。今乾嘉易州志。載民英者。蓋彼歷官河南道御史。此寓賢之通例也。

439

定州

定。戰國中山國地。漢置中山國。治盧奴縣。後魏爲中山郡。置定州。高齊改州治盧奴縣。曰安喜。隋改定州曰博陵郡。唐仍曰定州。宋升爲中山府。明初復改定州。以州治安喜縣省入。清爲直隸州屬直隸。

魏國改縣。宋時州人以造查著。世稱定憲。宣和政和間。憲尤佳。

魏北

李先。中山盧奴人。本字同魏。高祖名。改字容仁。先少好學。善相卜。及兵法。風角。

師事清河張御。御奇之。初爲苻丕尙書右主客郎。慕容永聞其名。迎爲謀主。勸永據長子城。永遂稱制。以先爲黃門郎祕書監。封高密侯。及垂滅。永乃徙中山。皇始初。先於井陘歸順。魏太祖召問久之。曰。朕久聞長子城。有李先者。卽卿耶。先起謝。太祖曰。卿知朕否。先曰。陛下聖德膺符。澤被八表。臣安敢不知。太祖後問先祖父。及先所服官。先具言之。未幾。以先爲丞相衛王府左長史。

魏書本傳光緒  
畿輔通志雜傳

元 田忠良。字正卿。中山人。好學。通儒家雜家言。劉秉忠薦於世祖。召見。謂侍臣曰。

雖以陰陽家進。必將爲國用。令試星曆。遁甲諸書。官之。司天。帝問用兵江南。困於

襄樊累年不決。奈何。對曰：在西平矣。十一年甲戌，問南征將士能渡江否。奏曰：明年正月當奏捷。二十年癸未，帝將征日本，召忠良擇日出師。忠良曰：僻陋海隅，何足勞大戈。不聽。後果無功。延祐中，歷官光祿大夫，卒贈太師，諡忠獻。清一統志定州人物

44) 深澤縣

漢置深澤縣，屬中山國。又置南深澤縣，屬涿郡。後漢省深澤，以南深澤爲安平國。後魏曰深澤。故城在今直隸深澤縣東南三十五里。北齊廢。隋復置深澤縣。徙今治。清屬直隸定州。

清

王植，字槐，三深澤人。康熙辛丑進士官至邳州知州。撰皇極經世書解十六卷。

廣引諸家之說以相發明。其考究頗爲勤摯。邵子之數雖於易爲別派，然有此一家之學，亦不可磨滅於天地之間也。四庫子部術數類一

441 深州

隋置，治安平，卽今直隸安平縣治。尋廢。唐復置深州，治陸澤，在今直隸深縣北。改曰瀋陽郡。尋復爲深州。宋移治靜安，在今深縣南二十五里。金元因之。明省靜安入州。徙治吳家莊，卽今深縣治。清爲

直隸州，屬直隸省。民國爲深縣。

清

馬金西，杜家莊人。姿英異，幼業儒，兼精騎射。尤通占卜。諸書與一時士大夫遊。

咸敬禮之。康熙間，授轅門千總。後歸，專力占驗談言。皆中。州侯郭爲額旌之。曰：知未來事。雍正初，壽七十三歲而終。道光深州志方技

清 趙雲孫，字瑤草，深州人。髫年入學，嗜古好奇，旁通奇門六壬，嘗云：武侯木牛流

馬，亦人所能耳。見觀象臺渾天儀，別爲積算一法，簡而能精。卒祀鄉賢。魏輔志列傳

442

安平縣 漢置，高帝封鄧千秋爲侯邑，自晉至北齊，皆爲博陵郡治，清屬直隸深州。

隋 李德林，字公輔，安平人。幼聰敏，年數歲，誦左思三都賦，十餘日便度。高隆之見

而歎異之。年十五，誦五經及古今文集，日數千言。俄而賅博墳典，陰陽緯候，無不通涉。善屬文詞，覈而理暢。北齊天保中，舉秀才，累官通直散騎侍郎、典機密。周武帝克齊，授內史上士。後佐隋文帝定大計，及即位，授內史令。陳平授柱國，爵郡公，被譖，出爲懷州刺史。年六十一卒於官。著文集五十卷，行於世。隋書北史本傳

443

饒陽縣 本越縣邑，後漢置饒陽縣，故城在今縣東北，北齊移治魯口城，在今縣南，隋移今治，清屬直隸深州。

清 劉元龍，字凝焉，饒陽人。父君前，早卒。母患癰，口吮之，居喪盡禮。初應童試，不利，卽棄去。篤志經學，撰先天易貫五卷，自稱歷三十年乃成書。首卷卽數以言理，首河圖，次洛書，附以妙合而凝之圖。次卷卽象以言理，首變卦圖，次八卦圖，綜卦圖。

附以致知格物圖。四卷五卷，卽六十四卦以言理。標舉伏羲大象。孔子大象傳。附以錯卦互卦之解。蓋惟講陳邵之學者也。其謂易不爲卜筮而作。所言似高。而實不然。夫聖人立教。隨時寓義。初不遺於一事一物。三代以上。無鄙棄一切。空談理氣之學問也。故詩之教。理性情。明勸戒。其道至大。而謂詩非樂則不可。春秋之教。存天理。明王政。其道亦至大。而謂春秋非史則不可。聖人準天道以明人事。乃作易以牖民理。無迹寓以象象。無流準以數數。至博而不可紀。求其端於卜筮。而吉凶悔吝進退存亡。於是見之。用以垂訓示戒。曰蓍曰龜。經有明文。曰揲曰扚。扚音勸。著指問也。傳亦有成法。豈取盡性至命之書。而褻而玩之哉。俗儒但見拋玢擲錢之爲卜筮。政音教。杯政占吉凶之器。古以玉爲之。今用兩蚌殼。或竹根爲之。亦作筮。又見夫方技之流。置義理而談趨避。遂以爲侮我聖經。乃務恢其說。欲離卜筮而談易。然則四聖人中。周公居一。公作周官。以三易掌之。太卜無乃先不知易乎。是猶觀優伶歌曲。而謂聖人必不作樂。觀小說傳奇。而謂聖人必不作史也。乾隆元年丙辰。卒。門人私諡曰純靜先生。四庫經部易類存目三歲輔通

志列傳

444

南樂縣

漢樂昌縣，後漢廢，後魏改置昌樂縣，隋省，唐復置昌樂縣，五代唐改曰南樂，明清皆屬直隸大名府。

清 魏養志、南樂人。方正自守，精君平業，且善醫游卜於市，每多奇中。工小楷，動必以禮。鄉黨中凡與接談，皆悚然起敬。

清

高激揚，字清宇，南樂生員，精堪輿術。先世以單丁，激揚病之，於霧雨星月之下，杖履策蹇，覓得一地，父卒葬其中，後遂舉五丈夫子，其長子亦育五男。以上咸豐大名府續志方技

445

長垣縣

本魏之首垣邑，漢置縣，故城在今長垣縣東北十里，隋時移置故國城北，改名曰匡城，唐分匡城置長垣縣，尋省，宋初改匡城為長垣，在今縣西南，金初遷縣於柳家村，在今縣東北，明又遷於蒲城。

即今縣也，清屬直隸大名。

唐

李嗣真，匡城人，博學，曉音律，兼善陰陽推算之術，弱冠明經，時賀蘭敏之受詔

於東臺修撰，奏嗣真弘文館參預其事，敏之恃寵驕盈，嗣真知其必敗，謂所親曰：此非庇身之所也。因咸亨年，京中大饑，乃求出補義烏令，無何，敏之敗，修撰官皆連坐流放，嗣真獨不預焉。調露中，為始平令，風化大行，萬歲通天，至桂陽，自筮

死。日預託桂陽官屬備凶器。依期果卒。撰有明堂新禮。孝經指要。詩品。書品。畫品。

等書。舊唐書  
方技

清 侯靜遠。字玉書。生員。讀書明理。克己愛人。精堪輿家言。識者多禮聘之。長垣縣  
志

長垣縣  
志方技

446 邢臺縣。商時邢都。周初爲邢國。秦置信都縣。項羽改曰襄國。晉併作任縣。隋改  
龍岡邢州。宋又改曰邢臺。明清皆爲直隸順德府治。京滬鐵路經之。

唐 李元凱。邢州人。博學善天文律。歷然性恭慎。口未嘗言人過。鄉人宋璟。年少時

師事之。及作相。使人遺元凱束帛。將薦舉之。皆拒而不答。景龍中。元行沖爲洛州

刺史。邀元凱至州。問以經義。因遺之衣服。元凱辭曰。微軀不宜服新麗。但恐不能

勝其美。以速咎也。行沖乃以泥塗汚而與之。不獲己而受。及還。乃以己之所蠶素

絲五兩。以酬行沖。曰。義不受無妄之財。年八十餘終。唐書隱逸本  
平御覽逸民

元 劉秉忠。初名侃。字仲晦。其先瑞州人。曾祖官邢州。因徙家焉。年十七。爲邢臺節

度府令史。旋棄去。隱武安山中。從浮屠法。更名子聰。世祖在潛邸。僧海雲邀與入

見大悅之。屢承顧問。秉忠於書無所不讀。尤達於易及邵氏經世書。至於天文地理。律曆三式。六壬遁甲之屬。無不精通。論天下事。如指諸掌。癸丑。從世祖征大理。明年征雲南。每贊以天地之好生。王者之神武不殺。故克城之日。不妄戮一人。己未。從伐宋。復以雲南所言。力贊於上。所至全活不可勝計。中統元年庚申。世祖卽位。問以治天下之大經。養民之良法。秉忠采祖宗舊典。參以古制之宜於今者。條列以聞。於是下詔建元紀歲。立中書省。宣撫司。朝廷舊臣。山林遺逸之士。咸見錄用。文物粲然一新。時人稱之爲總書記。至元元年甲子。拜光祿大夫。位太保。參預中書省事。更賜今名。詔以翰林學士竇默之女。妻之。賜第奉先坊。秉忠旣受命。以天下爲己任。事無巨細。凡有關於國家大體者。知無不言。言無不聽。帝寵任愈隆。燕閒顧問。輒推荐人物。可備器使者。凡所甄拔。後悉爲名臣。十一年甲戌。秋八月。秉忠無疾。端坐而卒。年五十九。帝聞驚悼。謂羣臣曰。秉忠事朕三十餘年。小心慎密。不避艱險。言無隱情。其陰陽術數之精。占事知來。若合符契。惟朕知之。他人莫

得聞也。贈太傅、封趙國公、諡文貞。後改諡文正。追封常山王。秉忠自幼好學。至老不衰。雖位極人臣。而齋居蔬食。終日澹然。不異平昔。自號藏春散人。每以吟咏自適。其詩蕭散閒淡。類其爲人。有長春集。玉尺經行世。無子。以弟秉恕子蘭璋後。元史

本傳四庫提要子部術數類存目二

清

張成瀚。字濂滋。幼有異稟。經史之外。醫卜星相靡不殫究。尤邃於天文。同治壬

戌中第十七名舉人。銓授舒城。瀚日坐堂皇。案無留牘。解組後。著有四書輯解。綱

鑑摘要等書。藏於家。

光緒邢臺縣志列傳

清

包儀。字羽修。拔貢生。自順治辛卯。至康熙己酉。七經下第。貧不自存。薄游麻城。

獲皇極經世書。至江寧。寄食僧寺。玩求其旨。著易原就正十二卷。儀之學。既從邵

子入。故於陳搏先天圖。信之甚篤。其書發揮明簡。詞意了然。謂洛書無與於易。每

爻皆註所變之卦。用左氏筮法。其學雖兼講先天。而實則發明易理者爲多。其盛

推圖學。特假以爲重焉耳。

四庫全書提要經部易類六光緒邢臺縣志列傳

447

廣宗縣

漢王國，後漢爲縣，後魏置廣宗郡，治廣宗縣，中興中，又分立南北二廣宗，尋罷，北齊郡廢，隋改縣曰宗城，故城在今直隸威縣東二十里，元分平鄉廣宗縣，明清皆屬直隸順德府。

明

檄大經，字守道，廣宗人。少聰明，日記數萬言，篤志聖賢之學，嘗言學不在尋行

數墨，當自身心始。舉正德丁卯鄉試，先後郡守，高其行誼，以禮敦聘，皆謝不往。年

三十二卒。凡經史百家、兵農醫卜之說，皆究極精微，尤深於禮。著家禮注釋諸書，

皆未脫藁。所遺詩文幾五百篇。

畿輔通志列傳

清

鄭映，字光斗，油堡人。監生。天資穎悟，博覽卜筮星相，堪輿各家言，皆能窺其奧

旨。隣里偶有爭執，力爲排解，不辭勞怨。值歲荒，有鬻妻子者，映聞而阻之，代爲撫

養。

同治廣宗縣志列傳

448

沙河縣

本漢襄國縣地，隋析龍岡地，置沙河縣，以縣南沙河爲名，故城在今縣東一里，五代梁移今治，明初爲河水衝圮，移治西山小屯，尋還故治，清屬直隸順德府。

元

張文謙，字仲謙，沙河人。幼聰敏，善記誦，蚤從劉秉忠，洞究術數，晚交許衡，尤粹

於義理之學。累官左丞，以安國便民爲務。後拜樞密副使，以疾卒於位。年六十八。

元史本傳

清 裴升明，字宜中。歲貢生。贊善人。竭力事親。母嘗病臥九年。晨昏扶持。未嘗稍衰。衣服茵褥。有垢穢。必親浣濯。母卒後。事父尤勤。冬溫夏清。供饌必精。歡言笑語。以悅親心。父壽九十餘。乃終。性篤學。壯歲窮經。惟精於易。遠方多有問卜者。持躬嚴謹。不衣冠。不見客。身不入城市者四十餘年。初艱於嗣。晚得三子。論者以爲孝之所感焉。邑尊溫公、廣文趙公。聞其品望。議舉鄉飲大賓。而公旋卒。年七十有八。乾隆

沙河縣志孝友

清 王鍾玉，字崑圃。與弟鍾秀同列邑庠。性明敏。而志又甚銳。肄業龍岡書院者七載。赴秋試者十三次。終不得悉於有司。僅以明經終。平生博覽羣書。尤邃於易。又旁精歧黃。堪輿卜筮等術。晚年闢廬象山北。優游終老。乾嘉沙河縣志鄉型

449

鉅鹿縣

漢南嶺縣地。隋置鉅鹿縣。舊治東府亭。城在今縣北。唐移於今縣南。宋大觀二年河決。陷鉅鹿縣。詔遷於高地。即今治。明清皆屬直隸順德府。

漢 路溫舒，字長君。鉅鹿人。父使牧羊。截澤蒲爲牒。編用寫字。稍習善。求爲獄小吏。又受春秋。通大義。舉孝廉。累官臨淮太守。治有異跡。卒於官。溫舒從祖父受曆數。

天文以爲漢厄三七之間。張晏曰：三七二百一十歲也。自漢初至哀帝元年二百一十一年也。自平帝崩二百一十一年。上封事以豫戒成帝時

谷永亦言如此及王莽篡位欲章代漢之符著其語焉。漢書本傳藝術典術數部記事

魏北

魏寧鉅鹿人以推祿命徵爲館客武成帝以己生年月託爲異人問之寧曰極

富貴今年入墓武成驚曰是我寧變辭曰若帝王自有法又有陽子術語人曰謠言盧十六雉十四鞬子拍頭三十二且四八天之大數太上之祚恐不過此既而

武成崩年三十二。北史藝術北齊書方技

450 唐山縣。春秋時晉柏人邑。漢置柏人縣。東魏改爲柏仁。唐改曰堯山。金改唐山。明清皆屬直隸順德府。民國十七年改爲堯山縣。

清 樊騰鳳字凌虛西良村人。像貌魁梧。聲若洪鐘。嗜學。不屑時藝。精易數。占休咎

驗如桴鼓。桴音浮。擊鼓杖也。時當明季。四海鼎沸。鳳有撥亂反正志。然靜驗已運。難以有

爲。遂閉戶潛修。留心韻學。著有五方元音。學者宗之。光緒唐山縣志舉行

451 內邱縣。漢置中邱縣。避諱改曰內邱。明清皆屬直隸順德府。京漢鐵路經之。

明 喬中和字還一。內邱人。崇禎中由拔貢生。官至太原府通判。撰大易通變六卷。

一名焦氏易林補。取焦贛易林刪其詞之重複者。而以己意補綴其闕。凡一千餘首。四庫子部術數類存目二

452

曲周縣漢侯國。尋置縣。晉省。後魏改曲安縣。北齊省。隋復置曲周縣。尋廢。唐復置。故城在今直隸曲周縣東北四十里。蓋宋時移今治。明清皆屬直隸廣平府。

清 劉逢源字津逮。貢生。少好讀書。經史星數河洛之學。悉能解會。喜談兵。好擊劍。

一時名士皆從之遊。所著有積書岩及漫興等稿。同治曲周縣志

453

邯鄲縣春秋時衛邑。後屬晉。戰國屬趙。敬侯自晉陽徙都於此。秦置邯鄲郡。漢高帝立張耳爲趙王。邯鄲邯山名。邯盡也。邯山至此而盡。故名。後漢仍爲趙國治。東魏時廢。改易陽爲邯鄲。故城在今直隸邯鄲縣西南十里。呼爲趙王城。隋復置。徙今治。明清皆屬直隸廣平府。

清 楊上林字御園。賦性聰敏。家道寒窘。安貧知命。平日研究氣功。得道家修養之

術。故年逾古稀。而精神壯健。素精易學。手不釋卷者二十餘年。深明吉凶消長之理。其推造命卜休咎多奇中。遠近交譽。爲神卜。且爲人占算時。每言因人發。勉其向善消禍。大有成都君平之風。

清 高德亮字采邦。庠生。少潛心奇門遁甲等書。得其深奧。鄉人每以歲之豐歉事

之吉凶。請其占驗。無不談言微中。此外於子平堪輿諸書亦頗有研究。云。乾隆邯鄲縣志藝術  
清 王天河。素精周易。善占卜。爲人筮休咎。輒有奇驗。其子青田。字葵心。庠生。繼父業。亦以卜名於時。

清 王朝清。字真庵。庠生。性敏捷。少習舉業。因不第。遂潛心於星沙龍脈之學。知命之後。閱歷既深。經驗亦富。心卽有所獨得。每爲鄉人看地。輒取遠大之勢。絕不沾沾於小巧局面。察視日久。所有邯武一帶之山川形勢。罔不羅列胸中。故經其所看之地。所點之穴。雖無鉅大富貴之表徵。然亦莫不平正通達。家道稱小康焉。以上

乾隆邯鄲縣志藝術

454 斥邱縣 春秋時晉乾侯邑。漢侯國。後爲縣。關圖云。地多斥鹵。故曰斥邱。高齊改置成安縣。而故城廢。其地在今成安縣東南三十里。

晉 黃泓。字始長。斥邱人。父沈。善天文祕術。泓習其業。永嘉之亂。避居幽州。聞慕容

廆。廆。晉驪。驪也。驪。音驪。論也。法政修明。虛懷引納。乃率宗族歸之。廆待以賓禮。引爲參軍。指說

成敗事。皆如言。及黜嗣位。黜。戶廣切。晉。遷左常侍。領史官。石季龍攻黜。將走遼東。泓

曰賊有敗氣。不過二日必潰。宜嚴爲追擊之備。甄曰。今寇盛言敗。何也。泓曰。勿疑。及期季龍果退。甄益奇之。及慕容備僭號。署爲進謀將軍。太史令。關內侯。許敦害其寵。詔事慕容評。設異議以毀之。乃以泓爲太史靈臺諸署統。泓待敦彌厚。不以毀己易心。慕容暉敗。以老歸家。歎曰。燕必中興。其在吳人。恨吾年過不見耳。年九

十七卒。卒後三年。僞吳王慕容垂興焉。

晉書慕容暉正河南通志方技光緒畿輔通志雜傳

455 成安縣 春秋晉乾侯邑。漢置斥邱縣。北齊置成安縣。唐復曰斥邱。五代後唐。復曰成安。明清皆屬直隸廣平府。

唐後

劉叟。成安人。後唐莊宗敬皇后父。黃鬚。善醫。卜自號劉山人。

五代史唐家人傳光緒廣平府志藝術

456 武城縣 戰國時趙邑。漢置東武城縣。晉去東字曰武城。故城在今山東武城縣西北。齊移縣於故信成縣。在今北平清河縣西。

魏北

崔長謙。武城人。休弟。蚤子名慙。以字行。幼聰敏。爲青州司馬。賊圍城二百日。長

謙讀書不廢。凡手抄八千餘紙。天文律曆醫方卜相風角鳥言靡不開解。晚頗以

酒爲損。兼散騎常侍。使梁將行。謂人曰。我扈在吳國。

扈。晉厄。困也。

忌在酉年。今恐不免。

及還。未入境。卒。年二十八。贈南青州刺史。

北史附崔暹傳

魏北

崔浩字伯淵。北史云字伯深。武城人。少好學。博覽經史。玄象陰陽百家之言。無不該覽。

研精義理。時人莫及。弱冠爲通直郎。轉著作郎。後擢爲司徒。太宗好陰陽術。數聞

浩說易及洪範五行善之。因命浩筮吉凶。參觀天文考定疑惑。浩綜覈天人之際。

舉其綱紀者。數家多有應驗。恆與軍國大謀。甚爲寵密。是時有兔在後宮。檢無從

得入。太宗怪之。命浩推其咎徵。浩以爲當有隣國貢嬪嬙者。嬙音嬙。嬙音嬙。嬙音嬙。善應也。明年

姚興果獻女。魏書本傳圖書集成術數部名流列傳

崔罔。同俱永切。與罔同。光也。字法峻。武城人。景哲子。幼好學。汎覽經傳。多技藝。尤工相術。仕

魏爲司空參軍。齊武平中。爲散騎常侍。假儀同三司。從幸晉陽。謂中書侍郎李德

林曰。比日看高相王以下文武官人。相表俱盡。其事口不忍言。惟第一人更應富

貴。當在他國。不在本朝。吾不及見也。罔性廉謹。恭儉自修。所得俸秩。必分親故。終

鴻臚卿。臨終。誠其二子曰。夫恭儉福之輿。侈禍之機。乘福輿者。浸以康休。蹈禍

機者。忽而傾覆。汝其戒之。吾沒後。斂以時服。祭無牢餼。棺足周屍。瘞不洩露而已。

及卒。長子修、遵父命。北史附崔暹傳。宣統山東通志藝術。

457 威縣 漢鉅鹿縣地。後漢廣宗。石趙建興。隋宗州。金改洛水縣。元自并陞移威州來治。省洛水。入威州。明降爲威縣。屬廣平府。清因之。

清 徐萬甲 威縣武庠生。性溫和。拳勇堪輿卜筮悉精通。光緒廣平府志藝術。

458 清河縣 後漢清河國。故城在今直隸清河縣東。北齊始移清河縣於故信成縣。改曰武城。隋改武城縣曰清河。在今縣北。唐徙今治。明清皆屬直隸廣平府。

魏道虔 清河人。長於陰陽卜筮之術。肅宗時爲奉車都尉。趙法暹、顯祖、高祖時

以占卜知名。張裕以占相之術名。魏書光緒廣平府志藝術。

459 盜陽縣 北周置。明省。今屬北平磁縣治。

唐 李傑 本名務光。盜陽人。擢明經。好讀相人書。觀色察形。難逃神鑑。聽斷精詳。人吏愛之。爲河南尹時。有寡婦告其子不孝者。傑物色非是。謂婦曰。子法當死。無悔乎。答曰。子無狀。寧其悔。乃命市棺還斂之。使人迹婦出。與一道士語。頃持棺至。傑命捕道士按問。乃與婦私。不得逞。傑殺道士。內于棺。傑官至御史大夫。封武威縣子。開元六年戊午卒。帝悼之。特贈戶部尚書。新唐書本傳。相法證驗。

460

冀州

古九州之一。今河北山西二省。及河南黃河以北。遼寧遼河以西之地。釋名。冀州地有險易。帝王所都。魏則冀治。蜀則冀強也。周漢皆有冀州。後漢冀州刺史治鄴。故城在今河北柏鄉縣。北漢末治鄴。故城

在今河南臨漳縣西南。魏移置信都。即今河北冀縣治。晉治房子。故城在今河北高邑縣西南。南朝宋治。歷城。即今山東省治。後魏復治信都。歷代因以其地爲冀州。清時州屬直隸。民國改爲冀縣。○鄴。晉略。

唐後

周元豹。燕人世爲從事。元豹少爲僧。其師有知人之鑒。從遊十餘年。盡悴無憚。師知其可教。遂傳其祕旨。既長。還鄉歸俗。時盧程猶爲道士。與同志二人謁焉。元豹退謂鄉人張殷袞曰。適二君子明年花發。俱爲故人。唯彼道士。他年甚貴。來歲二子果零落於趙魏間。又二十年。盧程登庸於鄴下。後歸晉陽。張承業信重之。言事數中。明宗時爲內衛都指揮使。承業俾帝易衣。列於諸校之下。以他人詐之。曰。此非也。元豹指帝於末綴曰。骨法非常。此爲內衛太保歟。咸服其異。或問帝之前程。惟云末後爲鎮州帥。時懿皇后夏氏。方侍巾櫛。時有忤旨。大犯積楚。積。音賈。或作揅。揅也。覆楚。二木名。古用爲扑撻之具。字亦作夏楚。元豹偶見之。曰。此人有藩侯夫人之位。當生貴子。赫怒因解。其言竟驗。太原察判司馬揆。不同舍。留其居。忽謂揆曰。公五日之內。奉使萬里。未見回期。揆數日後。酒酣。坐爲衣領。扼之而卒。明宗自鎮帥入纂。謂侍臣曰。周元豹昔曾

言朕事頗有徵。可詔北京津置赴闕。趙鳳曰：袁許之事。元豹所長。若詔至輦下。卽爭問吉凶。恐近於妖惑。乃令就賜金帛。官至光祿卿。年八十而卒。又嘗與蜀高祖

預說符命嗣主之事。至於雲龍將相。其言無不符驗。

光緒順天府志方技

魏北

殷紹長樂人。

長樂卽今河北冀縣治

少聰敏。好陰陽術數。遊學諸方。達九章七曜。世祖時爲

算生博士。給東宮西曹。以藝術爲恭宗所知。太安四年夏。集成四序堪輿具表。上之。遂大行於世。

魏書術藝光緒緒冀州志藝術

遼

樂先生居燕山。

燕山在河北燕山縣東南

設卜肆。常勝軍校龐太保妻耶律氏。特就樂問命。卦

成。樂驚曰：平生所閱人。無如夫人之貴。非后妃。不足以當之。今服飾若此。何也。耶律笑曰：吾夫一營卒耳。近以微功。方遷首隊。猶未免飢寒。安望王侯。樂曰：夫人不大貴。吾當焚五行之書。旣而金人滅遼。首領烏珠至燕。見耶律氏美。納之。而殺其夫。後封越國王妃。妃方頤修頰。明眸華髮。權略過男子。烏珠驚畏之。先公在燕時。熟識其狀。予奉使日。接伴使曰：工部侍郎龐顯忠。蓋耶律在龐氏時所生也。

夷堅志光緒畿

輔通志  
方技

遼

王白，冀州人。明天文，善卜筮。晉司天少監。太宗入汴，得之，應歷十九年己巳。

保卽

真元

王子札穆

原作只沒

以事下獄。其母求卜，白曰：此人當王，未能殺也。毋過憂。景宗

卽位，釋其罪，封寧王。果如其言。宋太祖收晉，水浸河東之軍。晉危，使殿直程再榮入遼求援。叩於白曰：敝邑危蹙不保。白曰：晉必無患。南兵五月十七日當回。晉次日必大濟。再榮因問他日安危之數。白曰：後十年晉破，破卽掃地矣。是年宋師果不克晉。迨後十年，當太平興國四年己卯，方平晉壘。凡決禍福多此類。保寧中，歷彰武興國二軍節度使，撰百中歌行於世。年八十卒。

遼史方技光緒  
畿輔通志雜傳

明

陳後，字啓光，號腐齋。詩文書畫，與兄復齊名。尤精堪輿之學。用薦任欽天監博

士。子漢，繼其業焉。

光緒畿輔通志方  
技及畫史彙傳

461

南宮縣

漢置，呂后封張敖子僂爲南宮侯，齊廢。隋復置，故城在今直隸南宮縣西北。明時縣城爲凉水所圯，遷於舊城東三里之飛鳳岡，卽今縣。清屬直隸冀州。

清

牛秀山，字蔚然。大屯村人。簡樸渾厚，精通易數。爲人卜休咎，輒奇中。時有君平

之目。

清 杜延球，邑庠生。字磐玉。孝昌村人。品格卓異。生平訓徒。多所成就。後研窮周易。格太乙經。六壬尤探其妙。同治壬戌。鄉黨避亂。問卜言東南吉。後果如其言。與胞姪孫紀墀。批四柱。摩其頂曰。早入泮池。後果然。以上道光南宮縣志方技

清 劉芳，字信庵。歲貢生。幼聰穎。篤志好學。生平於書無所不讀。而性情高曠。不慕榮利。四赴京兆試。三薦不售。每值大比。或有勸駕者。則曰。功名身外物。得失何關。吾豈老死而後止者。比也。設帳授徒。計六十年。遊其門者。多所成就。尤邃於易。旁通六壬奇門之學。人有疑難事。就決輒奇中。然初不欲以此見也。生平著有易學入門。左傳提綱待梓。年八十三卒。人稱通儒。道光南宮縣志列傳

清 王松齡，字鶴籌。天資聰敏。業歧黃。外科尤精。燒五色丹。獨得金鑑不傳之秘。兼通術數。以指訣符呪救人。急又神於黃帝宅經及青烏子所授諸書。爲人卜吉無不驗。殆古方士之流亞也。道光南宮縣志方技

462

新河縣

漢堂陽縣。後晉蒲澤。宋初爲新河鎮。置縣於此。尋省。元初復置。故城在今直隸新河縣西。河溢城圯。因移今治。清屬直隸冀州。

清

焦日茂善卜。易斷無不驗。人比之嚴君平。管公明云。

清

劉君佑字願三。精歧黃術。斷生死無或爽者。又習青烏術。爲人遷葬地。亦有驗。

光緒新河縣志藝術

463

棗強縣

漢置。亦作棗強。爲侯邑。後漢省。其地屬木里。故名。故城在今直隸棗強縣東南。北齊自故城移於今縣東三十里廣川城。隋又移於今縣東南。金河溢城圯。移今治。清屬直隸冀州。

清

張希載字又厚。性溫厚。終身與人無爭。以讀書作文爲樂。尤工書法。得之者如

獲珍璧。然數奇。屢試不售。遂棄舉子業。習奇門術。以卜休咎。十不失一。年逾九十。

猶爲蠅頭書。道光初。與族弟克玉。族子元修。族弟際盛。皆年逾九十。元旦四人同

堂。人稱四老。以爲盛朝之人。瑞云。

嘉慶棗強縣志補正

清

王昌字禹聞。寧紹臺道坦弟也。候選州同。性行醇粹。六齡喪母。哀毀如成人。父

疾。侍湯藥。衣不解帶。比歿。徧擇吉壤。安於高原。著有地理八書。事兄如父。雖隔數

千里。有吉凶事。必稟命而行。家居務勤儉。讀書通大義。時與人談忠孝節義事。如

懸河東瀉。人皆樂聽之。居恆以名義自教。常曰。時無古今。在人自立耳。矜己長。莫若稱人善。揚人惡。莫若摘己過。語多爲儒者所未至。嘉慶襄強縣志列傳

464

廣川縣

漢置。城中有長河爲流。故名。漢爲侯邑。後漢置廣川王國。後燕慕容垂嘗於此置廣川郡。尋廢。北齊縣廢。故城在今襄強縣東三十里。

漢

董仲舒。廣川人。少治春秋。孝景時爲博士。下帷講誦。三年不窺園圃。武帝時。以

賢良對天人三策。爲江都相。後爲膠西王相。以病免。仲舒治國。以春秋災異之變。推陰陽所以錯行。故求雨閉諸陽。縱諸陰。其止雨。反是行之一國。未嘗不得所欲。嘗言仁人正其誼。不謀其利。明其道不計其功。爲漢醮儒。免官家居。朝廷如有大議。常遣使及廷尉。就其家問之。年老以壽終於家。著有春秋繁露。行於世。前漢書本傳

465

趙州

後魏置。趙郡。隋置慶州。唐改曰趙州。尋復曰趙州。又改趙州。尋曰趙郡。復曰趙州。宋升爲慶源府。金復曰趙州。改曰沃州。元復曰趙州。治平縣。明省平縣入州。清爲直隸州。屬直隸省。民國改爲趙縣。

魏北

耿玄。鉅鹿宋子人。善卜。占坐於室內。有客叩門。玄已知其姓字。并所齎持。及來

問之意。其所卜筮十中八九。別有林占。世或傳之。而性不和俗。時有王公欲求其筮者。玄則拒而不許。每云。今既貴矣。更何所求而復卜也。欲望意外乎。代宗法禁

嚴切。王公莫不驚悚而退。故多見憎忿。不爲貴盛所親。官至鉅鹿太守。顯祖高祖時。有渤海高道誕。並有名於世。世宗肅宗時。奉車都尉周特。魏郡太守章武。高日光。任玄智。雍州潘捺。並長於陰陽卜筮。故玄於日者之中。最爲優洽。魏書藝術光緒趙州志方技

宋

馬韶。趙州平棘人。

平棘。故城。在今河北趙縣北。

習天文三式。開寶中。太宗以晉王爲開封尹。禁

私習天文。太宗親吏程德玄。與韶善。以禁故。不與韶往來。九年丙子冬十月十九日。旣夕。韶忽造德玄。德玄恐甚。詰其所以來。韶曰。明日乃晉王利見之辰。韶故以相告。德玄惶遽。入白太宗。太宗命德玄。以人防守之。將聞於太祖。及詰旦。太宗入謁。果受遺踐阼。薛。晉神。遇順。天子之位。曰。薛。言爲天下主。韶以赦獲免。踰月。擢韶爲司天監主簿。太平興

國二年丁丑。遷太僕寺丞。改祕書省著作佐郎。歷太子中允祕書丞。出爲平恩令。召還。復舊官。判司天監事。就遷太常博士。淳化五年甲午。坐事謫博興令。移長山令。秩滿歸鄉里。卒於家。宋史方技光緒說輔通志雜傳

466

平棘縣

漢封林黎爲侯邑。後爲縣。後漢時謂之南平棘。晉亦曰平棘。故城在今直隸趙縣南。後移今趙縣治。明省。

隋 李士謙，字子約，平棘人。少孤，事母以孝聞。年十二，魏廣平王辟爲參軍。後脫身

詣學，研精不倦。遂博覽羣籍，兼善天文術數。北齊時，屢徵辟，皆不就。及隋有天下，

畢志不仕。家富於財，躬處節儉。每以賑施爲務。有兄弟分財不均，至相鬪訟。士謙

出財補其少者，令與多者埒。兄弟更相推讓，卒爲善士。嘗出粟數千石，以貸鄉人。

值年穀不登，悉召債家對之燔契。歲大饑，罄家資爲糜粥，全活萬計。收埋骸骨，所

見無遺。趙郡民德之，撫其子孫曰：「此李參軍遺惠也。」開皇八年戊申，卒於家。會葬

者萬餘人，相與樹碑於墓。隋書隱逸傳  
一統志人物

467 高邑縣 漢鄆縣，後漢改爲高邑，故城在今直隸柏鄉縣北。北齊徙高邑於漢房子縣界，即今治。清屬直隸趙州，京漢鐵路經之。

魏北 睦夸，一名旭，高邑人。少有大度，不拘小節，耽好書傳，未曾以世務經心。好飲酒。

浩然物表，高尚不仕，寄情邱壑。少與崔浩莫逆之交。浩爲司徒，浩通玄象百家之言，官司司徒，詔總理史務，作圖書

三十卷，立石以彰直筆，國人憤嫉，稱於帝，誅之。奏徵爲中郎，辭疾不赴。或謂夸：「吾聞有大才者必居貴仕，子

何獨在桑榆乎？」遂著知命論以釋之。及卒，葬日，赴會者如市。無子。北史隱逸圖書集成成人事典命運部紀事○明

西村崎人小隱書敬憲子曰。予嘗考論古今縱逸傳。至北史見陸夸。著知命論。於是喟然嘆曰。嗚呼。命也者。稟於有生之初者也。死生壽夭。貧賤富貴。以至存亡得喪。榮辱顯晦。蓋皆一定。人不可得而易。亦非人之可能而易也。知命則不怨天尤人。而修身以待之。由是於一切儼然之遇。來莫之迎。去莫之將。且復安於命。而無所用易矣。是故知命者大快活法也。安命者天休歇事也。小隱者未達乎此。而欲與天爲徒。得手。

續通典禮典。宋太祖乾德元年詔云。先代帝王載在祀典。或廟貌猶存。久廢。或陵墓雖存。不禁樵採。其太昊氏等。各置守陵五戶。歲春秋祀以太牢。

續通典禮典。金制。前代帝王。三年一祭。以仲春之月。祭伏羲於陳州。

又洪武元年三月以太牢祀三皇。初仍元制。以三月三日。九月九日。通祀三皇。

清朝通典禮典。聖祖仁皇詔定祭典。上自伏羲。下逮有明。凡曾在位者。除無道亡國之君。皆得奉主入廟。

# 中國歷代卜人傳卷二十三

潤德堂叢書之八

鎮江袁阜樹珊編次

## 山東省一

山東省在我國東部。爲沿海各省之一。古青兗二州。兼徐豫二州之地。春秋時爲齊魯諸國地。故別稱曰魯。秦置齊郡。漢爲青兗徐三州地。唐分屬河南河北兩道。宋初分屬京東河北兩路。金改京東爲山東。始有山東之名。以太行山之東也。元置燕南河北山東諸道。直隸中書省。明置山東布政使司。清置山東省。民國仍之。其地突出海中。北臨渤海。東北及東南皆濱黃海。南界江蘇。西南界河南。西北界河北省。會曰歷城縣。

468

歷城縣 戰國齊歷下邑。漢置歷城縣。明清皆爲山東濟南府治。民國廢府。仍以歷城爲省治。今道廢。有商埠在城西五里溝。清光緒三十年。自行開放。津浦鐵路經之。膠濟鐵路終點於此。

明 周繼字志齋嘉靖乙未進士授任邱知縣。歷任太僕卿。應天巡撫。勅條鞭法。音

創通作創  
造法創業也

疏奏報可。天下便之。時劉汝國叛。旋經勦復。上賜銀幣勞之。遷南京戶

部侍郎。歷官愛士恤民。本諸天性。課試諸生。講藝談道。無倦期。士習翕然丕變。尤精陽宅之術。萬曆丙戌。署應天府印。謂儒學文廟。坐乾朝巽。而學門居左屬震。廟後尊經閣。高大主事。廟門與學門。皆受乾金之尅。陽宅以門爲氣口。生則福。尅則禍。於是以抽爻換象。補瀉之法。修之於坎位。起高樓曰青雲樓。高於尊經閣。以洩乾金之氣。而以坎水生震巽二木。以助二門之氣。又於廟門前豎巨坊。與學門之坊並峙。以益震巽之勢。於離位造聚星亭。使震巽二木生火。以發文明之秀。又以泮池河水。不蓄於下。流造木橋。以遏之。修理甫畢。遷應天巡撫。語人曰。十年間。春闈必首占三榜。秋試必中至十餘人。及戊子鄉試。中者僅三人。榜出。繼愕然。乃下檄委一縣佐。撤去學門碑屏。易以木。語人云。來春口都不發大魁。吾卽不信吾術。己丑。焦竑果殿試第一。乙未。朱之蕃亦殿試第一。戊戌。顧起元亦會試第一。殿試第三人。皆以爲神。著陽宅書若干卷。

清 賈延齡字字九。濟南府歷城縣人。九歲而孤。賴母馬氏撫以成立。警才駿發。每思以文學繼家聲。授室後。食指日繁。乃棄儒就商。雖改業而上承母訓。課子讀書。未嘗寬假。延齡在齋。綱垂三十年。爲歷任運司所倚重。性慷慨。好施與。於地方善舉。無不爲衆人之倡。費數千金。不少吝。如建義學。捨棺木。施義田。建節孝祠。皆相繼舉辦。添建學院考棚。號堯。改修貢院號舍。費款尤鉅。大吏爲請於朝。加級紀錄。至今士林尤感頌之。其他輕財好義。難以枚舉。平居肆力學問。精醫卜。善堪輿。著有地理切要。陽宅知要。若干卷。藏於家。子二。長懋官。利津縣訓導。次重熙。道光甲

辰科舉人。

宣統山東通志人物補遺

清 嚴組璋字笠樵。歷城人。咸豐戊午第二名舉人。屢上春官不第。進效力神機營。以功敘知縣。分發安徽。歷署廬江。蕪湖。石埭。霍邱。補來安等縣知縣。盡心民事。案無留牘。所在循聲卓著。洵保直隸州。海。晉。薦。再也。遂引疾歸家。以著述自娛。有四書講義。兼通醫卜。尤精星學。光緒癸卯卒。宣統山東通志人物

469 章邱縣

漢陽丘者二縣地。北齊徙置高唐縣於此。隋改曰章丘。取縣南章丘山爲名。宋置清平軍。後軍廢。仍爲縣。明清皆屬山東濟南府。膠濟鐵路。經其南境。

明

張可壽字福同李氏舊僕也李氏原籍江南海州其先人爲方正學之友永樂

初癸未遇禍死幼子顯甫雖襁褓可壽竊負逃居章邱大溝塹復徙舊軍鎮始至無以爲生乃賣卜以給顯長居人知其故無敢與爲婚者其妻田氏欲子之可壽曰乘人之危不仁干主之分不義不仁不義吾不爲也以女妻之家亦稍裕其後李氏子姓蕃衍春秋奉祀必及於張道光章邱縣志義行

470 鄒平縣

漢置晉省。故城在今山東鄒平縣北。隋自梁鄒城移平原縣入鄒平城。改爲鄒平。唐移於今縣北孫家鎮。宋移治濟陽城。即今治漢梁鄒城也。明清皆屬山東濟南府。

元

安仁甫鄒平人家黃山下樂耕讀訓子孫以農圃醫卜不習詞章之學嘗建二

亭。一曰山朝。一曰野市。年七十餘而卒。

道光鄒平縣志隱逸。宣統山東通志隱逸。

471 長山縣

漢於陵縣地。南朝宋。獨立武強縣。隋改曰長山。明清皆屬山東濟南府。膠濟鐵路經其南。

元

張公直苑城人通諸子百家尤精曉天文地理之學好吟咏縣舉爲陰陽訓術

未幾辭去杜絕人事隱居南村種植槐柳成行人號其所居爲槐行至正間累徵

不起。詔旌其門。仍復其家。

明 李第、黃山前里人。幼嗜學。精形家。言嘗遇異人。得黃白術。子孫求其道。輒拒之。曰：人富則侈。侈則忘其性。之所有。恐爾等禍及身也。卒不傳。抱道自重。劉相國安岳陽曾貽以多金。堅辭不受。年八十餘。終於家。子萬祚。爲諸生。亦藝園隱居。壽九十六。

清 聶庭、字子清。澤遠子。居城南長白之東麓。世業儒。庭獨善青鳥家言。能不惑於禍福之說。乃棄舉業。以布衣終。晚好藝菊。每風日晴佳。招二三知舊。相與吟賞。爲笑樂。視世間榮利泊如也。子三人。皆有行誼。長兆元。邑庠生。以上嘉慶長山縣志隱逸

472 新城縣 元以長山縣之驪臺地置。明清皆屬山東濟南府。民國改爲桓臺縣。

清 齊克昌、字駿發。性聰穎。精天文地理。壬遁風角諸書。棄諸生。入欽天監。以漏刻科博士。與修協紀。辨方布算。精確占次。多奇中。累陞至監副。在監摺奏多祕。人不得聞。亦不令子孫習星卜事。年老退休。著有朱註詳解。卒年八十一歲。民國新城縣志人物

清 陳源長字子魯新城人諸生負奇氣精風角占及六壬太乙之術鄂文端勲黔省諸苗時嘗與參軍事晚年絕口不以語人年八十餘卒

清 何觀光字子尙號太癡新城人廩生幼有神童之目精於星卜之學何端簡甫垂髻爲卜其科第官階一一不爽布算至六十四擲筆曰惜不能逾此後果如其言自謂終於某時至期無疾而逝

清 王恂字誠菴新城人清癯恬淡好老子書有道士來居宅畔廟中人呼麻道人多異跡恂師事之久出書四卷授恂竟去不見恂試其術輒驗逢大旱爲壇誠禱是日天無纖翳正午有雲如片席冉冉至仰叱之傾刻四布大雨如注濟上旱甚桑中丞招之往甘澍應時降酌以金帛不受漁洋山人以神麻立應額其門北平黃崑圃延爲卜地有靈驗歿之前日戒其養子勿他出晨飯後沐浴衣冠卓午仰臥而瞑

以上道光濟南府志方技○珊按河北省唐縣之王恂乃是元人與此迥異不得以姓名相同而忽之

473 齊河縣

漢祝阿縣地唐禹城縣地宋置耿濟鎮金分置齊河縣明清皆屬山東濟南府津浦鐵路經之

明 王思理，字東泉。孝友端方。尤精星學。子二，澤祿、澤福，均有行誼。

清 袁泉，字朝宗。廩生。研窮周易，孜孜不倦。年六十，兩目忽盲，而數學愈精。與人言

休咎多驗。

以上民國齊河縣志儒行

474

濟陽縣

春秋齊著邑，漢置著縣，北齊省。隋唐爲臨濟縣地，宋爲章丘縣地。金初，析章丘臨邑二縣地，置濟陽縣。明清皆屬山東濟南府。

清 張爾岐，字稷若。號蒿庵。濟陽人。明季諸生。入清，隱居教授。不求聞達。身愈困。學

愈篤。凡天人性命，無不畢究。旁通壬遁。又善風角。嘗曰：學者一日之志，天下治亂之源。生人憂樂之本。尤精三禮。有儀禮鄭注句讀、儀禮考注訂誤、周易說略、春秋傳義、夏小正傳注、蒿庵集、蒿庵閒話等書。又著有風角書八卷，載入清史稿藝文術數類占卜之屬。

清史稿儒林山東通志人物

清 王祖蘭，優廩生。邃於易精六爻課。每爲人卜未來事，所談休咎無不應。

民國濟陽縣志藝術

475

長清縣

漢置盧縣，北齊廢。隋改置長清縣。故城在今山東長清縣東南三十里。宋徙城於縣之刺榆，即今治。明清皆屬山東濟南府。津浦鐵路經其東。

元 李堅，長清人。號麻衣先生。長於風鑑，嘗賣卜於長安市。審天窮通，無不切中。來

遊長清。每以藥濟人。或預告人休咎。無不驗。年逾百歲。一日過石澗鋪。謂人曰。某日吾葬此。至期果化去。按長清縣東山有麻衣洞。是其隱處。道光濟南府志方技

476 泰安縣

漢博嶺。秦高三縣地。宋曰泰符。金爲泰安州治。明省縣入州。屬山東濟南府。清雍正十三年。升州爲府。設泰安縣爲府治。民國廢府留縣。津浦鐵路經之。

晉

汝上老人。善風鑑。羊祜字叔子。泰山南城人。嘗遊汝水之濱。遇老人謂之曰。孺

子有好相。年未六十。必建大功於天下。既而去。莫知其所之。祜後建平吳之策。卒時年五十八。後二歲而孫皓平。羣臣上壽。帝執爵流涕曰。此羊太傅之功。因以剋定之功。祭告祜廟。以此而驗。汝上老人之言。則已素定於六十年前矣。功名之際。豈可僥倖其或成哉。又嘗有善相墓者。言祜祖墓有帝王氣。若鑿之則無。祜遂鑿之。相者見曰。猶出折臂三公。後祜因墮馬折臂。位至三公。信乎墓之有吉凶。不誣也。晉書羊祜本傳古今類事相兆墓兆門

宋

開懷道民。精星命之學。東平王編修。贈詩有云。開懷道民。以隻履爲標榜。嚮命資身。其曠達妙趣。有起人者。達磨隻履投西歸。一隻迺爲汝所持。汝持此隻將奚

爲十方三世包無遺。大撓十千十二支。衍作六十花參差。釋迦佛亦不出斯。丈六  
身外還屬誰。七十九年略可推。無始劫來何從知。可滿盛著瑯琊兒。任汝胎年月  
日時。烏窠披上纍繒衣。龍尾引入黃金墀。平川袤野觀游絲。東西南北隨風飛。水  
流雲在俱遲遲。凡度眼者都忘機。一物今古常光輝。無頭無尾無骨皮。無男無女  
無妾妻。無肝無膽無心脾。大率一切皆無之。太空赤立孤悽悽。珞珠忽見全如癡。  
何況呂李楊徐奚。我命居申西南維。我身在未正值西。臘月三十日到來。此身此  
命成煙霏。倦起卦盤收卦棊。梅軒共看花陰移。宋王質雪山集

清

郭載驂字御青古博人。

博春秋齊邑在今山東泰安縣東南左傳哀公十一年公會吳子伐齊克博漢置博縣

懷慶府推官究心六

壬二十年彙集六壬大全十二卷康熙甲申刊印行世其自序云六壬向無耑刻抄本皆魯魚膺字不堪入目較正刊行海內者自暘谷關先生三式始路阻難購得余究心此道業二十年彙集大全一書成帙因旅棗蕭然難以行刻梓人徐振南者願求其稿以登梨因繕寫付之余奉簡書復有中州之役不知其刻能竟否

若集中畢法賦、正舛訂訛、分類抬頭、使觀者較若列眉、又課經集、彙括諸家、更無剩義、余之心血、幾爲嘔盡、壬書中從無此精研者矣、友人覽是編曰、汝素研精此道、能占之百不失一乎、余曰不然、占有應否、中有說焉、余揣以經營事理爲主、不過信杳茫也、現前事理、苟屬一定、其宜行宜止、觀事理爲動靜、其成敗聽之天而已、如舍定理而別圖、卽爲妄占、妄則不誠、不誠則不明、事有宜占者、有不宜占者、宜占者、事理有兩在者也、不宜占者、事理無兩在者也、又事關鴻鉅、疑心亟切、則宜占、事屬緩慢、心不亟切、則不宜占、嘗有人以不緊要之事、因閑談而漫求占問者、之心已不誠、占者亦漫應之、兩入之心俱不誠、是無物也、無物則無形見、所以課體亦茫無端緒、大約天下事、皆象心爲之、未有無心而有事者也、如人閉目凝神、雖坐靜一室、而室外步履音響、洞垣如見、如心偶他馳、人過吾前而不見、聲震吾耳而不聞、是心一不在、雖面前形聲、且不見不聞、而况傳課中隱深之義乎、卜筮家、每云心不誠、則神不告、非幻冥之神不告、乃吾自心之神不出現也、上徹九

天下透重淵。皆人心靈爲之。舍自己心靈而求課象。必不得之數也。余持是說以告占驗家。百不失一矣。請以質之海內同志者。六王大全自序。四庫提要子部術數類云。大六

名氏。卷首題懷慶府推官郭載謙校。蓋明代所刊也。珊家藏原刻本。有自序。載明康熙甲申季秋。古博郭載謙御書。題于白門。題中字樣。具見編藏之本。佚去載謙自序。故提要疑爲明刊也。

清

張永爵字錫侯。學青島家言。天文地理星緯諸書。研心考究。占驗無不奇。中年

九十餘。步履視聽如少壯時。晚號竹溪老人。有奇門真機四卷。今佚。民國泰安縣志方技

477 萊蕪縣

春秋齊疆縣。唐移置萊蕪縣於此。清屬山東泰安府。

明

董從字大同。邑諸生。工詩善書法。爲人豪邁。亢簡不合時趨。恥爲佔畢。餽釘之業。喜投壺圍棋。又善形家言。聞嘗賣漿鬻卜。卒年六十有二。彭城吳某題其墓曰。

詞壇高士。民國萊蕪縣志隱逸

478 肥城縣

漢置肥城縣。後漢省。晉復置。後魏曰肥城。唐省。元復置。清屬山東泰安府。縣境產桃。俗名肥桃。實大味甘。液亦較常桃爲多。

清

尹匯瀛字福山。幼讀書。端重若成人。道光丁酉拔貢。旋舉順天鄉試。成進士。官工部主事。請假歸里。遂不復出。博覽羣書。肆力於詩古文詞。經史而外。於天文占

卜堪與星相之書無所不究。晚年尤通醫理。居恆兀坐斗室。如對大賓。及與人接。盜然太和。溢於眉宇。鄉黨奉爲矜式。年六十二卒。光緒肥城縣志文學

479 惠民縣 漢厭次縣地。宋移置信陽縣於此。明省。改置武定州。清雍正十二年。升武定爲府。屬山東省。置惠民縣爲府治。

清 李壽淵字靜洲。年十五補弟子員。雍正壬子舉人。博學多才。自經史詩賦文詞外。旁及陰陽象緯。卜算堪輿之學。多手錄成篇。莫不究其奧旨。年五十一歲卒。乾隆

惠民縣志文學宜  
統山東通志人物

480 陽信縣 漢置。在今山東無棣縣界。北齊移治馬嶺城。在今陽信縣東。隋時又移治陽信縣南七里。宋徙今治。清屬山東武定府。

宋 王訥陽信人。通星曆。太宗時。王贊寧充史館編修。壽八十。訥推其命孤薄無貴。壽謂寧曰。君生時。其有貴星臨乎。寧曰。然。予母嘗言。生我時。有王侯貴人避雨門前。移時方去。圖書集成星命部名流列傳

宋 楊知陽信人。少遇異人。傳以風鑑。太宗徵時。散行遇知。知謂曰。君其治世主乎。太宗却避。及登極。乃詔號真人。卽泰山爲庵以居。後莫知所之。

明 張希儒字太字陽信人由歲貢任臨清訓導出遊陌上遇一貧衲邀與共飲衲感之授以風鑑術言人休咎皆奇驗邑紳李如檜遷問卿親友郊餞希儒歸語人曰可惜此老登鬼錄矣聞者驚愕後旬日而訃至邑人曾明昌爲諸生時希儒見而奇曰年非大比而面有桂花其瓣不完旣而泰昌改元昌得恩拔馬素融劉進吉爲諸生同硯席希儒異曰兩貢同時爲不解也後順治辛卯馬准恩貢劉以歲貢同時之言果驗

以上咸豐武定府志藝術

清 朱崇英字映陽邑增生其父庠生百揆通曉地理崇英能世其學精管輅課每

于大比年元夜起課問科第毫髮不爽壽八十三而終

乾隆陽信縣志方技

481 厭次縣 秦置漢改曰富平後漢復故明統志載厭次在陵縣東北三十里即今神頭鎮此秦及西漢之厭次也山東通志云富平在陽信東南三十里乃今桑落驛此東漢之厭次也

漢 東方朔字曼倩厭次人武帝初朔上書高自稱譽帝偉之令爲常侍郎帝欲爲上林苑朔進諫迺拜朔爲太中大夫給事中復爲中郎復上書陳農戰疆國之計不見用因著論設客難己又設非有先生之論朔之文辭此二篇最善朔待詔金

馬門稍得親近。上嘗使諸數家射覆。置守宮孟下。射之。皆不能中。朔自贊曰。臣嘗受易。請射之。迺別署布卦而對曰。臣以爲龍又無角。請之爲蛇。又無足。跂跂脈脈。善緣壁。是非守宮。卽蜥蜴。上曰善。賜帛十匹。復使射他物。連中。輒賜帛。

前漢書本傳圖書藝術典射覆

部紀

482 無棣縣 卽春秋時齊之無棣邑。管子所謂北至無棣者。隋置縣治此。在今山東無棣縣北三十里。唐因之。宋仍治此。治平中移於今城。卽五代周所置保順軍也。金廢軍。元分其地屬滄棣二州。俗謂之東西二

縣。清因之。民國改海豐縣爲無棣縣。沿海魚鹽殷富。其地亦日拓。有移治天山街之議。

明 王守分 字西安 精歷算及形家言 充陰陽學訓術 進士高知彰贈詩有曰 士庶

喜吾談造化 鬼神畏我破天機 年至八十終 子希哲嗣其職

民國無棣縣志隱逸

483 濱州 五代周置。宋曰濱州勃海郡。金曰濱州。明屬山東濟南府。清因之。民國改爲濱縣。

後漢 郭鳳 渤海人 官博士 好圖讖 善說災異 吉凶占應 先自知死期 豫令弟子市棺

斂具 至其日而終

後漢書方術附謝夷吾傳

清 薛帽 字對峯 居家以孝友著 讀書三月 卽棄去 博通詩古文詞 兼及堪輿易象

篆刻諸技。寡知交。而交必以誠。嘗有故人子廢學者。減餐以供。勿恤也。每爲人相地。必度其德。克堪與否。利不能動。勢亦不爲之屈。暇時布衣草屨。行吟城隅。有古隱士風。一日有以私事相干者。投數十金。擯弗受。其高風亮節。類如此。咸豐濱州志隱逸

484

利津縣 漢濕沃縣地。隋蒲臺縣地。唐渤海蒲臺二縣地。金爲永利鎮。尋升爲利津縣。清屬山東武定府。

明

李登仙。字見田。仁義鄉一圖人。自幼卽好談玄。講易。究心康節數學。諸書長而

遨遊四方。寄情山水。得異人傳授。遂出口詩文。隨風珠玉。每意到卽筆不停。寫言言奇中。不占驗。而前知。有不可徒以數學測者。登仙嘗遊晉中。與太史朱滄起交。指點何地吉。何方得全。至逆闖變起。與數符合。朱氏得全家無恙。爲著異人傳。以行世。時田都督宏遇。聞其名。延之署中。適流寇掠河陝諸省。撥馬日馳數百里。報軍中機宜。登仙曰。安用是。今日寇攻某城。擊某寨。我兵與戰。勝負若何。皆遠在千里外。報知。悉如登仙言。都督得以奏之。上大喜。進都督服俸。都督欲奏登仙姓名於上。登仙不許。光緒利津縣志仙技

清 李神仙者，利津人。占卜多奇中。順治間，霑化李吉津宮詹呈祥，寓京師。日嘗問以前程事。李書一聯云：洗耳自同高士潔，披襟不讓大王雄。後半載吉津以建言流徙出關。途次永平，有一秀才迎道側，具刺自言貧苦求資助。視其名，則高士潔也。大駭歎。及出關，一守備王姓遠來相送，因爲誦聯句。王駭曰：雄卽某小字也。吉津太息以爲定數不爽如此。康熙壬寅，詔許生還。一日偶舉此事語長洲尤展成太史。尤又駭曰：此詩乃余昔年戲作論語詩中之一也。清王士禛池北偶談

485 霑化縣

隋浦臺縣地，宋置招安縣，金改名霑化，清屬山東武定府。

清 溫其中，不知何許人。善相宅。至一家云：牆橫曲木，北堂病母。其家驚以爲神。延至家，應手而母病愈。王令君宅多鬼，延其中至，遍相其宅，以手畫地，命掘之，得白骨二合，棺而窆。妖遂寂然。其術之神異，皆此類也。

清 范峻，字景坡，庠生。服習象緯堪輿陰陽方脈律呂諸書。邑城舊有五門，南門東有小南門。久塞，峻請於邑令復舊制。曰：利文明也。著有易經講義十卷。邑令童均

爲之序。藏於家。

清 郭景曜。字普照。下鄆莊人。庠生。性好靜。與人無爭。處鄉里。恂恂時。人皆敬之。入庠後。手不釋卷。尤達於易。凡易之註釋。多所發明。善風鑑卜筮。非有意習其業。蓋自天文地理之學。推測而得者也。以上民國國醫化縣志方技

436

商河縣。隋置。清河縣。宋改曰商河。清屬山東武定府。

清 蘇雲山。三教堂人。精堪輿學。有延請者。無論遠近。輒步隨之。不索謝。又多識前。言往事。喜劇談。言必忠孝節義。能令人鼓舞感泣。家素豐。自奉儉約。戚友稱貸無難色。適病甚。合家惶懼。欲備後事。雪山曰。勿須。吾命今未合終。後十年乃其時耳。至時。忽偃臥不起。召家人至。悉取積年債券。令焚之。或勸其以遺後人。曰。爲後人斷此。葛藤。卽所以遺之也。舉首環顧。家人俱在。連曰。好好。遂卒。壽七十三歲。

清 李毓華。字協庵。胡家營人。天資穎敏。弱冠遊庠。旋補增廣生。鄉試屢薦未售。遂無志進取。精星命學。爲人推算。無不應驗。

清 李懷敬字修齋。胡家營人。幼業儒。中年廢讀。精數學。尤善卜筮。言輒驗。

清 劉寶璋字劍南。燕莊人。歲貢生。任萊蕪教諭。年老致仕。閉戶修養。精奇門。能驅

六丁六甲之神。談未來之事。無不應驗。無疾而終。人以爲仙去。著有數學正宗。

清 李爽精於數學。知人死生先時。知年歲豐歉。壽九十四歲。以上道光  
河縣志方技

487 高苑縣戰國齊千乘狄邑地。漢置千乘縣。南朝宋。僞置長樂縣。北齊移縣治被陽城。隋改曰會城。又改曰高苑。宋改曰宣化軍。尋廢軍爲縣。明清皆屬山東青州府。

清 何一鳳高苑人。邑庠生。年二十七棄妻子。游名山。嘗寓蒙城西陽埠口。晦跡隱

名。以賣卜養身。號百開子。著丹臺鶴韻一卷。後不知所終。康熙青州  
府志方技

488 博山縣本淄川縣之額神鎮地。漢爲萊蕪縣地。北魏以後。爲貝丘縣地。元初。嘗置行淄川縣於此。尋廢。以鎮淄益都。明設通判駐此。清雍正十二年。始析益都淄川萊蕪地。置博山縣。屬山東青州府。

濟鐵路之支線。自張店經淄川達此。今有自辦爲商埠之議。縣境產製玻璃之原料白沙。故於清光緒三十二年。創辦玻璃公司。所出之貨。雖不能與歐美各國較。而在中國。却爲絕大之玻璃廠。與江蘇之慶餘並稱。所出之平面玻璃。及玻璃器。曾於南洋勸業會。得一等獎。惜用人濫而開支巨。所出玻璃。又瑩潔不足。損失太多。連年虧折。至清宣統二年。遂停辦。地亦產煤。舊時並產鐵。

明 趙祐字玉沙。歲貢生。性簡淡。讀書深默。甚有檢裁。父應時。嘗以貢士爲蘭陽主簿。家故淡薄。祐又耽讀。不措意生產。益貧落。或至齋時已過。妻孥尙懸釜以待。有

不堪者。輒顧笑曰。姑徐徐。無妨我讀也。居常晏坐一室。冬夏不謝衣冠。禹步徐行。意閒閒。既無情容。亦無窘步。以此人未或窺其際焉。晚好青鳥家言。雖已策名。閉戶不仕。追摹伏讀。著地理紫囊書傳於世。四世孫其昌。中康熙己酉。亞魁。己未成

進士。

民國博山縣志隱逸

489

濟寧州

春秋任國。漢任城縣。後漢置任城國。後魏任城郡。金移濟州治任城。元初。仍曰濟州。徙治鉅野。又升爲濟寧府。遷治任城。尋復徙。後復置濟州。屬濟寧府。升爲濟寧路。明改路爲府。又降爲州。

清升爲直隸州。屬山東省。民國改縣。地濱運河。南通江淮。北連河濟。爲南北水陸之襟要。民國十年。自開爲商埠。津浦鐵路。有支線自濰縣縣達此。

明 王泰濟寧衛人。嘗遇一老嫗。授以陰陽大旨一篇。由是言人禍福。屢發屢中。人  
以爲神。都御史馬昂。嘗微服訪泰。泰愕然。以爲大貴人也。公某月日。必陞兵部尙  
書。果然。漕運都御史王洪。就問泰曰。此去赴京。必有大禍。後洪以笏擊死亂政毛  
長隨於朝。果被謫戍遠方。泰又曰。公至某處。當有詔命。仍理漕運。果如所言。指揮  
盧彬。金帶自束。復開者三。泰曰。今夕決有鋒刃之禍。是夕彬入舍。人王鸞家。爲鸞  
所殺。其神妙如此。圖書集成藝術典  
卜筮部名流列傳

清 郭一標號次立業儒有行教授生徒夏一葛冬一褐所食不過粗糲所居僅蔽風雨數十年如一日泊如也庭花窗草簷鳥盆魚悠然有得精於易晨夕把玩手自編摩每謂弟子鄭與僑言大易三百八十四爻總不外一潛字會得乾之初體六十四卦一以貫之可也爲文爾雅溫醇自成一體然每試多不利或勸其矧方技俗矧音元制去聲矧也則曰文心聲也違心殉人可乎以此終不遇終不悔年老病終常作笑容家人問所笑何事復大笑而卒有大易日抄傳於世民國濟寧州志隱逸

490

兗州屬山東省故治即今滋陽縣

唐 伊慎字寡悔兗州人通春秋戰國策天官五行書以善射爲折衝都尉授連州長史討梁崇義李希烈署慎漢南北兵馬使不受襄漢平希烈愛其才數饋遺欲縶止之卒以計免明年希烈反嗣曹壬臯得而壯之拔爲大將以功封南兗郡王

卒諡壯繆

宣統山東通志名臣

491

曲阜縣

魯周國名姬姓文王第四子周公旦所封也周公位冢宰留相天子乃封其長子伯禽爲魯侯都於曲阜即今山東曲阜縣伯禽十三世傳至隱公息姑元年春秋託始於此又二百四十有二

年爲哀公將之十四年。四狩獲麟。春秋以終。後九君至頃公歸。爲楚所滅。

周 楚丘之父。掌龜卜。魯季友。莊公母弟也。將生。桓公使卜。楚丘之父卜之。曰。男也。

其名曰友。間於兩社。爲公室輔。季氏亡。則魯不昌。又筮之。遇大有三三之乾。三三曰。同復於父。敬如君所。及生。有文在手。曰友。遂以名之。嗟夫。季友之生。爲魯國輔佐。固係於天命。而友之名。先見於楚邱之卜。與季友之手。自然成文。名亦由天定。

耶。

春秋左傳閔公二年。古今類事卜兆。

492

寧陽縣

春秋魯闕邑。漢置寧陽侯國。後爲縣。故城在今山東寧陽縣南。晉省。北齊移置平原縣於此。隋改曰嬰丘。宋又改曰嬰縣。今復曰寧陽縣。即今治。明清皆屬山東兗州府。

明 王賢。字惟善。寧陽人。幼遇異人。授以青囊書。遂精其術。永樂中。爲成祖卜壽陵。

後累官至順天府尹。

宣統山東通志方技。

493

滕縣

周時滕薛小邾三國地。戰國時爲齊地。漢置蕃縣。隋改曰滕縣。宋兼置滕陽軍。金置滕陽州。改滕州。仍治滕縣。明州廢縣存。屬山東兗州府。清因之。津浦鐵路經之。

明 王恭臨。字南軒。別號海華子。才敏異。書讀一過。卽上口。乾隆丙午。施食拯餓者。時歲荐饑。劫掠蠢動。相戒不入王善人村。旣入。賞爲國學生。因究心周易六壬。天

官靈樞青鳥之籍尤精於占數。道光滕縣志方術

清 劉有源字宗海滕縣人喜慶丙子舉人達於經學尤精四子書於宋元以來諸

說析別鞅轡獨標要義嘗言讀書貴心得不然縱多記先儒傳注猶糟粕耳少習六甲壬遁甘石星經及靈樞素問等書皆不以此自炫鄒嶧之士及其門者多知

名於時云。宣統通志儒林

494 平陸縣戰國時齊邑孟丁之平陸即此漢置東平陸縣南朝宋去東字曰平陸故城在今山東汶上縣北元嘉中移樂平縣寄治於此隋復改樂平爲平陸唐改名中都即今汶上縣治

漢後 王輔字公助平陸人學公羊傳授神契常隱居野廬以道自娛辟公府舉有道

對策拜郎中陳災異甄吉凶有驗拜議郎以病遜建光元年辛酉公車徵輔不至

卒於家。後漢書樊英傳注

495 魚臺縣春秋魯棠邑地戰國爲宋方與邑秦置方與縣唐改曰魚臺因縣北有魯君觀魚臺故名清屬山東濟寧州

單颺字武宣山陽湖陸人。後漢置湖陸縣故城在今山東魚臺縣東南六十里以孤特清苦自立善明天官算術

漢後 舉孝廉遷太史令侍中出爲漢中太守公事免後拜尙書卒於官初熹平末戊午

黃龍見譙。光祿大夫橋元。通志橋作喬問颺。此何祥也。颺曰：其國當有王者興。不及五十

年。龍當復見。此其應也。魏郡人殷登密記之。至建安二十五年庚子春，黃龍復見

譙。其冬魏受禪。後漢書方術宣統山東通志藝術

496 沂州。秦置瑯邪郡。後魏置北徐州。北周改曰沂州。隋廢郡。尋改州爲瑯邪郡。後復曰沂州。雍正二年。升爲直隸州。十二年。又升爲府。置蘭山縣。爲山東沂州府治。民國廢府。改縣曰臨沂。

漢後

趙彥。琅邪人。少有術學。延熙庚子，琅邪賊勞丙與泰山賊叔孫無忌殺都尉。攻

沒琅邪屬縣。殘害吏民。朝廷以南陽宗資爲討寇中郎將。杖鉞將兵督州郡。合討

無忌。彥爲陳孤虛之法。以賊屯在莒。莒有五陽之地。謂城陽、南武陽、開陽、陽都、安陽並近莒。宣發五陽

郡兵。郡名有陽。謂山陽、廣陽、漢陽、南陽、丹陽郡之類也。從孤擊虛。以討之。資具以狀上。詔書遣五陽兵到。彥推

遁。甲教以時進兵。一戰破賊。燔燒屯塢。徐兗二州一時平夷。後漢書方術宣統山東通志藝術

王成乃南鄭李固門生。固官太尉。受梁冀虛誣。死於獄中。成有古人之節。遂將

固幼子燮。乘江東下。入徐州界內。時燮年甫十三。令燮姓名爲酒家傭。而成賣卜

於市。各爲異人。陰相往來。燮從受學。酒家異之。意非恆人。以女妻燮。燮專精經學。

十餘年間。梁冀既誅。大赦天下。並求固後嗣。變乃以本末告酒家。酒家具車重厚。遣之皆不受。遂還鄉里。後王成卒。變以禮葬之。感傷舊恩。每四節爲設上賓之位。而祠焉。

後漢書附李固傳清一統志山東省沂州府流寓

宋劉

顏延之。字延年。少孤貧。好讀書。文章之美。冠絕當時。累官始安、永嘉、二郡太守。

祕書監光祿勳。孝建三年丙申卒。時年七十三。諡曰憲。著大筮箴云。余因談易。偶意著龜。友人有請決。遊宦務志。卦有咎占。故作大筮箴以悟焉。先王設筮。大人盡慮。卦遭同人。變而之豫。先號後笑。初睽未遇。時至運來。當在三五。功畢官成。幾乎衍數。慶在坤宮。災在坎路。不出戶庭。獨立無懼。違此而動。投足失步。無愾爾儀。寧骨有知。無曰余逆。神筮不豫。南人司箴。敢告馳騫。

宋書本傳顏光祿集

宋劉

王微。字景元。臨沂人。少好學。善屬文。工書。兼解音律及醫方。卜筮陰陽術數之事。宋文帝以其善筮。賜以名著。初爲始興王友。父憂去職。微素無宦情。服闋。辭不就辟。又妙解天文。知當有大故。常住敝屋一間。尋書玩古。遂足不履地。牀席皆生。

塵埃。惟當坐處獨淨。如此者十餘年。所著文集傳於世。卒贈祕書監。

宋書本傳南史附王安傳

清。宋之韓。字奇玉。沂州人。孝弟嗜學。精天文地理。以明經教授東昌。稱職。陞濂州

通判。五子諸孫。俱顯於時。

乾嘉沂州府志文學

497 蒙陰縣

春秋魯蒙邑。漢置蒙陰縣。故城在今山東蒙陰縣西南十五里。後魏置新泰縣。東魏改曰蒙陰。故城在今縣東十里。元復置今治。清屬山東沂州府。

明。公家臣。字東塘。蒙陰人。隆慶戊辰翰林編修。謫廣平推官。陞南戶部主事。過里

中。轉墓至黃山下。謂子鼐曰。

字孝與

此佳地。歿而葬。此可矣。鼐言怪之。既抵南。病作。

鼐往迎。至徐州。見夢曰。吾不歸矣。黃山葬地。無過趙氏北墻下。鼐大驚。起赴家。臣已卒。滁州。蓋卽見夢之夕也。既尋得地。葬有日矣。卽不知所言趙者何。鼐臥柩側。夢一蒼頭馳告曰。闕前過一石橋。奈何。相與往視之。儼然古塚。堂宇宏麗。朱扉四啓。隙中見一燈熒然。已而朱扉開。燈爆有聲。光大起如晝。北壁有銘。而闕其角。曰。宋貴主葬處也。生嘉祐至道間。一轉爲某官。再轉爲戶部主事。推官云。旁有書四廚。劍四。鼐拔劍舞。遂覺。覺而悟。宋貴主之爲趙氏也。越數日方葬。而甘泉出。芝草

生。至萬曆辛丑，鼎成進士，改庶吉士，授編修。累官禮部侍郎，引疾歸。卒諡文介。

明史

附公補傳明朱國禎湧幢小品

498 莒州 周爲莒國，漢置莒縣，文帝封朱虛侯章爲城陽王，以莒爲都，金置城陽州。於此，後改名莒州，明省縣入州，清因之，屬山東沂州府，民國改州爲縣。

明

趙同，汀水人，少力學，有遠志，研窮經術，尤邃於易。樂聚漢宋傳注，冥思若索者

三年，夜夢兩人至榻前，扣之曰：子猶未悟耶？其一曰：茲悟矣。遂笑而去。既寤，思之洞然。遂善易，卜休咎，奇中。乃攜一童游淮海，徐揚仿君平垂簾故事，得貲盈數。歸而鳩工鑿石築橋於村東五里許，寬平堅實，行旅便之。工甫竣，無疾而逝。初自筮終身，遇同人辭曰：同人于野，遂取名同。字子野，著有易解，心悟。今佚。

民國莒縣志藝術

499 東莞縣 漢置爲侯國，晉時屬慕容燕，亦曰團城，魏改爲南青州，仍治團城，隋改爲沂水，即今山東沂水縣治。

孫僧化，東莞人，識星分案，天占言災異，時有所中。普泰中，爾朱世隆惡其多言，

遂繫於廷尉，免官。永熙中，出，帝召僧化，與中散大夫孫安都共撰兵法，未就。而帝

入關，遂罷。元象中，死於晉陽。

北史附張深傳術數宣統山東通志方技

周北

漢蜀

500

陽都縣

春秋時陽國。漢置陽都縣。永和十二年。徐州刺史荀美攻陽都。克之。縣尋廢。故城在今山東沂水縣南。

諸葛亮字孔明。陽都人。少孤。避難荊州。躬耕隴畝。先生詣亮。三往乃見。後從先主。敗曹操於赤壁。收江南。及成都平。策爲丞相。先主崩。受遺詔。輔後主。建興初。封武鄉侯。領益州牧。志在攻魏。以復中原。乃東和孫權。南平孟獲。而後出師北伐。六出祁山。與魏相攻戰者累年。後以疾卒於軍。年五十四。諡忠武。亮性長於巧思。損益連弩。作木牛流馬。推演兵法。作八陣圖。咸得其要。著有諸葛武侯十六策一卷。將苑一卷。平朝陰府二十四機一卷。六軍鏡心訣一卷。八陣圖一卷。兵機法一卷。六壬類苑一卷。相書一卷。相山訣一卷。大堂明鑑一卷。惜均罕見矣。

三國蜀志本傳宋鄭樵通志藝文略

○獨志本傳注。蜀記云。曹公遺刺客見劉備。方得交接。開論伐魏。形勢甚合。備計稍欲親近。刺客尙未得便。會既而亮入。魏客神色失措。亮因而察之。亦知非常人。須臾客如廁。備謂亮曰。向得奇士。足以助君。補益。亮問所在。備曰。起者其人也。亮徐歎曰。觀客色動而神懼。視低而作數。姦形外漏。邪心內藏。必曹氏刺客也。追之。已越牆而走。○圖書集成藝術典術數部記事。上先主書云。亮算太乙數。今年歲次癸巳。彗星在西方。又觀乾象。太白臨於雒城之分。主於將帥多凶少吉。原註太乙飛鈴云。先主自濟攻雒城。亮遣馬良上先主書。已而軍帥亂統中流矢死。○陰符經注云。亮曰。天垂象。聖人則之。推甲子。畫八卦。考著龜。稽律曆。則鬼神之情。陰陽之理。昭著乎象。無不盡矣。

501 曹州

春秋曹國。後魏置西兗州。北齊改爲曹州。在今山東曹縣西北七十里。今移治古乘氏。卽今荷澤縣。明移州還治曹縣。界安陵鎮。又徙治盤石鎮。尋降州爲曹縣。別置曹州。以曹縣屬之。卽今曹縣治。清雍正十三年。升州爲曹州府。置荷澤縣爲府治。民國廢府爲縣。

隋 蕭吉字文休。梁武帝兄也。博學多通。尤精陰陽算術。江陵覆亡。遂歸周。爲儀同。

周宣帝時。吉以朝政日非。上書切諫。不納。及隋受禪。進上儀同。兼太常。考定古今陰陽書。開皇間。帝陰欲易太子。吉先上言。太子當不安位。帝異之。由是每被顧問。獻皇后崩。上令吉擇葬所。歷箠山原。至一處。曰卜年二千。卜世二百。圖而奏之。退告族人平仲曰。二千者。三十字也。二百者。取三十二運也。太子得政。隋其亡乎。當有真人出治之矣。煬帝嗣位。拜太府少卿。加開府。嘗行經華陰。見楊素冢。上有白氣屬天。密言於帝曰。其後素家當有兵禍滅門。未幾而元感以反族誅。其言果驗。著五行大義。金海。相經要錄。宅經。葬經。樂譜。相手版要訣。太一立成。並行於世。

隋書

藝術宣統山東通志藝術

元 郭翁曹州人。以賣卜南遊定遠。有富人女瞽。而卜所偶。翁占之曰。此貴人也。當

在腹。請娶之。期年而生子。子興。興從明太祖攻常州寧國。下之。又從徐達取中原。

克汴梁。封鞏昌侯。

宣統山東通志方按

歷代卜人傳卷二十三終

江都沈薇閣校

俞曲園湖樓筆談卷七。嘗讀孟子。至孟獻子。有友五人焉。樂正、裘牧仲。其三人則予忘之矣。未嘗不廢書而歎也。曰樂正、裘牧仲。幸而爲孟子所記憶。從此姓名千古矣。其三人者。不幸而不爲孟子所記憶。則遂湮沒無聞矣。在孟子當日。不過一沈吟間。而傳與不傳。卽繫乎此。人知富貴窮賤。有命存焉。而不知身後之名。亦自有命。不然彼五人者。何以有傳有不傳哉。清俞樾茶香室四鈔引宋陳昉穎川小語云。俗言三平二滿。蓋三遇平。二遇滿。皆平穩得過之日。五角六張。五遇角。六遇張。其日不穩多乖。按三平二滿。余向不解。今乃知五角六張之例耳。

宋寇宗奭本草衍義以針貫燈心浮水上亦指南然常偏丙位蓋丙爲大火庚辛金受其制故如是。

明郎瑛七修類稿燕水鳥也故名元鳥其來去皆避社日不以戊己日取土爲巢書戊己於巢則去皆因土尅水故也。

曲園續鈔載宋范石湖詩集有一題云丙午新年六十一歲俗謂之元命作詩自貶按六十一歲爲元命今無此說矣。

宗俞琰席上腐談欲知時辰陰陽當別以鼻鼻中氣陽時在左陰時在右亥子之交兩鼻俱通丹家謂玉洞雙開是也。

宋邵康節公擊壤集一題爲乾坤吟一用九見羣龍首能出庶物用六利永貞因乾以爲利四象以九成遂爲三十六四象以六成遂爲二十四如何九與六能盡人間事。

國家圖書館



005491536

